

1793

232

φ - 95

1896

2010

18

ՓՈՒՆԶ ՄԻ ԾԱՂԿԱՆՑ

ԱՌ ԱՍՏՈՒԱԾԱՄԱՅԻՆ ՄԱՐԻԱՄ

ՔԱՂԵԼՈՑ

Ի ՇԱՐԱԿՆՈՅԷ

ՀԱՅԱՍՏԱՆԵԱՅՑ ԵԿԵՂԵՑԻՈՅ

ԵՐԲՐԿ ՏՊԱԳՐՈՒԹԻՒՆ

ՅԱԿԵԼԵԱԼ ԸՄԶՄՈՐԻՆԱԿ ՎԿԱՅՈՒԹԵԱՄԲԲ

Ի ՎԵՆԵՏԻԿ

Ի ՍՈՒՐԵ ՂԱԶԱՐ

1896

232
Պ-95

232
φ-95

Printed in Turkey

25

84

ՓՈՒՆՁ ՄԻ ԾԱՂԿԱՆՑ

ԱՌ ԱՍՏՈՒԱԾԱՄԱՅԻՆ ՄԱՐԻԱՄ

ՔԱՂԵԼՈՑ

Ի ՇԱՐԱԿՆՈՑԷ

ՀԱՅԱՍՏԱՆԵԱՅՅ ԵԿԵՂԵՅԻՈՅ

22-10881

ԵՐՐՈՐԴ ՏՊԱԳՐՈՒԹԻՒՆ

ՅԱԻԵԼԵԱԼ ԲԱԶՄՈՐԻՆԱԿ ՎԿԱՑՈՒԹԵԱՄԲԲ

Ի ՎԵՆԵՏԻԿ

Ի ՍՈՒՐԲ ՂԱԶԱՐ

1896

36665 м. б.

2017

19901-59



(10457)
39

2004

12001





ՄԱՔՈՒՐ ԱՂԱԻՆԻ ԵՒ ՀԱՐՄՆ ԵՐԿՆԻՑ

ՄԱՐԻԱՄ

ԱՍՏՈՒԱԾԱԾԻՆ

Անարատ մայր Տեառն եւ կոյս սուրբ .

Օրհնեալ ըլլաւ որ ուղեցիր ինձ ազգել այս փոքրիկ աշխատութեանս ձեռք զարնելու :

ԱՍՏՈՒԱԾԱԾԻՆ

Քեզի շնորհուած բոլոր արտօնութեանց, եւ շնորհաց լիութեան, եւ անճառելի փառաց՝ հիմն եւ կեդրոնն է այդ անհասանելի Աստուածամայրութեան արժանապատուութիւնը, որով երանեն եւ երանեսցեն քեզ ամենայն ազգք . քանզի « ո՛վ կոյս, փառք քո՝ ծնունդ քո » :

Ուստի կապուելիք փունջին այդ առաջին եւ փառաւոր ծաղիկը քեզ կը նուիրեմ Հայաստանեայց Եկեղեցւոյ երրակի ժամամուտներովը :

Հարով, 'ի տօնի Աշտուեսց Ս . Աստուածածնիկն

1896


Ա. Աստուածածինն անհարսնացեալ, ըզ-
բանն անսկիզբն յղացար, եւ զԱստուածն
անիմանալին ծնար, զանպարագրելին 'ի գիր-
կըս քո բարձեր. նմա անդադար բարեխօսեա
վասն անձանց մերոց:


Բ. Աստուածածինն զքեզ խոստովանեալ
երկրպագէ եկեղեցի ուղղափառաց. քանզի
ուր քերովբէքն բաղմաչեայք եւ աթոռք հրա-
նիւթք եւ վեցթեւեան սերովբէքն նայել ոչ
իշխէին, կրեցեր անսերմնապէս յանապակա-
նումն 'ի յարգանդի քում որպէս աղախին
զՏէր, եւ ծնար որպէս մարդ զԱստուածն բո-
լորից զմարմնացեալն առ 'ի քէն զանճառ
զԲանն, 'ի փրկութիւն աշխարհի եւ կեանք
անձանց մերոց:

Գ. Ազաչեմք զքեզ սուրբ կոյս Մարիամ
Աստուածածին, Բարձրելոյն զօրութեամբն
հովանաւորեալ, եւ սուրբ Հոգւոյն եկաւորու-
թեամբն լուսաւորեալ, որ զամենայն գոյու-
թեանց զստեղծիչն յղացեալ ծնար անճառա-
պէս, մարմնացելոյն առ 'ի քէն բարեխօսեա
կեցուցանել զանձինս մեր:

Ի քաղել զժաղիկս Տիրաւօրն ոչ սակաւ
օգտեցար եւս եւ 'ի պատմութեան վարուցն
նորս հրատարակելոյ 'ի Վեկտիկ 'ի Հ. Աշք-
սեկտիոս վարդապետե Գոշրգեկեան 'ի Մը-
խիթարեան Ուշտոն: — Իսկ զորս ընծայեկն
ունակը այնմ՝ զոր երգեաց Սրբունիկ « Արար
ընդ իս մեծամեծս հզօրն եւ սոչրք է սևոռն
նորս », աստղանշաւ նշանակելք՝ քոյեալ 'ի
ընկոյրիւն իմաստեց:

- * Դուռն ընդ որ եմուտ
 - բանն Աստուած:
 - * Մորենի վառեալ որ ոչ
 - այրէր:
 - * Սուրբ Սրբոց:
 - * Սրբութեանց սուրբ:
- } Տես 'ի կարգիւն:





Ա

Ազատիչ յանցանաց նախամօրն: == Այսօր զազատիչն յանցանաց նախամօրն զկուսութեանց մայրն փոխադրեաց Բանն Աստուած, յերկնայինսն դասելով յաստուածակերտ խորանսն եւ յանպատում 'ի կեանս. վասն որոյ հրճուողական ձայնիւ քեզ երգէ եկեղեցի սուրբ զնոր զօրհնաբանութիւն:

Աթոռ Աստուծոյ Բանին: == Մաքուր աղանի եւ հարսն երկնից Մարիամ, տաճար եւ ամոռ Աստուծոյ Բանին, քեզ երանեն ամենայն ազինք:

Աթոռ փառաց յերկրի: == Որ 'ի վերայ քերովբէից նստեալ հանգչիս Բանդ Աստուած, այսօր հրաշափառ պարգեւօք ցուցեր ծննդեամբ 'ի յԱննայէ ամոռ փառաց յերկրի զսուրբն Մարիամ. օրհնեալ տէր Աստուած հարցն մերոց:

Աթոռ փրկութեան: == Ուրախ լեր ամոռ փրկութեան, յոյս հաստատութեան մարդկան, միջնորդ օրինաց եւ շնորհաց. օրհնութեամբ անդադար զօհութեամբ մեծացուցանեմք:

Աթոռ քերովբէական: == Քերովբէական ամոռ ցուցար Աստուածածին, 'ի գիրկս բառնալով զԱստուածն ամենեցուն որ նստին 'ի քերովբէս, առ նա միշտ բարեխօսեա կեցուցանել զմեզ:

Աղախին եւ մայր կենաց, աջոյն ծնող Հօր միածնին, որ առ 'ի քէն մարմնով ընկէց զամբարտաւանն յաթոռոյ, երանեն ազգ եւ ազինք այսօր զծնեալդ 'ի յԱննայէ:

Աղաչեմք զքեզ սուրբ Աստուածածին, առ Քրիստոս բարեխօսեա փրկել զժողովուրդս իւր, զոր գնեաց արեամբն իւրով:

Աղանի մաքուր: Տես Աթոռ Աստուծոյ. — Տող քաղցրածաւալ:

Աղբիւր անսպառ լուսոյն: == Զքեզ Աստուածածին աղբիւր անսպառ լուսոյն՝ որ լուսաւորէ զհաւատացեալս, միաբանական ձայնիւ երգով մեծացուցանեմք:

Աղբիւր ես ծարաւեաց: == Առ քեզ ապաւինիմք Ամենասրբունի. գերագոյն եւ հրաշալի, եւ բաշխող բարութեանց, աղբիւր

ես ծարաւեաց, եւ հանգիստ աշխատելոց,
եւ եղեր վերընկալ աստուածային Բանին:

Աղբիւր կենաց բղխեալ յԵդեմայ սուրբ Աստուածածին, որով արբեցաւ երկիր ծաբաւուտ Հոգւոյն իմաստիւք, տալ մեզ մաղթեա աղբիւրս արտասուաց, մաքրել զմեզ 'ի մեղաց մերոց:

Աղբիւր կնքեալ: == Զքեզ մորենի անկէզ, լեառն վիմածին, դուռն փակեալ եւ աղբիւր կնքեալ, նախատեսացն գուշակեալ մայր եւ կոյս, հոգեւոր երգով զքեզ բարեբանեմք եւ փառաւորեմք զմիածին քո զՈրդին:

Աղբիւր կնքեալ ջրոյն կենդանութեան: == Ուրախ լեր աղբիւր կնքեալ ջրոյն կենդանութեան, զոր ծարաւելոյ բնութեանս ետուր 'ի յարբումն, զքեզ օրհնութեամբ մեծացուցանեմք:

Աղբիւր յորգառատ: Տես Ղեառն վիմածին:

Ամենագովելի եւ քան զերկինս բարձրագոյն, որ զանհասանելի զՏէրն յորովայնի քում կրեցեր, եւ ցնծութիւն աշխարհի ծնար. վասն որոյ ամենեքեան զքեզ միշտ մեծացուցանեմք:

Ամենապայծառ բերկրեալ միշտ կոյս՝ որ զանբաւելի զԲանն անճառաբար յղացար, եւ

զմարմնացեալն Աստուած ծնանելով 'ի քէն. վասն որոյ ամենեքեան զքեզ միշտ մեծացուցանեմք:

Ամենասուրբ ծնող: == Այսօր տեսեալ հրակերպ դասուք վայր իջեալ յերկնից զՈրդին միածին՝ արփափայլ հրաշալի փառօք, գերապայծառ մաքրեալ Հոգւոյն յաւանդումն ամենասուրբ ծնողին իւրոյ, եւ համաձայնեալք անմարմնոցն՝ օրհնէին զամենօրհնեալ Սրբուհին:

Ամենասուրբ կոյս: == Ուրախ լեր բերկրեալ ամենասուրբ կոյս՝ որ ծնար աշխարհի զարդարութեան արեգակն, որ լուսաւորեաց զազգս որդւոց մարդկան:

Ամենասուրբ հոգի: == Այսօր ցնծան դաւք առաքելոցն տեսանելով զՏէրն տերանց խոնարհեալ յաւանդումն ամենասուրբ հոգւոյ մօր եւ կուսին:

Ամենասրբուհի: Տես Աղբիւր եւ ծարաւեաց:

Ամենօրհնեալ աստուածամայր Մարիամ, քերովբէական աթոռ արարչին մերոյ անօրհնութեան, զոր երանեն ամենայն ազինք հանապազ:

Ամենօրհնեալք 'ի կանայս: == Այսօր ժողովեալ սրբոցն 'ի միասին երանելի առաքեալքն եւ սուրբ կուսանք, ջահագրես-

տուք պայծառացեալ լուցանէին զլապտերս իւրեանց, եւ միաձայնեալ ասէին, օրհնեալ ես ամէնօրինեալդ 'ի կանայս :

Ամէնօրհնեալ Սրբուհի եւ միշտ կոյս Աստուածածին Մարիամ, բարեխօսեա առ Տէր վասն իմ մեղաւորիս :

Ամպ թեթեւ : == Եսայիաս զքեզ թեթեւ ամպ ետես եւ Հայր յամպոյն զքո զՈրդին իւր դաւանեաց, նմա յաւէժ յանձն արա զանձինս մեր :

Ամպ թեթեւ : == Ուրախութիւն երկնի, եւ երկրի ամպ թեթեւ ցօղեալ 'ի մեզ զարդարութիւն. բարեբանեմք զբղխեալն 'ի քէն մարմնով յարմատոյն Յեսուայ դաւազան ծաղկեալ :

Ամպ թեթեւ, գեղմն իմանալի : == Ուրախ լեր ամպ թեթեւ, գեղմն իմանալի, որ 'ի բանական երկիր հեղեր զանձրեւ կենաց, արդիւնս ընդ գործոյ հաւատոյ պտղարբեւեալ :

Ամպ թեթեւ եւ լուսաւոր որ զանձրեւն կենաց 'ի քեզ հեղեալ 'ի յերկնային ծովէն, զոր հոսեցեր 'ի յերկիր ծարաւուտ, սրովբէական ձայնիւ զքեզ բարեբանեմք եւ հոգեւոր երգով մեծացուցանեմք :

Ամպ թեթեւ լուսածին : == Ընտրեալ յառաջ

քան զհիմունս 'ի սկզբանէ աշխարհի, տու մար անճառ անքնին եւ ամպ թեթեւ լուսածին, բարեխօսեա միածնին Աստուածածին մայր Բանին :

Ամպ թեթեւ լուսաւոր, անընդունակ խոնաւութեան, որ զցօղն կենաց 'ի ցամաքեալ բնութիւնս ցօղեր, օրհնութեամբ զքեզ բարեբանեալ մեծացուցանեմք :

Ամպ թեթեւ յերկրային ցանկութեանց սուրբ կոյս եւ վառարան աստուածային բոցոյն, որ զցօղն հայրաբուրիս անձրեւեցեր 'ի բանական երկիր, որով բնութեանս բուսան արդարութեան սուրբ բոյսք, վասն որոյ օրհնաբանեմք զքեզ յաւուր քո ծնընդեան :

Ամպ լուսածին : == Ուրախացան զօրք երկնից 'ի վերուտ, քանզի ցօղն անապական 'ի քէն հեղեալ միշտ կոյս եւ մայր Բանին տնտեսութեան լուսածին ամպ, ծագելով 'ի մեզ զարդարութեան արեգակն :

Ամպ լուսաւոր : == Աստուածածին ամպ լուսաւոր՝ որ զցօղն կենաց հեղեր յերկիր բանաւոր, և զնախամօրն շիջուցեր պարտեացն վհուր, անդադար ձայնիւ զքեզ բարեբանեմք, եւ հոգեւոր երգով մեծացուցանեմք :

Ամպ լուսեղէն: == Չքեզ պայծառ երկինք եւ ամպ լուսեղէն, ծնող արարչին եւ մորենի անկիղեղի, մեծացուցանեմք:

Ամպ հովանաւոր: == Աստուածածին սիւն լուսոյ ամպ հովանաւոր, եւ բնակարան Բանին որ բանիւ հովուէր զԽորայէլ, բարեխօսեա նմա վասն անձանց մերոց: Տես եւ Յօղ քաղցրածաւալ:

Ամպ հովանի: == Սիւն լուսոյ եւ ամպ հովանի սուրբ կոյս՝ որ ցօղեցեր ՚ի մեզ ըզցօղն երկնային, զքեզ բարբառնեմք Աստուածածին կոյս:

Այգի վայելուչ: Տես Ղեառն վիմածիմ:

Այսօր ՚ի քեզ լցեալ Ամուլսածնին բարբառ որ ՚ի փրկութիւն հասարակաց տուեալ նշան բնութեան ազգի մարդկան, ահա կոյս յղսոցի եւ ծնցի որդի զընդ մեզ յայանեալն Աստուած, առ որ մաղթեմք բարեխօսել վասն մեր անլուելի ձայնիւ:

Անապական անարատ կոյս Աստուածամայր: == Այսօր տօնակից հոգեղինաց զոլով հարսնացեալ եկեղեցի սուրբ, տօնէ ուրախութեամբ զյիշատակ անապական անարատ կուսի Աստուածամօրն. վասն որոյ սրովբէական ձայնիւ քեզ երգեմք, սրբութեանց սուրբ, զմիշտ փառաբանութիւն:

Անապական ծնող: == Աղաչանօք Աստուածածնին անապական քում ծնողին զիմանալի աչս սրտից մերոց բացցես ողորմութեամբ հայել ՚ի լոյս քօ Քրիստոս:

Անապական կոյս: == Չանապական կոյսն Մարիամ Աստուածածին խոստովանի սուրբ եկեղեցի, ուստի տուաւ հացն անմահուութեան եւ բաժակ մեզ ուրախարար տուք օրհնութիւնք նմա հոգեւոր երգով:

Անապական տաճար: == Աստուածածին սուրբ կոյս՝ անապական տաճար, անպարագիծ էին բոլորից բնութեանց լայնածաւալ տեղի, այսօր ընդ բերկրական զուարթնոյն կրեցեր աւետեաց զՏէրն տերանց ՚ի քեզ, առ որ մաղթեմք բարեխօսել վասն մեր անլուելի ձայնիւ:

Անապական տաճար եւ առագաստ լուսոյ, որ ՚ի քեզ փեսայացեալ Բանն կենաց բնակեցաւ. զքեզ օրհնեմք միշտ որ արժանիդ ես, մեծացուցանեմք:

Անապական տաճար եւ մորենի անկիղեղի որ զանշէլ հուր Աստուածութեանն ՚ի քեզ տարեալ կրեցեր, որով բնութեանս կիզեալ շիջաւ կրից բոց, վասն որոյ ամենեքեան զքեզ միշտ մեծացուցանեմք:

== Անապական: Տես եւ Գերագոյն:

Անարատ : = Քաղաքավարեալ 'ի մարմնի անարատ վարուք այսօր յառաքելոցն ամփոփեալ՝ վերին ակնարկութեամբն վերափոխեցար յարքայութիւն Որդւոյ քո եւ Աստուծոյ մերոյ, բարեխօս խոստովանողացս՝ զքեզ մեծացուցանեմք :

Անարատ Աստուածածին : = Զանարատն օրհնեսցուք զԱստուածածինն որ կոյս մնաց յետ ծննդեան, եւ տարաւ յորովայնի զանտանելին ամենեցուն, զհամարնակիցն Հօր եւ ամենասուրբ Հոգւոյն :

Անարատ եւ անխախտելի կուսութիւն : = Անկէզ մորենի եւ տաճար ընդհանուր լուսոյն, անարատ եւ անխախտելի կուսութիւն . մայր եւ աղախին՝ մեծացուցանեմք :

Անարատ կոյս : = Աստուածածին անարատ կոյս՝ առ քեզ սպաւինիմք, բարեխօսեա առ Քրիստոս վասն անձանց մերոց :

Անարատ կոյս Աստուածածին Մարիամ սրբուհի եւ մայր Քրիստոսի, յարգանդի տարար զանտանելին ամենեցուն, օրհնութեամբ զքեզ Աստուածածին մեծացուցանեմք :

Անարատ մայր Տեառն եւ կոյս Մարիամ : = Աստուածածին անարատ մայր Տեառն եւ կոյս Մարիամ՝ որ եղեր ընդունող Բա-

նին Աստուծոյ, բարեխօսեա առ Տէր վասն մերոյ փրկութեան :

Անարատ Սրբուհի : Տես համեղամաշակ :

Անարատ տաճար անվայրափակ Բանին Աստուծոյ Մարիամ սուրբ կոյս, բարեխօսեա առ Տէր վասն մերոյ փրկութեան :

Անարատ տաճար Աստուծոյ Բանին, որ զնախամօրն եւայի զանէծան բարձեր անձառելի ծննդեամբն 'ի քէն, առ նա միշտ բարեխօսեա վասն անձանց մերոց :

Անարատ տաճար ընակարան անբաւ Բանին Աստուծոյ Մարիամ սուրբ կոյս, զքեզ եւ զծնեալն 'ի քէն մեծացուցանեմք :

Անարատ տաճար տնօրէնութեան կոչեցար Հոգւոյն Սրբոյ միշտ կոյս, զքեզ մեծացուցանեմք որ օրհնեալդ ես 'ի կանայս :

Անբիծ կոյս : = Մաքուր եւ անբիծ կոյս յետ ծննդեան, որ մարմնով ծնար զարձակողն 'ի կապից մահու, բարեխօս լեր վասն անձանց մերոց փրկել 'ի սպառնալեաց գեհնոյն :

Անբոցակէզ մորենի : = Որ զհուրն Աստուած յորովայնի քում կրեցեր անբոցակէզ մորենի, դառնաճաշակ պտղոյն քաղցրացուցիչ, զքեզ ունիմք բարեխօս առ Տէր վասն անձանց մերոց :

Անդատան մաքուր 'ի փշոց մեղաց: Տես Բա-
մաուր երկիր:

Անդատապարտ շառաւիղ: Տես Անթառամ
ծաղիկ:

Անընդունակ խոնաուութեան: Տես Ամպ թեթեւ
լուսաւոր:

Անթառամ ծաղիկ անդատապարտ շառաւիղ
վերաբուսեալ յարմատոյն Յեսսեայ, զքեզ
Նաայիտս կանխաւ վերագոչեաց եօթնար-
փին շնորհաց Հոգւոյն ընդունարան գոլ,
Սատուածածին եւ կոյս զքեզ մեծացու-
ցանեմք: Տես եւ Ծաղիկ անթառամ:

Անիծից լուծիչ եւ քաւիչ մեղաց սուրբ կոյս,
որ զանտանելին յէից 'ի գիրկս քո բար-
ձեր, զքեզ բարեբանեմք Սատուածածին
կոյս:

Անխախտելի կուտութիւն: = Դուռն փակեալ
զքեզ Նդեկիէլ յառաջագոյն ծանոյց կոյս
անարատ՝ ընդ որ եմուտ անտեսն յէից
Բանն անմարմին որ 'ի Հօրէ եւ ել մար-
մնով՝ անխախտելի մնալով կուտութեամբ
Հոգեւոր երգով զքեզ միշտ մեծացուցա-
նեմք:

Անկանիմք առաջի քո Սատուածածին, եւ ա-
ղաչեմք զանարատ զկոյսդ: Բարեխօսեա
վասն անձանց մերոց եւ աղաչեա զմիա-

ծին Որդիդ: Փրկել զմեզ 'ի փորձութենէ
եւ յամենայն վտանգից մերոց:

Անկէզ մորենի եւ սրովբէ Հողեղէն սուրբ կոյս,
քանզի պտուղն կենաց 'ի քէն տուաւ մեզ,
զքեզ բարեբանեմք Սատուածածին կոյս:

Անկիզելի մորենի: Տես Անապական տաճար եւ
մորենի:

Անհամեմատդ 'ի կանայս: = Ուրախացիր
Սրբուհի եւ միշտ կոյս, քանզի որ 'ի քէն
մարմնացաւ՝ զբժոխս աւերեաց, սուրբ եւ
անհամեմատդ 'ի կանայս, բարեխօսեա
առ Տէր վասն անձանց մերոց:

Անհաս տնօրէնութեան մայր: Տես Անծմաւոր
տաճար:

Անհարսնացեալ մայր: = Ուրախ լեր դու-
տըր լուսոյ մայր անհարմնացեալ, քանզի
յղացելոյն 'ի քէն՝ համախմբեալ վերնոցն
որդիք Միովելի, երգեն զփառս 'ի բարձուս:

Անհարսնացեալ մայր: = Այսօր զնախամօրն
երկանց բարձողն կուսական ծննդեամբ
զանհարմնացեալ մայրն Միածինն իջեալ
փառօք փոխադրեաց յիմանալի եւ յան-
պատում գերագոյն բնութիւնս, վասն ու-
րոյ սրովբէական ձայնիւ քեզ երգեմք սըր-
բութեանց սուրբ զմիշտ փառաբանու-
թիւն:

65-10661

(1048) 39

ԵՐՁ



Անհարսնացեալ Մարիամ: == Աստուածածին սուրբ կոյս անհարսնացեալ Մարիամ՝ որ օրհնեալք ես 'ի կանայս, զքեզ օրհնեմք միշտ որ արժանիք ես մեծացուցանեմք: Տես եւ Խնդա:

Անհարսնացեալ Սրբուհի: == Աստուածածին անհարսնացեալ Սրբուհի զքեզ աղաչեմք անդադար ձայնիւ, որ զէակ Բանն Հօր 'ի քեզ կրեցեր եւ ծնար անձառապէս, առ նա միշտ բարեխօսեա վասն անձանց մերոց:

Անձնաւոր տաճար Աստուծոյ Բանին: == Զանձաս տնօրէնութեան մայր, եւ զանձնաւոր տաճար Աստուծոյ Բանին օրհնութեամբ մեծացուցանեմք:

Անձրեւեցեր զցօղն հայրաբուղիս 'ի բանական երկիր: Տես Յօղ:

Անձառելի լուսոյ մայր: == Զանձառելի լուսոյ մայր, եւ զբնակարան անսկզբնակից Որդւոյն օրհնութեամբ մեծացուցանեմք:

Անսկզբնական Բանին Հօր բնակարան, տաճար եւ առագաստ, տեղի անտանելի լուսոյն, զքեզ մեծացուցանեմք արժանապէս երգով աստուածամայր եւ կոյս:

Անսկիզբն Բանն հաճեցաւ առնուլ մարդեղութեամբ սկիզբն 'ի կուսէդ Քրիստոս Աստուած թագաւորն յաւիտենից:

Անսկիզբն Բանն յանսկզբնական 'ի Հօրէ, եւ սկզբնաւորեալ 'ի կուսէն մարմնոյ զգեցմամբ, բովանդակելով յորովայնի եւ ընդ Հօր գոյով, եւ սահմանեալ ժամանակաւ ծնեալ լինի Աստուած եւ մարդ:

Անտանելի Բանին բարձող: == Այսօր զանտանելի Բանիդ բարձողն զքերովբէն հողեղէն բարձրացուցեր 'ի ստորնայնոցս դերակայիցն կայանս:

Անտանելին 'ի համայնից՝ բովանդակիչ բընութեանց բոլորից, պարագրի այսօր մարդասիրապէս յորովայնի անարատ կուսին, զոր առ Տէր ունիմք բարեխօս վասն անձանց մերոց:

Անտանելւոյն տաղաւար բարձող էիցս բարձողին, որ ծնար զԱստուած մարմնով զանմարմնաբար ծնունդն Հօր, բարեխօսեա վասն մեր Աստուածածին Մարիամ:

Աշտանակ: == Ուրախ լեր սիւն հրեղէն, լուսոյն աշտանակ:

== Ուրախ լեր Մարիամ նորատունկ բուրաստան, երկնաբերձ աշտանակ, ձող սկի եւ ձեմարան Բանին Աստուծոյ:

Ապաւէն: Տես Աստուածածին ապաւէն:

Ապաւինիմք 'ի քո բարեխօսութիւնդ Աստուածածին Մարիամ, մայր Տեսուն եւ կոյս

սուրբ, հարսն երկնից եւ դուռն կնքեալ՝
զոր մարգարէն ետես :

Ապրեցուցիչ Աստուածածին : == Որ տարար
զԲանն Աստուած յարգանդի քում եւ
ծնար զնա մարմնով ապրեցուցիչ Աստուա
ծածին, բարեխօսեա կեցուցանել զմեզ :

Ապրեցուցիչ տապանակ : Տես Տապանակ ա
պրեցուցիչ :

Առագաստ անճառելոյ բնակողին : == Զքեզ
մայր կուսութեան եւ յղութեան լուսոյ,
եւ առագաստ անճառելոյ բնակողին 'ի
քեզ փեսայացեալ Բանին, անդադար եր
զով մեծացուցանեմք :

Առագաստ Աստուծոյ Բանին : == Զքեզ ա
մէնօրհնեալ Աստուածածին, մայրդ լուսոյ
եւ առագաստ Աստուծոյ Բանին մեծա
ցուցանեմք :

Առագաստ արարչին : == Միայն օրհնեալ Սըը
բուհիդ 'ի կանայս, բնակարան եւ առա
գաստ արարչին՝ բարեխօսեա առ Տէր
վասն անձանց մերոց՝ զի փրկեսցէ զմեզ 'ի
սպառնալեաց գեհէնոյն :

Առագաստ բնակութեան Բանին : == Բանին
Հօր մարմնարան եւ առագաստ բնակու
թեան, որ կաթամբ կուտական կերակրե
ցեր զէակն Բան, բարեխօսեա Միածնին
Աստուածածին մայր Բանին :

Առագաստ լուսոյ : Տես Անապատիւն տաճար :
Առագաստ հրափայլ ծագմամբ : Տես Խորհուրդ
կենաց :

Առագաստ : == Արարողին երկնի եւ երկրի
եղեր տաճար եւ առագաստ, որ զննջե
ցեալսն մեր հրեղէն նորոգէ, զքեզ մե
ծացուցանեմք որ օրհնեալդ ես 'ի կա
նայս :

Առագաստ փեսայացեալ Բանին : Տես Առա
գաստ անճառելոյ բնակողին :

**Առաւօտ խաղաղութեան եւ արուսեակ զը
ւարթարար՝** այսօր Մարիամ Սրբուհին 'ի
փառս քո Քրիստոս ծագեաց մեզ լոյս
յորդւոցն օրինաց, անդադար երզով սո
քօք զքեզ միշտ մեծացուցանեմք :

**Առ ծնեալն 'ի քէն միշտ բարեխօսեա ան
դադար հայցմամբ՝** շնորհել զթողութիւն
մեր ննջեցելոցն :

Առ քեզ ապաւինիմք Ամենաարբուհի : Տես
Աղբիւր ես ծարսուեաց :

**Առ քեզ ապաւինիմք խորան եւ տաճար Աս
տուծոյ Բանին Մարիամ մայր եւ կոյս,
բարեխօսեա առ Քրիստոս վասն անձանց
մերոց :**

**Առ քեզ ապաւինիմք սուրբ Աստուածածին,
բարեխօսեա անդադար առ Որդիդ քո եւ**

Աստուած մեր՝ փրկել զմեզ 'ի փորձութե-
նէ եւ յամենայն վտանգից մերոց :

Աստուածածին ամպ լուսաւոր՝ որ զցօղն կե-
նաց հեղեր յերկիր բանաւոր, եւ զնա-
խամօրն շիջուցեր պարտեացն զհօւր, ան-
դադար ձայնիւ զքեզ բարեբանեմք, եւ
հոգեւոր երգով մեծացուցանեմք :

Աստուածածին անարատ կոյս առ քեզ ա-
պաւինիմք, բարեխօսեա առ Քրիստոս
վասն անձանց մերոց :

Աստուածածին անարատ մայր Տեառն եւ կոյս
Մարիամ՝ որ եղեր ընդունօղ Բանին Աս-
տուծոյ, բարեխօսեա առ Տէր վասն մերոյ
փրկութեան :

Աստուածածին անարատ մայր Տեառն եւ կոյս
սուրբ բարեխօսեա առ Որդիդ քո միա-
ծին, զի փրկեսցէ զմեզ 'ի սպառնալեաց
գեհենոյն, եւ պարգեւեսցէ մեզ զերկնից
արքայութիւնն, եւ հանգուսցէ զհոգիս
մեր ննջեցելոցն : Օգնեա եւ ինձ Քրիստոս
այսօր յառաջին ճանապարհին եւ 'ի միւս-
անգամ գալտեանդ քո օգնեա ինձ :

Աստուածածին անհարսնացեալ զԲանն անըս-
կիզբն յղացար, եւ զԱստուածն անիմա-
նալին ծնար, զանպարագրելին 'ի գիրկս
քո բարձեր, նմա անդադար բարեխօսեա
վասն անձանց մերոց :

Աստուածածին անհարսնացեալ յերկրէ եր-
կնից հարսն ընծայեալ, յորժամ բազմիս
լուսոյ նման քո Միածնիդ յաջակողմեան,
յայնժամ մաղթեա ընդ մեր զնոյն՝ փրկել
զմեզ յահեղ բոցոյն, համադասիլ ընդ
արդարոցն երգել զփառս ընդ երկնայնոցն :

Աստուածածին անհարսնացեալ Սրբուհի զքեզ
աղաչեմք անդադար ձայնիւ, որ զէակ
Բանն Հօր 'ի քեզ կրեցեր եւ ծնար ան-
ճառապէս, առ նա միշտ բարեխօսեա
վասն անձանց մերոց :

Աստուածածին ապաւէն մեր եւ յոյս, բա-
րեխօսեա առ Որդիդ քո միածին՝ զի փըր-
կեսցէ զմեզ 'ի հրոյն տանջանաց, եւ պար-
գեւեսցէ մեզ զերկնից արքայութիւնն :

Աստուածածին գերագոյն երկնից ցուցար խո-
րան եւ առաքաստ, քանզի ծագեալ լոյսն
'ի Հօրէ՝ բնութեանց էից անտանելին . պա-
րագրեցաւ 'ի քում յորովայնի . հոգեւոր
երգով զքեզ միշտ մեծացուցանեմք :

Աստուածածին գերագոյն քերովբէից, Բանին
բարձող որ զամենայն կրէ զօրութեամբ,
բարեխօսեա առ Տէր վասն մերոյ փրկու-
թեան :

Աստուածածին դու ես յոյս եւ ապաւէն
խոստովանողացս զքեզ, Որդւոյ քո եւ Աս-
տուծոյ բարեխօսեա կեցուցանել զմեզ :

Աստուածածին երկնային դուռն՝ աստուածային ձայնիւն աւետարանէր հրեշտակն՝ Ուրախ լեր բերկրեալդ Տէր ընդ քեզ :

Աստուածածին եւ կոյս : Տես Փրկող :

Աստուածածին եւ Արբուհի՝ որ զԲանն Աստուած անսերմն յղութեամբ յարգանդի կրեցեր, անդադար երգով մեծացուցանեմք :

Աստուածածին զքեզ խոստովանեալ երկըրպագէ Եկեղեցի ուղղափառաց . քանզի ուր քերովբէքն բազմաչեաք եւ աթոռք հրանիւթք եւ վեցթեւեան սերովբէքն նայել ոչ իշխէին, կրեցեր անսերմնապէս յանապականուսն՝ ՚ի յարգանդի քու՛մ որպէս աղախին զՏէր, եւ ծնար որպէս մարդ զԱստուածն բոլորից զմարմնացեալն առ ՚ի քէն զանճառ զԲանն ՚ի փրկութիւն աշխարհի եւ կեանք անճանց մերոց :

Աստուածածին խորան լուսոյ անվայրափակ արփուոյն կենաց, որ եղեր արեւեքք արեգականն արդարութեան, եւ նստերոցս ՚ի խաւարի լոյս ծագեցեր, վասն որոյ ամենեքեան զքեզ միշտ մեծացուցանեմք :

Աստուածածին կոյս : = Բանն առաքեալ ՚ի Հօրէ որ վասն մեր մարմնացաւ եւ ցընծութիւն աշխարհի յայտնեցաւ, զքեզ

բարեբանեմք Աստուածածին կոյս : Ձի որում ոչն հանդուրժէին բոցանշոյլ սերովբէքն, նա բնակեցաւ ՚ի քում յորովայնի, զքեզ բարեբանեմք Աստուածածին կոյս : Յորմէ սարսեալ գողային փայլակնացայտ ՚ի լուսոյն, ՚ի գիրկս քո զնա ընկալար, զքեզ բարեբանեմք Աստուածածին կոյս :

Աստուածածին մայր Բանին : = Բարեխօսեա Միածնին Աստուածածին մայր Բանին :

Աստուածածին մայր եւ կոյս, ծագող արեգականն արդարութեան որ լուսաւորեացն զմեզ, հոգեւոր երգով զքեզ բարեբանեմք եւ փառաւորեմք զմիածին քո զՈրդին :

Աստուածածին մայր լուսոյ, արեգականն արդարութեան արեւեքք, որ ՚ի խաւար աշխարհի ծագեցեր զլոյսն գերազանց, օրհնութեամբ զքեզ բարեբանեալ մեծացուցանեմք :

Աստուածածին մայր լուսոյ սուրբ կոյս, լուսեղէն տաճար. որում՝ երկինք չէին բաւական առ ՚ի բնակութիւն՝ ՚ի քէն մարմնացաւ :

Աստուածածին յոյս եւ ապաւէն : Տես Աստուածածին դու ես յոյս եւ ապաւէն :

Աստուածածին պայծառ քան զերկինս, որ ՚ի

մեզ ծագեցեր զլոյսն մեծ եւ գերազանց՝ որով խաւարն անգիտութեան հալածեցաւ, սրովբէական ձայնիւ զքեզ բարեբանեմք եւ հոգեւոր երգով մեծացուցանեմք:

Աստուածածին սիւն լուսոյ ամզ հովանաւոր, եւ բնակարան Բանին՝ որ բանիւ հովուէր զԽորայէլ, բարեխօսեա նմա վասն անձանց մերոց:

Աստուածածին սուրբ կոյս, անապական տաճար, անպարագիծ Էին բոլորից բնութեանց լայնածաւալ տեղի. այսօր ընդ բերկրական զուարթնոյն կրեցեր աւետեաց զՏէրն տերանց ՚ի քեզ. առ որ մաղթեմք բարեխօսել վասն մեր անլուելի ձայնիւ: Յիմանալի վտակաց տանն Աստուծոյ հոսմանց, վիճակեալդ տեսանողացն ձայնի՝ արբամք զմայլեցար. այսօր զանթառամն ծաղկեցար զժաղիկ՝ ՚ի ժամու տալով զպըտուղն, առ որ մաղթեմք բարեխօսել վասն մեր անլուելի ձայնիւ:

Աստուածածին սուրբ կոյս, անհարսնացեալ Մարիամ, որ օրհնեալդ ես ՚ի կանայս, զքեզ օրհնեմք միշտ որ արժանիդ ես մեծացուցանեմք:

Աստուածածին տաճար լուսոյ, որ մարմնով

պարագրեալ անճառաբար ծնար զԲանն Աստուած, զքեզ բարեբանեալ մեծացուցանեմք:

Աստուածածին տիրամայր: Տես Վեհագոյս սեւ ըովբէից:

Աստուածամայր: = Որ յանմարմնոց զինուորութեանց եւ ՚ի դասուց հոգեղինաց վերահամբարձար այսօր Աստուածամայր. ուստի եւ դասք հոգեղինացս փառաբանեմք զժազող իմանալի լուսոյն զմիշտ Կոյսն:

= Այսօր հրաշափառ կոչմամբ Հոգւոյն ժողովեալ սրբոց առաքելոցն եւ իմաստուն սուրբ կուսանացն, պայծառացեալք ի մաստութեամբ ՚ի յերկնային փոխումն Աստուածամօրն, եւ համաձայնեալք անմարմնոցն օրհնէին զամենօրհնեալ Սրբուհին:

= Այսօր ընդ վերին զուարթնոցն երկնից, որք վայր իջեալ ընդ Միածնին ՚ի փոխումն Աստուածամօրն երգէին, օրհնեցէք զՀայրն երկնաւոր, բարձր արարէք զնա յաւիտեան:

Աստուածամայր եւ կոյս: Տես Անսկզբնական Բանին չօր բնակարան:

Աստուածամայր կոյս: = Այսօր վերամբարձեալ զմաքրական մարմինն Աստուածա-

մօր կուսին անմարմին զուարթնոցն, ամփոփեալ 'ի տեղի գերակայիցն յերեւելի զգայութեանցս՝ անճառիցն առնել հաշորդս, վասն որոյ հրճուողական ձայնիւ քեզ երգէ եկեղեցի սուրբ զնոր զօրհնաբանութիւն:

Աստուածատունկ Եղեմ: Տես Պարտէզ փակեալ:

Աստուածատունկ խնկաբեր ծառ յանուշահոտ բուրաստանէն՝ որ 'ի գնացս Հոգւոյն վառկաց տնկեցար, եւ զանմահութեան պտուղն 'ի ժամու ետուր մեզ, վասն որոյ ամենեքեան զքեզ միշտ մեծացուցանեմք:

Աստուածորդւոյ մայր: = Տօնելով զյիշատակ կուսի Աստուածորդւոյ մօր՝ հրճուին հրեշտակք 'ի յերկինս եւ ցնծան դասք առաքելոց եւ մարգարէից ընդ կուսական տօնս, ողորմեա մեզ Աստուած:

Ասրն զոր ծանեալ Գեղէոյն: = Զքեզ երկնային դուռն զոր ետես Եղեկիէլ, եւ ասրն զոր ծանեալ Գեղէոյն, սերովբէ հողեղէն՝ վեհագոյն քերովբէից, օրհնութեամբ զքեզ Աստուածածին մեծացուցանեմք:

Արարողին երկնի եւ երկրի եղեր տաճար եւ առագաստ: Տես Առագաստ:

Արբուցեր որպէս մայր ստացողին զքեզ զկուսական քո սուրբ զկաթն:

= Յորմէ զարհուրեալ զողային դասք վերին զուարթնոցն, տղայապէս առնկալեալ բարձր 'ի գիրկս, եւ արբուցեր որպէս մայր ստացողին զքեզ զկուսական քո սուրբ զկաթն, զքեզ մեծացուցանեմք արժանապէս երգով աստուածամայր եւ կոյս:

Արգանդ կուսին ժուժկալեալ ընդունել ըզգանձդ երկնային: = Տես ժուժկալեալ: = Անբաւելին երկնի եւ երկրի 'ի կուսական արգանդէ մեզ կեանք յայտնեցաւ, Աստուած այցելու մարդկան: Տես եւ կոյս սուրբ:

= Աներեւոյթ փառացն Հօր նկարագիր անյեղապէս 'ի ծառայական խոնարհի պատկեր 'ի յարգանդի Հոգւով մաքրելոյ, զոր առ Տէր ունիմք բարեխօս վասն անձանց մերոց:

= Եկայք փրկեալք կենարար իջմամբ Բանին Հօր 'ի յարգանդ կուսին՝ ընդ երկնայնոց դասուցն երգով զՏէր օրհնեցէք, բարձր արարէք զնա յաւիտեան:

= Որ էրն 'ի սկզբանէ առ Աստուած եւ Աստուած Բանն, կերպարան Անեղին եւ համագոյ սուրբ Հոգւոյն, 'ի վերջին աւուրս ծանուցեալ մարմնանալ յանձն առ

նու է կուսական յարգանդէ վասն փրկու-
թեան ազգի մարդկան: — Յառաջ քան
զյաւիտեանս Որդի նախայաւիտեան՝ այ-
սօր յերկրի երեւեալ Աստուած եւ մարդ
կատարեալ, խանձարրովք պատի եղանի
եւ դնի յանբանից մտուր՝ վասն փրկու-
թեան ազգի մարդկան:

== Որ 'ի ծոցոյ Հօր Բանդ Աստուած անըս-
կիզքն՝ յարգանդի կուսին բնակիլ յանձն
առեր, զքեզ բարեբանեմք Աստուած հար-
ցըն մերոց:

== Որ խոնարհեցար 'ի հայրական ծոցոյ
բնակիլ յարգանդի կուսին, Աստուած
հարցն մերոց: — Որ գթացար յերկիր
եւ ծնար անախտ՝ ազատելով զախտի
ծնունդս, Աստուած հարցն մերոց: — Բա-
րեբանեմք զէակիցդ Հօր եւ Հոգւոյն ան-
դադար Հոգեւոր երգով, Աստուած հարցն
մերոց:

== Որ յարգանդի քում՝ անապականա-
բար բնակեցաւ Քրիստոս Աստուած եւ
փրկիչ անձանց մերոց, մեծացուցանեմք:

== Որում ոչ բաւեն երկինք ընդունել
զանբաւելի զբնութիւնդ՝ յարգանդի կու-
սին բնակեցար, ծնար անճառապէս, Աս-
տուած հարցն մերոց:

== Պատկերակից եղեր հողեղէն բնու-
թեանս, տնօրինեցար յարգանդի կուսին
Բանդ Աստուած, զմերս վերանորոգել
պատկեր:

== Տնօրինեցաւ յարգանդի կուսին իս-
կակից Հօր եւ սուրբ Հոգւոյն Բանն ա-
ռաքեալ 'ի Հօրէ յաղագս նախաստեղծ
մարդոյն՝ բառնալով զյանցանս. Ժողո-
վուրդք օրհնեցէք զառաքեալն 'ի Հօրէ
զԱստուած հարցն մերոց:

Արդ աղաչեա մայր Աստուծոյ զծնեալն 'ի
քէն վասն մեր, զի ընդ նմին պահելով՝
սուրբ յարութեամբ նորա նորոգեսցուք,
առ նա միշտ բարեխօսեա կեցուցանել
զմեզ:

Արդ խնդրեմք 'ի քէն անդադար բարեխօսեա
վասն անձանց մերոց առ Որդին քո միա-
ծին՝ փրկել զմեզ 'ի փորձութենէ եւ յա-
մենայն վտանգից մերոց:

Արեւելք արեգականն արդարութեան: == Որ
էից լուսոյն արժանի եղեր բառնալոյ 'ի
քո գիրկս, եւ արեգականն արդարու-
թեան եղեր արեւելք, զքեզ օրհնութեամբ
մեծացուցանեմք: Տես եւ Աստուածածինն
խորամ լուսոյ. — Մայր լուսոյ. — Տեղի:
Արեւելք գերարփին եւ օթարան լուսածին,

զանմայր ծնեալն առաջին՝ ծնար անհայր
յերկրորդին . բարեխօսեա Միածնին Աս-
տուածածին մայր Բանին :

Արեւելք իմանալի : Տես Դրախտ աստուածա-
յլին :

Արմատ տնկոյն անմահութեան : == Ի յա-
մուշ երկրէ այսօր բուսաւ մեզ բարեբեր
բոյսն բարի, շուշան հովտաց ծաղիկն
դաշտաց միամայրն Մարիամ արմատ
տնկոյն անմահութեան, աղաչանօք սոցա
խնայեա 'ի մեզ :

Արուսեակ զուարթարար : Տես Առաւօտ խա-
ղաղութեան :

Բ

Բաղձալի : == Իւրծեալ բամից դասուց սրբոց՝
զբղձունն եղբօրն վճարեալ, բացեալ զտա-
պանն ամենօրհնեալ եւ զբաղձալին իւր
ոչ գտեալ, քանզի եղեւ վերափոխեալ 'ի
փառս անճառ նախ պատրաստեալ :

Բանալի : == Փափկութեան դրախտին բա-
ցող բանալի, Քրիստոսի բարձոց, նմանող
երկնից, սափոր ոսկեղէն լի մանանայիւ,

զաւազան ծաղկեալ յարմատոյն Յեսուեայ,
տաճար լուսոյ մայր, առ ծնեալն 'ի քէն
միշտ բարեխօսեա անդադար հայցմամբ
չնորհել զթողութիւն մեր ննջեցելոցն :

Բանաւոր բարունակ համեղաճաշակ պտղոյն :
Տես Համեղաճաշակ :

**Բանաւոր երկիր տիրուհի եւ անդաստան մա-
քուր 'ի փշոց մեղաց, որ զբոյսն երկնային
առանց սերման ծնար, որով զկենացն
ետուր զհաց սովեալ բնութեանս, վասն
որոյ օրհնաբանեմք զքեզ յաւուր քո ծնըն-
դեան :**

Բանին բարձոց՝ որ զամենայն կրէ զօրութեամբ :
Տես Աստուածածին զերագոյն քերովրէից :

**Բանին Հօր մարմնարան եւ առագաստ բնա-
կութեան :** Տես Առագաստ բնակութեան :

**Բանն անմարմին որ 'ի քէն մարմնացաւ եւ
'ի գիրկս քո բարձեալ կրեցաւ Մարիամ,
այսօր եկեալ բազմութեամբ զօրօք հրեշ-
տակացն, վերացոյց զքեզ հրակերպ կա-
ռօք 'ի լոյսն անստուեր :**

Բանն առաքեալ 'ի Հօրէ : Տես Աստուածածին
կոյս :

**Բանն Աստուած եւ ծածկեալ խորհուրդն յա-
ւիտենից՝ իջեալ 'ի յերկնից մարմնացեալ
'ի կուսէն՝ խաչեալ յերկրի եւ թաղեալ**

ի նոր ՚ի գերեզմանի, եւ յարուցեալ յեր-
րորդ առուր՝ զի զմարգարէիցն զսառան
կատարեսցէ:

Բաշխօղ բարութեանց: Տես Առ. քեզ ապաւի-
նիմք:

Բարբառ աւետեաց ձայնիւ Գաբրիէլ գոչէր
Սրբուհւոյն. Առ. քեզ առաքիմ, մաքուր,
պատրաստել տեղի Տէրունւոյն:

Բարեբանեալ: == Զբարեբանեալը անդադար
միշտ ՚ի վերին զօրաց, եւ զվերափոխեալդ
ի դասս առաքելոց եւ մարգարէից, ընդ
որս եւ մեք հաւատացեալքս վերապա-
տուեմք զքոյին Աստուածամայր զհանգըս-
տեան տօնս, որ առաւել բարձրացեալդ
ես յաւիտեան:

Բարեբանեալ ես կոյս զովեալ, յորմէ Աս-
տուած Բանն ծնեալ:

Բարեբեր բոյսն բարի: Տես Արմատ տնկոյն
ամմահութեան:

Բարեխօս աշխարհի: == Մայր եւ կոյս աղա-
խին Քրիստոսի, որ բարեխօսդ ես միշտ
աշխարհի, քեզ երանեն ամենայն ազինք:

Բարեխօսեա անդադար առ Որդիդ քո եւ
Աստուած մեր. ծնող եւ աղախին Տեառն:

Բարեխօսեա առ Միածինն յարուցեալ ՚ի
մեռելոց, մայր Աստուծոյ, փրկել զանձինս

մեր ՚ի յաւիտենից ՚ի հրոյն, աղաչեմք
զքեզ:

Բարեխօսեա առ Տէր: Տես Աստուածածին ա-
նարատ մայր:

Բարեխօսեա առ Քրիստոս: Տես Աստուածա-
ծին անարատ կոյս:

Բարեխօսեա վասն մեր Աստուածածին Մա-
րիամ, որ ծնար զՏէր Աստուած՝ որ հո-
վուէրն զԽրայել ամենազօր պանչելի
փառօքն իւրովք:

Բարեխօսեա Քրիստոսի Աստուծոյ մերոյ: ==
Զքեզ աղաչեմք հանապազ սուրբ Աստուա-
ծածին, բարեխօսեա Քրիստոսի Աստու-
ծոյ մերոյ՝ փրկել զմեզ ՚ի փորձութենէ եւ
յամենայն վտանգից մերոց:

Բարեխօս զքեզ ունիմք որ երանեալդ ես ՚ի
կանայս:

Բարեխօս խոստովանողացս: == Քաղաքա-
վարեալ ՚ի մարմնի անարատ վարուք,
այսօր յառաքելոցն ամփոփեալ՝ վերին
ակնարկութեամբն վերափոխեցար յար-
քայութիւն Որդւոյ քո եւ Աստուծոյ մե-
րոյ՝ բարեխօս խոստովանողացս, զքեզ
մեծացուցանեմք:

Բարեխօսութեամբ սուրբ Աստուածածնի եւ
միշտ կուսի աղաչեմ Տէր, փրկեա զիս ՚ի
յորոգայթէ յաներեւոյթ թշնամւոյն:

Բարեխօսութեամբ սուրբ Աստուածածնի եւ միշտ կուսի Տէր օգնեա ինձ՝ միայն մարդասէր:

Բարեխօսութեամբ սուրբ Աստուածածնին պահեսցէ զեկեղեցի իւր սուրբ, եւ 'ի միւսանգամ գալստեան իւրոյ նորոգեսցէ 'ի փառս:

Բարեխօսութիւն: == Աթոռ քրովբէական երեւեալ այսօր Սիմէոն՝ զԱստուածորդին 'ի գիրկս իւր բարձեալ մարմնով, զոր զօրք երկնից 'ի բարձունս հանապաղ մեծացուցանեն: Հոգւոյն գոչէր, ցնծայր ալեօքն ծերունին ասելով, սա է թագաւորն անմահ, զոր զօրք երկնից 'ի բարձունս հանապաղ մեծացուցանեն: Արտասուելով աղերսէր, արձակեա զիս 'ի խաղաղութիւն անարատ ծնողի քո բարեխօսութեամբ, զոր զօրք երկնից 'ի բարձունս հանապաղ մեծացուցանեն:

== Անոխակալ եւ բարեգութ, բարեխօսութեամբ սրբուհւոյ անարատ մօր քո եւ կուսի լուր աղաչանաց մերոց եւ նորոգեա հոգւով զիտութեան:

== Արդ խնդրեմք 'ի քէն թագաւոր փառաց Քրիստոս, աղաչանօք սրբուհւոյ անարատ մօր քո եւ կուսի ապրեցօ զմեզ յաւիտենից 'ի մահուանէն:

== Բարեխօսութեամբ ծնողի քո եւ միշտ կուսի հայցեմք 'ի քէն Քրիստոս փրկիչ աշխարհի, վասն զի բայց 'ի քէն զայլ ոք ոչ զիտեմք մարդասէր:

== Ի բարեխօսութիւն փութացիր մեզ սուրբ Աստուածածին, առ 'ի փրկել զժողովորդս 'ի մեղաց եւ յապականութենէ:

== Որ յարեարդ 'ի մեռելոց, նորոգեցեր զազգս մարդկան, սրբուհւոյն աղաչանօք հաստատեա զհիմունս եկեղեցւոյ սրբոյ քո զի դու ես Տէր եւ շիք այլ ոք բայց 'ի քէն:

== Սրբուհւոյ Աստուածածնին բարեխօսութեամբ ընկալ Տէր զմաղթանս մեր, յորժամ յարեւելից լուսածագիս անձառ հրաշիւք, կարապետ առնելով զյաղթանակ սուրբ նշանն, աղաչեմք քքեզ Տէր պահպանեա զմեզ ընդ հովանեալ խաչի քո սուրբ:

== Սրբուհւոյ Աստուածածնին բարեխօսութեամբ պարգեւեա երկրպագուացս ամենասուրբ Նրորդութեանդ զյարութիւն յուսոյ կենացն յաւիտենից:

Բարձեր զանհասն բնութեամբ: == Գերագոյն սրբութեամբ եւ կուսական մաքրութեամբ, բարձեր զանհասն բնութեամբ 'ի գիրկս

քո սննդեամբ, բարեխօսեա Միածնին
Աստուածածին մայր Բանին:

Բարձեր 'ի յարգանդի: = Զբոլորից փրկու-
թեան մայր, որ զանտանելին յէից 'ի
յարգանդի երարձ, զնա ամենեքեան օրհ-
նութեամբ մեծացուցանեմք:

Բարձող անիծից: = Դու լուծիչ երկանց,
բարձող անիծից:

= Բարձան անէծքն տրտմական քո սուրբ
ծննդեամբ կոյս Մարիամ: Տես եւ Դուռն
երկնից. — Լուծիչ երկանց. — Պարծանք
կուսութեամբ. — Տաճար անարատ:

Բարձող անտանելի Բանին: = Այսօր զան-
տանելի Բանիդ բարձողն զքերովբէն հո-
ղեղէն բարձրացուցեր 'ի ստորնայնոցս գե-
րակայիցն կայանս:

Բարձող Բանին: Տես Աստուածածին զերագոյն:
Բարձող երկանց նախամօրն: = Որ փիածնի
Որդւոյ քո զբնակարան՝ զնախամօրն եր-
կանց բարձողն այսօր դարձուցեր 'ի փառս
առաջին, զքեզ բարեբանեմք Աստուած
հարցն մերոց: Տես եւ Անհարսնացեալ
մայր:

Բարձող էիցս բարձողին, որ ծնար զԱստուած
մարմնով զանմարմնաբար ծնունդն Հօր:
Տես Անտանելոյն տաղաւար:

= Զանպարագրելին 'ի գիրկս քո բարձեր:
= Զանտանելին յէից 'ի յարգանդի ե-
բարձ:

= Քրիստոսի բարձող:

Բարձող տրտմութեան նախամօրն եւայի: =
Խնդա տաճար Բանին Աստուծոյ, բարձող
տրտմութեան նախամօրն եւայի, լէր
բարեխօս վասն անձանց մերոց:

Բարձրագոյն սերովբէից: Տես Մայր սրբու-
թեան:

Բարձրագոյն քան զերկինս: = Որ քան զեր-
կինս բարձրագոյն Մարիամ, պարծանք
եկեղեցւոյ, Քրիստոսի մայր Աստուծոյ
մերոյ:

Բարձրելոյն զօրութեամբն հովանաւորեալ:

Բարձրելոյն հովանացեալ զօրութեամբ: =
Ուրախացիր Բարձրելոյն հովանացեալ զօ-
րութեամբ եւ բնակարան սուրբ Հոգւոյն՝
որով ծնար զԲանն Աստուած, բարեխօսեա
վասն մեր Աստուածածին Մարիամ:

Բարունակ ծաղկեալ: Տես Լեառն վիմաձիւն:
Բերկրեալ: = Այսօր Գաբրիել հրեշտակն
ցնծութեամբ երգեաց առ կոյսն սուրբ,
ասէ. Ուրախ լեր բերկրեալը՝ Տէր ընդ
քեզ:

Բերկրեալ ամենասուրբ կոյս: = Ուրախ լեր

բերկրեալ ամենասուրբ կոյս՝ որ ծնար աշխարհի զարգարութեան արեգակն՝ որ լուսաւորեաց զազգս որդւոց մարդկան:

Բերկրեալ կոյս Մարիամ: == Սուրբ զԱստուածածինն օրհնութեամբ մեծացուցանեմք: Աւետաւոր հրեշտակն աւետարանէր զծնեալ Փրկիչն՝ ՚ի սրբոյ կուսէն: Ասէ, ուրախ լեր բերկրեալդ, քանզի Տէր տերանց է ընդ քեզ:

== Ամենապայծառ բերկրեալ միշտ կոյս, որ զանբաւելի զԲանն անճառաբար յղացար, եւ զմարմնացեալն Աստուած ծնանելով ՚ի քէն, վասն որոյ ամենեքեան զքեզ միշտ մեծացուցանեմք:

Բղխեցեր: == Չանապական բողբոջն՝ յաստուածային դրախտէն յորովայն քո տընկեալ. բղխեցեր յարմատոյն Յեսսեայ ծաղիկ վայելուչ կուսական ծննդեամբ, վասն որոյ ամենեքեան զքեզ միշտ մեծացուցանեմք:

== Ուրախութիւն երկնի եւ երկրի, ամպ թեթեւ ցօղեալ ՚ի մեզ զարգարութիւն, բարեբանեմք զբղխեալն ՚ի քէն մարմնով յարմատոյն Յեսսեայ գաւազան ծաղիկեալ:

== Չհայրածինն բղխեցեր զծաղիկ: Տես ծառ կենաց:

Բնակարան անբաւ Բանին Աստուծոյ: Տես Անարատ տաճար:

Բնակարան անսկզբնական Բանին Հօր: Տես Անսկզբնական:

Բնակարան անսկզբնակից Որդւոյն: == Չանճառելի լուսոյ մայր եւ զընակարան անըսկզբնակից Որդւոյն՝ օրհնութեամբ մեծացուցանեմք:

Բնակարան աստուածային ներմարդութեանն: == Չքեզ կոյս եւ մայր եւ ընակարան աստուածային ներմարդութեանն՝ զոհաբանեմք եւ վերօրհնեմք զեղեալ փրկող կենդանութեան ազգի մարդկան, վասն որոյ զքեզ Աստուածածին եւ կոյս՝ բարեբանեմք զմայր եւ զաղախին փրկչին մերոյ:

Բնակարան աստուածութեան: == Որ ՚ի կանուխ ժամանակաց ստորագրեցեր զտնօրէնութեան քո գտեղի, տաճար եւ քաղաք շինեալ, բարձօղ անուանդ քում՝ բարձրելոյ, այսօր ստուգապէս յայտնեալ ցուցաւ ընակարան աստուածութեան քո սուրբ կոյսն Մարիամ, օրհնեալ Տէր Աստուածհարցն մերոց:

== Քերովբէական թեւօք պարածածկեցար՝ սրբուհի Աստուածածին, կոյս եւ մայր եւ ընակարան աստուածութեանն, վեր-

օրհնեալ յամենայն առաքելական քա-
րոզութեանց :

Բնական Բանին : Տես Աստուածածին յիւն
լուսոյ :

Բնական Բանին Աստուծոյ : = Մայր Քրիս-
տոսի եւ ընակարան Բանին Աստուծոյ,
անհասութեան խորհրդոյն սպասաւորե-
ցեր, միջնորդ եղեր Աստուծոյ եւ մարդ-
կան, առ նա միշտ բարեխօսեա վասն
անձանց մերոց :

Բնական Բնութեան Բանին : = Որում
երկինք եւ երկիր ոչ բաւէին տանել լու-
սոյն, ընակարան ընուծեան Բանին սպա-
սաւորեցար, աղաչեա վասն մեր զմիա-
ծին քո զՈրդեի :

Բնական եկաւորութեան : = Բղխումն ան-
ճառ եւ անքնին՝ Հոգիդ անեղ եւ համազոյ,
զտնօրէնութեան քում Էակցին մաքրա-
զարդեալ զընակարան եկաւորութեանն,
օրհնեալ Տէր Աստուած հարցն մերոց :

Բնական եւ առաջատ արարչին : = Մի-
այն օրհնեալ Սրբուհիդ 'ի կանայս, ընա-
կարան եւ առաջատ արարչին, բարե-
խօսեա առ Տէր վասն անձանց մերոց, զի
փրկեսցէ զմեզ 'ի սպառնալիտաց զեհնոյն :
Բնական կենարար Բանին : = Լոյս լուսոյ

մայր եւ կենարար Բանին ընակարան, քեզ
երանիցեն ազգ եւ ազինք ամենայն :

Բնական Հոգւոյն սրբոյ : = Այսօր զընա-
կարան Հոգւոյն սրբոյ վերնական հրա-
բուն սեռիցն փոխադրեալ յերկինս, մտա-
նելով 'ի վերինն Երուսաղէմ 'ի յառա-
գաստն անապական յանմտանելին եղա-
կանացս՝ ընդ Երրորդութեանն, եւ համա-
ձայնեալք անմարմնոցն օրհնէին զամեն-
օրհնեալ Սրբուհին :

Բնական Միածնի Որդւոյ : = Որ զմիածնի
Որդւոյ քո զընակարան՝ զնախամօրն եր-
կանց բարձօղն այսօր զարձուցեր 'ի փառս
առաջին, զքեզ բարեբանեմք Աստուած
հարցն մերոց :

Բնական սուրբ Հոգւոյն, որով ծնար
զԲանն Աստուած, բարեխօսեա վասն մեր
Աստուածածին Մարիամ :

Բնական տնօրէնութեան : = Որ 'ի Հօրէ
անմարմնարար ծնեալ Որդի նախ քան
զյաւիտեանս, եւ մարմնով ծնար 'ի սրբոյ
կուսէն, այսօր խոնարհեալ՝ յերկնայինսն
փոխեցեր զտնօրէնութեան քո զընակա-
րանն, զոր միշտ ունիմք բարեխօսս առ
քեզ՝ Տէր Աստուած հարցն մերոց :

Բնակ հրեղէն աստուածութեանն : = Զքեզ

բնակ հրեղէն աստուածուծեանն՝ յիմանալի զօրացն երանեալ, ազգ մարդկան կենդանեաց մեծացուցանեմք:

Բռլորից փրկութեան մայր: == Զբռլորից փրկութեան մայր, որ զանտանելին յէից 'ի յարգանդի եբարձ, զնա ամենեքեան օրհնութեամբ մեծացուցանեմք:

Բոյս բարի եւ բարեբեր: Տես Արմատ տղմկոյն անմահութեամ:

Բուրաստան նորատունկ: == Ուրախ լեր Մարիամ նորատունկ բուրաստան, երկնաբերձ աշտանակ ձոյլ ոսկի եւ ճեմարան Բանին Աստուծոյ:

Գ

Գանձ անապական գտար սուրբ Աստուածածին, բարեխօսեա Քրիստոսի Աստուծոյ մերոյ կեցուցանել զանձինս մեր:

Գանձ կենաց աստուածային: == Զքեզ լուսոյ մայր եւ կոյս, զքեզ զանձող կենաց աստուածային, ձայնիւ ցնծութեամբ մեծացուցանեմք:

Գաւազան ծաղկեալ յարմատոյն Յեսսեայ: Տես Բանալի:

Գեղ մարգարտափայլ: Տես Յօղ քարցրածաւալ:

Գեղմն ընդունիչ զցօղն երկնային: == Այսօր գառինքն օրինականքն Յովակիմ եւ Աննա ետուն մեզ զգեղմն ընդունիչ զցօղն երկնային, յորմէ հոսեաց անձրեւն կենաց եւ բղխեաց աշխարհի աղբիւրն իմաստից, փառս տացուք տուողին մեզ զօրհնեալն 'ի կանայս:

Գեղմն իմանալի՝ զոր ետես Գեղէնիլ, յառաջ քան զայս հաւատացեալ, իմանամբ զանձառելի զծնունդ, եւ երկրպագեմք որ 'ի կուսէդ մարմնացաւ Աստուած:

Գեղմն իմանալի: == Ուրախ լեր ամպ թեթեւ, գեղմն իմանալի, որ 'ի բանական երկիր հեղեր զանձրեւ կենաց՝ արգիւնս ընդ զործոյ հաւատոյ պողաբերեալ:

Գերագոյն: == Ղեկավար ճարտարապետ անցեր ընդ ծով կենցաղս անհետ, վերաբերեա ընդ Պետրոսի զմեզ 'ի յալեաց մեղաց ծովէս, պաղատանօք գերագունի անապական քում ծնողի, յոր օրհնեցայք ազգ երկրածինք՝ տուք օրհնութիւն պողոյ կուսին:

Գերագոյն երկնից խորան եւ առագաստ: Տես Աստուածածին գերագոյն երկնից:

Գերագոյն եւ հրաշալի եւ բաշխօղ բարութեանց : Տես Առ քեզ ասպարհնիւնք :

Գերագոյն շնորհիւ փայլեալ : = Անսկիզբն Աստուած անճառելի անբաւ զօրութիւն, որ յիսկզբանց յաւիտենից խնամարկեցեր զորդիս Ադամայ՝ գերագոյն այսօր շնորհիւ փայլեալ ցուցեր ծննդեամբ զմայր Միածնիդ քո ընտրելոյ, աղաչանօք սոցա խնայեա 'ի մեզ :

Գերագոյն սրբութեամբ եւ կուսական մաքրութեամբ, բարձեր զանհասն բնութեամբ 'ի գիրկս քո սննդեամբ, բարեխօսեա Միածնին Աստուծածին մայր Բանին :

= Առաքելոցն հովանացեալ ամպ լուսեղէն, գերագոյն քեզ Հոգւոյն սրբոյ եւ զօրութիւն Բարձրելոյն հովանաւորեալ սուրբ Աստուծածին, օրհնութեամբ զքեզ մեծացուցանեմք :

Գերագոյն քերովբէից : Տես Աստուծածին գերագոյն քերովբէից :

Գերահրաշ ծաղիկ : = Ով գերահրաշ ծաղիկ բուրեալ յեղեմայ, հոտ անմահութեան ծննդոց եւայի՝ յորմէ սփռեցաւ մահ ընդ տիեղերս, օրհնութեամբ զքեզ մեծացուցանեմք :

Գերապայծառ մաքրեալ հոգի : = Այսօր տեսեալ հրակերպ դասուք վայր իջեալ յերկնից զՈրդին միածին արփիափայլ հրաշալի փառօք, գերապայծառ մաքրեալ հոգւոյն յաւանդումն ամենասուրբ ծնողին իւրոյ, եւ համաձայնեալք անմարմնոցն՝ օրհնէին զամենօրհնեալ Սրբուհին :

Գիրկ : = Մանուկ անժամանակ 'ի Հօրէ՛ անսերմն 'ի կուսէ՛ 'ի գիրկս մօր գգուեցաւ այսօր արարիչն երկնի եւ երկրի : = Յորմէ սարսեալ դողային փայլակնացայտ 'ի լուսոյն, 'ի գիրկս քո զնա ընկալար, զքեզ բարեբանեմք Աստուծածին կոյս :

= Յոր վեցթեւեան սրովբէքն ոչ իշխէին հայել 'ի քո աստուածութիւնդ, տեսանելով 'ի գիրկս կուսին՝ զարմացեալք օրհնէին զքեզ Աստուած հարցն մերոց :

= Որ բոցեղէն սրովբէլք շրջափակեալ պահիւր, այսօր 'ի մէջ մարդկան 'ի գիրկս հողեղինի յայտնեալ, ուրախ լեր բերկրեալդ՝ Տէր ընդ քեզ :

= Որ էից լուսոյն արժանի եղեր բանալոյ 'ի քո գիրկս, եւ արեգականն արդարութեան եղեր արեւելք, զքեզ օրհնութեամբ մեծացուցանեմք :

== Տես եւ Գերագոյն սրբութեամբ. — Դուռն երկնից. — Կաթն:

Գրաւական կենաց մարդկան: == Մարգարէից հանդիսարան եւ գրաւական կենաց մարդկան Մարիամ Աստուածամայր, ընդունարան եօթնարիին շնորհացն, խարխա յուսոյ հաստատութեան՝ զուգաթիւ աւուրց դարուցս անցաւորաց, օրհնութեամբ երգով եկեղեցիք տիեզերաց այսօր տօնեն զյիշատակ ծննդեան քո 'ի մօրէ:

Դ

Դառնաճաշակ պտղոյն քաղցրացուցիչ: == Որ զհուրն Աստուած յորովայնի քում կրեցեր՝ անբոցակէզ մորենի, դառնաճաշակ պտղոյն քաղցրացուցիչ, զքեզ ունիմք բարեխօս առ Տէր վասն անձանց մերոց:

Դասեալ յաստուածակերտ խորանան: Տես Ազատիչ յանցանաց նախամօրն:

Դուռն երկնային: == Զքեզ երկնային դուռն զոր ետես Եզեկիէլ, եւ ասրն զոր ծանեաւ Գեղէոյն, սերովբէ հողեղէն վեհագոյն քերովբէից, օրհնութեամբ զքեզ Աստուածածին մեծացուցանեմք: Տես եւ Երզէ:

Դուռն երկնից: == Զքեզ դուռն երկնից եւ ճանապարհ արքայութեան, բարձող անիծից եւ սրովբէ հողեղէն, մեծացուցանեմք: == Դուռն երկնից, զծագումն անձառելի անապական որ 'ի Հօրէ առաքեցաւ՝ 'ի զիրկս քո բարձեալ կրեցեր, դիեցուցանելով մարմնացելոյն 'ի քէն զկուսական քո սուրբ զկաթն, անդադար երգով զքեզ միշտ մեծացուցանեմք:

* **Դուռն ընդ որ եմուտ Բանն Աստուած:** == Եւ խոշտանգեալ զդասս հրէիցն՝ խոստովանէր Յուդա եկեալ 'ի տեղին Գողգոթա հաւատով, եւ քարոզէր նոցա զդուռն ընդ որ եմուտ Բանն Աստուած, մեծացուցանելով զծնեալն 'ի կուսէն:

Դուռն կնքեալ: == Ուրախ լեր բերկրեալ, դուռն կնքեալ, որ ծնար աշխարհի զթագաւորն Քրիստոս, որ նստի 'ի վերայ անարուեստ աթոռոյ: Տես եւ Ապաւանիմք 'ի քո ըարեխօսութիւնդ:

Դուռն փակեալ զքեզ Եզեկիէլ յառաջագոյն ծանոյց՝ կոյս անարատ, ընդ որ եմուտ անտեսն յէից Բանն անմարմին որ 'ի Հօրէ եւ ել մարմնով անխախտելի մնալով կուսութեանդ, հողեւոր երգով զքեզ միշտ մեծացուցանեմք:

== Ուրախ լեր դուռն փակեալ, ընդ որ ոչ ոք մտեալ բայց Տէր Աստուած Իսրայելի, զքեզ օրհնութեամբ մեծացուցանեմք: Տես եւ Նեառն վիմաձին:

Դուստր Դաւթի թագաւորի: == Թագաւոր փառաց Աստուած Հոգիդ կենդանարար, 'ի շնորհարաշխ աւուր մեծի ծննդեան Մարիամու դստեր Դաւթի Թագաւորի նորոգեա զկենդանութիւն մերոյ թագաւորին, զի օրհնեսցուք զքեզ Տէր այժմ եւ յաւիտեան:

Դուստր լուսոյ: == Ուրախ լեր դուստր լուսոյ՝ մայր անհարսնացեալ, քանզի յղացելոյն 'ի քէն համախմբեալ վերնոցն որդիք Սիոնի՝ երգեն զփառս 'ի բարձունս:

Դրախտ աստուածային եւ արեւելք իմանալի, այսօր Մարիամ հրաշագեղ ծնեալ 'ի յԱննայէ, 'ի մայրութիւն քո հրաւիրեալ Բրիտոս Որդի Աստուծոյ, անդադար երգով սոբօք զքեզ միշտ մեծացուցանեմք:

Ե

Եկեղեցի Որդւոյ քո Աստուածածին զքեզ խոստովանի:

Ելոյժ զօրէնս բնութեան մարդկան հրաշափառ քո ծնունդ եւ զէնութիւն բնութեանն ամբողջ պահեալ եւ կուսութեանդ քո ոչ խախտեցան կնիք, հոգեւոր երգով զքեզ բարեբանեմք եւ փառաւորեմք զմիածին քո զՈրդին:

Եսայիաս զքեզ թեթեւ ամպ ետես, եւ Հայր յամպոյն զքո զՈրդին իւր դաւանեաց, նմա յաւէժ յանձն արա զանձինս մեր:

Երանեալդ 'ի կանայս: == Որ զհուրն Աստուած յորովայնի քում ընկալար եւ ծնար անճառապէս զկենագործողն ամենեցուն, բարեխօս զքեզ ունիմք որ երանեալք ես 'ի կանայս:

Երանեալ յամենայն ազգաց: == Որ յամենայն ազգաց երանեցար Սրբուհի եւ կոյս Մարիամ, ազաչեա զառ 'ի քէն զմարմնացեալն Աստուած՝ սպրեցուցանել զմեզ 'ի սպառնալեաց գեհէնոյն:

Երանեալ յիմանալի զօրացն: Տես Բնակ հրեղէն աստուածութեամն:

Երանելիդ ամենեցուն՝ զԱստուած տանելով զբնութեամբ անտանելի, զամենեցուն ամենակալն արժանի եղեր կրել յորովայնի, որ երեւեցաւ ազգի մարդկան:

Երգաբանեալ: == Որ 'ի զօրաց հոգեղինաց

Երգաբանի Սրբուհին, զծնեալն այսօր օրինօք բնութեան զմայրն Աստուծոյ Բանին 'ի վեր քան զբնութիւնս, բարձր արարէք զծնեալն այսօր զմայր մաքուր Բանին զմիշտ կոյսն :

Երգէ մարգարէն՝ սուրբ է տաճար քո սքանչելի արդարութեամբ եւ դուռն երկնային . ուրախ լեր Աստուածածին՝ տաճար անխախտելի զքեզ մեծացուցանեմք :

Երիս խորհուրդս սոսկալիս 'ի քեզ տեսանի Աստուածածին՝ յղութիւն անսերմնական, ծնունդ անարատ, կուսութիւն յետ ծնընդեան մնալով անապական . օրհնութեամբ զքեզ Աստուածածին մեծացուցանեմք :

Երկին վեհագոյն : = Ուրախ լեր երկին վեհագոյն՝ քրովբէ հողեղէն, որ զանտանելին երկնից եւ հրեղինաց դասուցն 'ի քո ընկալար մաքրական որովայնի :

Երկինք սլայծառ : = Չքեզ սլայծառ երկինք եւ ամպ լուսեղէն, ծնող արարչին եւ մորենի անկիզկելի մեծացուցանեմք :

Երկիր բանաւոր : = Ուրախ լեր մայր լուսոյ Մարիամ. երկիր բանաւոր, արեգական օթարան, լեր բարեխօս վասն անձանց մերոց :

Երկիր վայրափակ : = Տեղի անտանելի Բա-

նին, եւ երկիր վայրափակ յորում լոյսն արեգանիցի եւ արեւելք արեգականն արդարութեան, անդադար ձայնիւ զքեզ բարեբանեմք, եւ հողեւոր երգով մեծացուցանեմք :

Երկնաբերձ աշտանակ : Տես Աշտանակ :

Երկնային դուռն : = Չքեզ Եղեկիէլ ետես երկնային դուռն եւ հարսն անփորձ, օրհնեալ ես յաւիտեան : Տես եւ Ասրն :

Երկրպագեալդ յանմարմնական զօրաց : = Տեղափոխեալ զքեզ 'ի վերնական 'ի կառս քերովբէականս Աստուածամայր, սպասաւորեալդ 'ի սերովբէից եւ երկրպագեալդ յանմարմնական զօրաց, անդադար երգով զքեզ միշտ մեծացուցանեմք :

Երջանիկ կոյս : = Որ 'ի լրումն անձառից 'ի քէն յայտնեալ ծածկեալ խորհրդոյ 'ի քէն մաքրելոյ երջանիկ կուսին չօր զօրութիւն հովանաւորեալ, զոր առ քեզ ունիմք բարեխօս վասն անձանց մերոց :

Եօթնարփին շնորհաց ընդունարան : Տես Գրաստական կենաց :

Եօթնարփին շնորհաց Հոգւոյն ընդունարան : Տես Անթառամ ծաղիկ :

Զանազական կոյսն Մարիամ Աստուածածինն խոստովանի սուրբ Եկեղեցի, ուստի տուաւ հացն անմահութեան եւ բաժակ մեզ ուրախարար, տուք օրհնութիւն նմա հոգեւոր երգով:

Զանարատն օրհնեսցուք զԱստուածածինն որ կոյս մնաց յետ ծննդեան, եւ տարաւ յորովայնի զանտանելին ամենեցուն, զհամաբնակիցն Հօր եւ ամենասուրբ Հոգւոյն:

Զբարեբանեալդ անդադար միշտ 'ի վերին զօրաց, եւ զվերափոխեալդ 'ի դասս առաքելոց եւ մարգարէից, ընդ որս եւ մեք հաւատացեալքս վերապատուեմք զքոյին Աստուածամայր զհանգստեան տօնս, որ առաւել բարձրացեալդ ես յաւիտեան:

Զի 'ի քէն ցնծութիւն ծնաւ տիեզերաց նախայաւիտեան Բանն, փառակից Հօր եւ սուրբ Հոգւոյն, զնա անդադար աղաչեալ փասն անձանց մերոց:

Զ'ի կուսէն մարմնացեալ Բանն՝ եկայք ժողովուրդք ընդ հովիւան բարեբանեսցուք եւ

ընդ մոգուցն երկրպագեսցուք, ընդ երկնային զօրսն երգեսցուք՝ փառք 'ի բարձունս Աստուծոյ:

Զկենդանագիր անարատ ծնողի քո արկանեմք առաջի անոխակալ տէրութեանդ քո. յորժամ դաս փառօք Հօր դատել զթշնամին խաչիւ քո, ներեա յանցանաց մերոց բարեխօսութեամբ մօր քո եւ կուսի. աղաչեմք զքեզ Տէր՝ պահպանեալ զմեզ ընդ հովանեալ խաչի քո սուրբ:

Զկուսութիւնդ քո Աստուածածին անարատ, զոր ոչ բոցակիղեաց հօր աստուածութեանն՝ մեծացուցանեմք: Որ յարգանդի քում անապականաբար բնակեցաւ Քրիստոս Աստուած եւ փրկիչ անձանց մերոց՝ մեծացուցանեմք: Անհասանելի տէրունական յայտնութիւնն աշխարհի ծագեցաւ, անմատոյց լուսոյն երկրպագեսցուք:

Զմայրդ լուսոյ Բանին Աստուծոյ, որ եղեր արեւեք արեգականն 'ի մեզ ծագողին, բարեխօս ունիմք փրկել զմեզ 'ի փորձութենէ:

Զոր ընտրեաց Աստուած յամենայն ազգաց երկրէ՝ ծնանիլ 'ի նմանէ, պարեցուցանել զմեզ կռօցն 'ի պաշտելութենէ, որպէս զԱստուածածին միշտ փառաւորեսցուք:

Զուզաթիւ աւուրց դարուց անցաւորաց: Տես Գրաւական կենաց:

Չքեզ աղաչեմք հանապազ սուրբ Աստուածածին, բարեխօսեա Քրիստոսի Աստուծոյ մերոյ՝ փրկել զմեզ 'ի փորձութենէ եւ յամենայն վտանգից մերոց:

Չքեզ անհարսնացեալ՝ որ միայնդ 'ի կանայս օրհնեալ, կրելով 'ի քեզ զանտանելի զբնութիւնն, օրհնութեամբ մեծացուցանեմք:

Չքեզ երեւեալ դուռն առ Եզեկիէլիւ մարգարէիւ, ընդ որ ոչ ոք էանց եթէ ոչ Աստուած միայն, Աստուածածին կոյս, օրհնութեամբ մեծացուցանեմք: Չքեզ որ 'ի մորենոջն առ Մովսէսիւ մարգարէիւ՝ զնոր խօրհուրդ կուսի յայտնեցեր մարդկան ազգի, օրհնութեամբ մեծացուցանեմք: Չքեզ որ 'ի Հօրէ անժամանակապէս եւ 'ի մօրէ անթարգմանաբար, 'ի ժամանակի ծննդեան 'ի բոլորից փրկութեան յայտնեցար Որդի բարձրելոյն, օրհնութեամբ մեծացուցանեմք:

Չքեզ երկնային դուռն զոր ետես Եզեկիէլ, եւ ասրն զոր ծանեաւ Քեղէոյն, սերովբէ հողեղէն՝ վեհագոյն քերովբէից, օրհնութեամբ զքեզ Աստուածածին մեծացուցանեմք:

Չքեզ ոչ միայն որդիք մարդկան, այլ եւ վերին զօրութիւնք, զասք անմարմնոց հո-

գեղինաց հրեղինաց զուարթնոց եւ հրեշտակաց գոհարանեն եւ վերօրհնեն եւ փառաւորեն զմայր եւ զաղախին փրկչին մերոյ:

Չքեզ ունիմք բարեխօս կոյս անհարսնացեալ, մայր անարատ Էմմանուէլի, տաճար Բանին Հօրն երկնաւորի, օրհնութեամբ զքեզ մեծացուցանեմք:

Չքեզ օրհնութեամբ մեծացուցանեմք: Որ զԲանն Աստուած յարգանդի կրեցեր՝ Սըրբուհի անարատ, եւ անճառապէս ծնար զվերածողն երկնից, զքեզ օրհնութեամբ մեծացուցանեմք: Որ էից լուսոյն արժանի եղեր բառնալոյ 'ի քօ գիրկս, եւ արեգականն արդարութեան եղեր արեւելք, զքեզ օրհնութեամբ մեծացուցանեմք:

Չօրութեամբ Բարձրելոյն հովանաւորեալ: Տես հովանաւորեալ:

է

Էին աթոռ: = Քերովբէից գերագոյն Էլն աւժուռ, եւ ծառ կենաց անմահական պաղոյն, տասպանակ կտակի Բանին եւ

սափոր ոսկի երկնային մանանային, հոգեւոր երգով զքեզ Սրբուհի մեծացուցանեմք:

Էմմանուէլի մայր: = Զքեզ մայր Էմմանուէլի, մարգարէին յառաջ գուշակեալ, ազգ մարդկան կենդանեաց մեծացուցանեմք: Տես եւ Զքեզ ունիւք:

Ը

Ընդունարան եօթնարփին շնորհաց: Տես Գրաւական կենաց:

Ընդունարան եօթնարփին շնորհաց Հոգւոյն: Տես Անթառամ:

Ընդունող Բանին Աստուծոյ: Տես Աստուածածինն ամարատ:

Ընդունող լուսոյ: = Ուրախ լեր Աստուածածին՝ յոյս եւ փրկութեան մայր, զքեզ ընդունող լուսոյ մեծացուցանեմք:

Ընծայեցեր: = Որ զպտուղն 'ի քէն կենաց ընծայեցէր մեռեալն Ադամայ, զորոյ պահօք քառասնօրեայ քաւեաց զպտղոյն ճաշակումն եւ յանվախճան զնոյն վերածեաց 'ի կեանս, առ նա միշտ բարեխօսեա վասն անձանց մերոց:

Ընկալեալ յիմանալի խորանս անմահից: =

Այսօր զուարճացան հրեշտակք 'ի յերկինս՝ ընդունելով յերկրէ զմայր Բանին Աստուծոյ յիմանալի խորանս անմահից:

Ընտրեալ յառաջ քան զհիմունս 'ի սկզբանէ աշխարհի, տուար անճառ անքնին եւ ամպ թեթեւ լուսածին, բարեխօսեա Միածնին Աստուածածին մայր Բանին:

Թ

Թարգման աստուածութեան: = Անճառելիք Աստուած անզննական 'ի հրեղինաց, այսօր հաճեցար 'ի հողեղինաց յայտնել Թարգման աստուածութեանդ քո զմիշտ կոյսն Մարիամ, աղօթիւք սորա ողորմեա մեզ Աստուած:

Ժ

Ժուժկալեալ: = Երկինք չէին բաւական փառաց անմահ անեղիք, արգանդ կուսին ժուժկալեալ ընդունել զգանձը երկնային:

Ի

- Ի բարեխօսութիւնն փութացիր մեզ սուրբ Աստուածածին՝ առ ՚ի փրկել զԺողովուրդս ՚ի մեղաց եւ յապականութենէ :
- Ի բարձրութիւնս երկնից բարձր բանիւք բարեանիս Սրբուհի, ՚ի Լիբանանէ զիմեալ Հարսն զգեցեալ այսօր զարեգակն արկեալ զքեւ եւ ընդ ոտիւք զլուսինն ստուերատեսակ, օրհնութեամբ երգով եկեղեցիք տիեզերաց այսօր տօնեն զյիշատակ ծնընդեան քո ՚ի մօրէ :
- Ի լեռնէ վէմն առանց ձեռին Հատեալ՝ Դանիէլ զուշակեաց զանսերմն ծնունդ քո Հարսն երկնաւոր, մայր եւ յետ ծննդեան մնալով կոյս, վասն որոյ ամենեքեան զքեզ միշտ մեծացուցանեմք :
- Ի Լիբանանէ զիմեալ Հարսն : Տես Ի բարձրութիւնս երկնից :
- Ի մանալի արեւեքք : = Յնծա իմանալի արեւեքք, քանզի քեւ ծագեաց մեզ լոյս երեսաց Քրիստոս, լեր բարեխօս վասն անձանց մերոց :

- Ի մանալի բանաւոր տախտակ անտրամադրելի տառիցն մովսիսական օրինացն, որ զԱստուածն ամենեցուն իսկապէս մարմնով ՚ի գիրկս քո բարձեր, Մարիամ. ներբողական ձայնիւ եղանակեմք քեզ զերդս օրհնութեան՝ ամենօրհնեալք ՚ի կանայս :
- Ի մանալի լոյս : = Միայն օրհնեալք ՚ի կանայս, մայր եւ միշտ կոյս եւ իմանալի լոյս, ծնող արարչին մերոյ՝ անդադար բարեբանեսցուք :
- Ի տեսիլ հրաշից փառաց Միածնին զուարճացան դասք առաքելոցն, եւ ընդ վերին զուարթունան Համաձայնեալ՝ նոր օրհնութիւն քեզ եղանակէին օրհնեալք ՚ի կանայս :
- Ի քեզ բովանդակ կրեցեր զհուր աստուածութեանն Մարիամ մայր եւ կոյս, օրհնութեամբ զքեզ մեծացուցանեմք :
- Ի քեզ եմք ապաւինեալ որ մայրդ ես եւ աշխարհի Քրիստոսի, լեր բարեխօս վասն մեր՝ զի զանուն Տեսուն կարգացուք եւ զքեզ մեծարեալ պատուեսցուք :
- Ի քեզ եմք ապաւինեալ՝ Քրիստոսի մայր Աստուծոյ մերոյ :
- Ի քերովբէս բազմեալ ընդ Հօր անապակաւ նաբար բնակիլ Հաճեցաւ ՚ի քում յորո-

վայնի, ուրախ լեր բերկրեալք՝ Տէր ընդ
քեզ :

Ի քէն ցնծութիւն ծնաւ : Տես Զի 'ի քէն :

L

Լայնածաւալ տեղի : = Անպարագիծ էին
բողոքից բնութեանց լայնածաւալ տեղի :
Տես Աստուածածին սուրբ կոյս :

Լեառն վիմածին, աղբիւր յորդառատ, բա-
րունակ ծաղկեալ, այգի վայելուչ, սրովբէ
հողեղէն, բարունուոյ Բանին տուն անօ-
րէնութեան, տաղաւար Հոգւոյն, առ
ծնեալն 'ի քէն միշտ բարեխօսեա ան-
դադար Հայցմամբ՝ շնորհել զթողութիւն
մեր ննջեցելոցն :

Լեառն վիմածին : = Զքեզ մորենի անկէզ,
լեառն վիմածին, դուռն փակեալ եւ աղ-
բիւր կնքեալ, նախատեսացն գուշակեալ
մայր եւ կոյս, հոգեւոր երգով զքեզ բա-
րեբանեմք եւ փառաւորեմք զվիածին քո
զՈրդին : = Որ զօրինակ Մարիամու Հոգիդ
ցուցեր մարգարէին, այսօր զաւակ Յո-
վակիմայ ետուր զլեառն վիմածին, զքեզ
բարեբանեմք Աստուած Հարցն մերոց :

Լի մանանայիւ : Տես Բանալի :

Լոյս : = Նստելոցս 'ի խաւարի լոյս ծագե-
ցեր : Տես Աստուածածին խորան լուսոյ :

Լոյս : = Զլոյսն անստուեր յարգանդի կրե-
ցեր օրհնեալք 'ի կանայս :

= Լոյսն որ ոչ բովանդակի, 'ի քէն
մարմնով պարունակի : Տես Ծածկեալ :

Լոյս լուսոյ մայր : Տես Բնակարան կենարար
Բանին :

Լոյս ծագեցաւ 'ի քէն նստելոցս 'ի խաւարի,
քեզ երանիցեն ազգ եւ ազինք ամենայն :

Լոյսն անքնին ծածկեալ 'ի ծոց Հօր՝ որ ծա-
ղեցաւ 'ի քէն մայր եւ կոյս, այսօր իջեալ
անմարմնական դասուք հրեղինացն՝ փո-
խադրեաց զքեզ լուսափայլ ամպովք 'ի
լոյսն անստուեր : — Բանն անմարմին որ
'ի քէն մարմնացաւ եւ 'ի գիրկս քո բար-
ձեալ կրեցաւ Մարիամ, այսօր եկեալ
բազմութեամբ զօրօք հրեշտակացն՝ վերա-
ցոյց զքեզ հրակերպ կառօք 'ի լոյսն անըս-
տուեր :

Լուծիչ անիծից : Տես Անիծից լուծիչ :

Լուծիչ երկանց : = Գու լուծիչ երկանց,
բարձող անիծից, ծագումն արեւու լուսոյն
ճշմարտի որով հերքեաւ խաւարն առաջին,
օրհնութեամբ զքեզ մեծացուցանեմք :

== Որ զնախամօրն անիծից երկանց լուծեք զդատակնիք, որ զտրտմական սահմանեաց ծնունդ անախտաբար ծնանելով 'ի քէն. առ նա միշտ բարեխօսեա վասն անձանց մերոց:

== Որ զդատակնիք երկանց անիծից նախամօրն ելոյծ միածնի Որդւոյ քո ծնընդեամբ կոյսն Մարիամ, այսօր յառաջին յանպատում փառսն դարձուցեր սովաւ զնախաստեղծն, զոր միշտ ունիմք բարեխօս առ քեզ Տէր Աստուած հարցն մերոց:

Լուծիչ երկանցն Եւայի: == Որ 'ի դատուց մարգարէից եւ յերջանիկ առաքելոցն օրհնաբանեալ տիրուհին, զլուծիչ երկանցն Եւայի՝ զմայրն կենաց ծնեալն այսօր 'ի յԱննայէ, բարձր արարէք զծնեալն այսօր զմայր մաքուր Բանին զմիշտ կոյսն:

Լուսածին ամպ: == Ուրախացան զօրք երկնից 'ի վերուստ, քանզի ցօղն անապական 'ի քէն հեղեալ՝ միշտ կոյս եւ մայր Բանին տնտեսութեան լուսածին ամպ, ծագելով 'ի մեզ զարդարութեան արեգակն:

Լուսապայծառ: Տես Տապանակ ապրեցուցիչ:

Լուսաւորեալ: == Սուրբ Հոգւոյն եկաւորութեամբն լուսաւորեալ:

Լուսեղէն տաճար Աստուծոյ Բանին: == Ուրախ լեր մայր անճառ լուսոյ Մարիամ սուրբ Աստուածածին, քանզի 'ի քեզ կրեցեր զհուր աստուածութեանն՝ լուսեղէն տաճար Աստուծոյ Բանին, առ նա միշտ բարեխօսեա վասն անձանց մերոց: Տես եւ Աստուածածին մայր լուսոյ սուրբ կոյս:

Լուսոյ մայր: Տես Մայր լուսոյ:

Լուսոյն աշտանակ: == Ուրախ լեր սիւն հրեղէն՝ լուսոյն աշտանակ, որ զարարչական եղականաց լուսոյ 'ի քեզ տանելով՝ ծագեցեր խաւարելոց:

Լցեալ անճառելի եօթնարփեան շնորհօք: == Զոր մաքրեցեր 'ի բնակութեան քում էակցին Հոգիդ ճմարիտ, եւ լցեր անճառելի եօթնարփեան շնորհօք, այսօր զերազոյն հրեղինացն դասեցեր զհոգեղէն բնութիւնն, զոր միշտ ունիմք բարեխօս առ քեզ Տէր Աստուած հարցն մերոց:

Խ

Խարիսխ յուսոյ հաստատութեան: Տես Գրաւակամ կենաց:

Խնդա եւ ուրախ լեր անհարսնացեալ մայր,
քանզի որ 'ի քէն ծնաւ մեզ Աստուած 'ի
փրկութիւն անձանց մերոց:

Խնդա եւ ուրախ լեր անհարսնացեալ Մա-
րիամ, քանզի որ 'ի քէն ծնաւ փրկիչ՝ Տէր
է օծեալ 'ի քաղաքի Դաւթի, զոր միշտ
փառաւորեն դապք երջանիկ հովուացն:

Խնդա մայր Բանին 'ի Հօրէ ծնեալ նախ քան
զարուսեակ, որ զլոյսն երկնային ծագե-
ցեր մարդկան զլուծիչ մեղաց մթուածեան,
մաղթեա Բանին փրկել զմեզ 'ի մեղաց
մերոց:

Խնդա Մարիամ որ եղեր մայր Քրիստոսի, եւ
աղաչեա զառ 'ի քէն զմարմնացեալ Բանն
Աստուած, զի փրկեսցէ զմեզ 'ի փորձու-
թենէ:

Խնդա տաճար Բանին Աստուծոյ: Տես Բար-
ձող տրամութեամ:

Խորանայարկ կամարանման յօրինեցար սուրբ
կոյս Աստուածածին, զանհասանելի զԲանն
Աստուած բնաւորապէս անսերմնաբար
կրեցեր 'ի քում յորովայնի, անդադար
երգով զքեզ միշտ մեծացուցանեմք:

Խորան եւ առագաստ: Տես Աստուածածին զե-
րագոյն երկնից:

Խորան եւ տաճար Աստուծոյ Բանին: Տես Առ-
քեզ ապաւինիմք:

Խորան լուսոյ անվայրափակ արփւոյն կենաց:
Տես Աստուածածին խորան:

Խորան Հոգւոյ սրբոյ: Տես Հիսն:

Խորան սրբութեան: = Որ յանէից անմար-
մնական զօրաց էակ Հայր անակիզբն, զգօ-
րապետ խմբից նոցա աւետարեր այսօր
առաքեցեր առ Բանի քո խորան սրբու-
թեան, աղաչանօք սորա ողորմեա մեզ Աս-
տուած:

Խորին խորհուրդ անքնին ծածկեալ յազգաց
յաւիտենին, յայտնեցաւ յամս վերջին 'ի
փրկութիւն մարդկան սեռին, զոր տեսա-
նօղքն ծանուցին կուսին ծնող լինել Բա-
նին:

Խորհուրդ կենաց եւ մայր կենդանութեան եւ
առագաստ հրափայլ ծագմամբ, մայր եւ
աղախին մեծացուցանեմք:

Խորհուրդն անճառ ծածկեալն յազգաց եւ
յաւիտեանց՝ յայտնեցաւ իմամբ հրեշտա-
կապետին այսօր առ կոյսն Մարիամ, զոր
առ Տէր ունիմք բարեխօս վասն անձանց
մերոց:

Խորհրդաւոր խորան Բանին Հօր բարձրելոյ:
Տես Վեհագոյն սերովբէից:

Ծ

Ծագեցեր զլոյսն երկնային: Տես Խնդա մայր Բանին:

== **Չ** Աստուածածինն եւ զմիշտ կոյսն անդադար օրհնեսցուք, քանզի ծագեաց մեզ լոյս երեսաց եւ փրկիչ անձանց մերոց:

Ծագող արեգականն արդարութեան: Տես Աւստուածածին մայր եւ կոյս:

Ծագող լուսոյն: == **Որ** խոնարհեցար յերկնից անմեկնելիք 'ի Հօրէ Որդի Աստուծոյ եւ առեր մարմին 'ի սրբոյ կուսէն, հայցմամբ ծագողին լուսոյդ եւ մեզ ողորմեա:

Ծագումն արեւու լուսոյն ճմարտի: Տես Լուծիչ երկանց:

Ծածկեալ խորհուրդն ծանուցաւ չորրորդ դարուն Իսահակաւ, 'ի չորրորդ օր դարձեալ հրեշտակն ետ զաւետիսն կուսական, թէ լոյսն որ ոչ բովանդակի 'ի քէն մարմնով պարունակի, յոր օրհնեցայք ազգ երկրածինք՝ տուք օրհնութիւն պտղոյ կուսին:

Ծածկեալ խորհուրդն յաւիտենին լռեցելոյ եւ անճառին, 'ի հասանել ժամանակին պար

զեւեցաւ մարդկան աղին, էական բնութիւն Բանին՝ խառնեալ անշփոթ 'ի մեր բնութիւն:

Ծաղիկ: Տես Գերահրաշ ծաղիկ. — Նոր ծաղիկ:

Ծաղիկ անթառամ: == Դու ծաղիկ անթառամ տոհմի սեռիս մարդկութեան, եւ շառաւիղ օրհնութեան նախնոյ ծնողին մեր բնութեան, բարեխօսեա Միածնին՝ Աստուածածին մայր Բանին: Տես եւ Անթառամ ծաղիկ:

Ծաղիկն դաշտաց միամայրն Մարիամ: Տես Արմատ տնկոյն անմահութեան:

Ծաղիկ վայելուչ բլխեցեր: Տես Բղխեցեր:

Ծաղկեցար: == **Չ** անթառամն ծաղկեցար բզծաղիկ 'ի ժամու տալով զպտուղն: Տես Աստուածածին սուրբ կոյս:

Ծառ: Տես Աստուածատունկ խնկարեր ծառ:

Ծառ կենաց անմահական պտղոյն: Տես Էլին ավտո:

Ծառ կենաց ծաղկեալ Տիրուհի: == Այսօր ծնաւ մայրն ամուլ զքեզ յարմատոյն Յեսսեայ ծառ կենաց ծաղկեալ Տիրուհի, որ ետուր մարդկան 'ի ժամու պտուղ զհացն կենաց զիջեալն 'ի յերկնից, բարեխօսեա Սրբուհի վասն անձանց մերոց:

Ծառ կենաց՝ որ զանմահութեան պտուղն 'ի քէն ետուր նախնոյ մօրն Նւայի՝ 'ի մահաբեր երկանցն ազատելով, բարեխօսեա առ Տէր վասն մերոյ փրկութեան:

Ծառ կենաց տնկեալ յադին սուրբ կոյս՝ որ զհայրածինն բղխեցեր զծաղիկ, եւ ետուր 'ի ժամու զՈրդին պտուղ մարդկան, զորոյ զմարմինն ճաշակեալ անմահացան յուտով, վասն որոյ օրհնաբանեմք զքեզ յաւուր քո ծննդեան:

Միբանազգեաց հրաշափառագոյն կոյս: == Մարգարտատեսիլ եւ Յիրանազգեաց հրաշափառագոյն կոյս, զոր առեալ Որդւոյ վերափոխեալ դասեաց յանպատում 'ի կեանս, վասն որոյ գովելով ասեմք՝ օրհնեալ ես Որդիդ Միածին Աստուած:

Ծնանել: == ԶԱստուածն անիմալին ծնար: == Զամենայն գոյութեանց զստեղծիչն յղացեալ ծնար անճառապէս:

== Ծնար որպէս մարդ զԱստուածն բուրից զմարմնացեայն առ 'ի քէն զանճառ զԲանն՝ 'ի փրկութիւն աշխարհի եւ կեանք անձանց մերոց:

== Զբոյսն երկնային առանց սերման ծընար:

== Ուրախ լեր եւ բերկրեա մայր եւ կոյս,

քանզի ծնեալն 'ի կուսէդ այսօր վերստին յարութեամբ ծնաւ 'ի կոյս գերեզմանէն, զքեզ բարեբանեալ մեծացուցանեմք:

== Յորմէ կենդանատեղծեալք յանեղէն հաստեցան ամենայն եղականքս, անսերմնապէս տղայացաւ յորովայնի քում, եւ ծնաւ առ 'ի քէն մարմնացեալ Աստուածն բուրից, զքեզ մեծացուցանեմք արժանապէս երգով աստուածամայր եւ կոյս:

== Ծնեալն 'ի քէն 'ի խաչ ելեալ եւ 'ի յաթու փառաց ընդ Հօր, անարգեալ 'ի մարդկանէ, փառաբարութեամբ էութեամբ երկրպագեալ, վասն որոյ զքեզ Աստուածածին եւ կոյս՝ բարեբանեմք զմայր եւ զաղախին փրկչին մերոյ:

== Որ զարարչակից Բանն գոյացեալ ստուգապէս աշխարհի ծնար, ուրախ լեր անհարսնացեալ մայր:

== Զանմայր ծնեալն առաջին՝ ծնար անհայր յերկրորդին:

== Որ զհօւրն Աստուած յորովայնի քում ընկալար եւ ծնար անճառապէս զկենսագործողն ամենեցուն, բարեխօս զքեզ ունիմք որ երանեալդ ես 'ի կանայս:

== Երգեցէք որդիք Սիոնի երգ նոր 'ի ծննդեան մօր Տեառն, քանզի որ ծնաւ

զանժամանակն 'ի Հօրէ Ծնեալն, այսօր
Ծնաւ յամուլ արգանդէ, տուք օրհնու-
թիւն տուողին մեզ զմայրն լուսոյ:

Յնծացէք որդիք մարդկան այսօր ծնըն-
դեամբ սրբուհւոյ կուսին, քանզի որ տա-
լաւ զանտանելին յարգանդի անսերմնա-
պէս՝ այսօր բղխեաց յարմատոյն Յեսսեայ,
տուք: == Ուրախութիւն աշխարհի ծնաւ
զՄարիամ ամուլն Աննա աւետեօք զը-
ւարթնոյն, որ զտուողն օրինաց հնոյն Ծնաւ
մարմնով պարգեւիչ նորոյս կտակի, տուք
օրհնութիւն տուողին մեզ զմայրն լուսոյ:
== Ծնար 'ի կուսէ անճառելի Բանդ, 'ի
Հօրէ ոչ մեկնեցար, օրհնեմք զքեզ անհա-
սանելի լոյս՝ Աստուած հարցն մերոց:
== Զքեզ աղաչեմք անսկզբնակից Հօր Որ-
դի, որ այսօր նախաստեղծին բնութեամբ
'ի կուսէն Ծնար Աստուած եւ մարդ, ու
զորմեա մեզ:

== Յայտնի է 'ի Հրէաստանի Աստուած
եւ 'ի Բեթղէմէմ Ծնեալ յայրին, մանուկ
անժամանակ 'ի Հօրէ, եւ ժամանակաւ
գոյացեալ՝ Ծնեալ լինի Աստուած եւ մարդ:
== Որ գթացար յերկիր եւ Ծնար անախտ՝
աղատելով զախտի ծնունդս, Աստուած
հարցն մերոց: Տես եւ կոյս:

Ծնող անտանելի Բանին: == ԶՏէր օրհնեցէք,
բարձր արարէք զԾնող անտանելի Բանին
զմիշտ կոյսն:

Ծնող արարչին: == Զքեզ պայծառ երկինք
եւ ամպ լուսեղէն, Ծնող արարչին եւ
մորենի անկեղելի, մեծացուցանեմք:

Ծնող Բանին: Տես Խորին խորհուրդ:

Ծնող Բանին: == Քահանայք եւ ժողովուրդք
տօնախմբողք ծննդեան կուսին, ընդ Յո-
վակիմայ եւ Աննայի ծնողաց սրբոյ Ծնողի
Բանին բարձր արարէք զնա յաւիտեան:

Ծնող Բանին Տեառն Աստուծոյ: == Զուար-
ճացիր Սիովնդ հին հանդիսարան տեսա-
նողացն, որ բաղմագոյն օրինակօք զուշա-
կեցեր զԾնող Բանին Տեառն Աստուծոյ,
բարձր արարէք զնա յաւիտեան:

Ծնող եւ աղախին Տեառն: Տես Բարեխօսեա
անդադար:

Ծնող Որդւոյն Միածնի: == Որ ողորմեցար 'ի
մեզս ծնեալ մարդկան Հայր երկնաւոր ըստ
մարդարէին, եւ ետուր բնութեանս այսօր
պարգեւ զկոյսն սուրբ զԾնող Որդւոյդ
Միածնի, մաղթանօք սորա Տէր մեզ ողոր-
մեա:

Ծնունդ անարատ: Տես Երիս խորհուրդս:

Ծնունդ կուսական: == Այսօր զնախամօրն

երկանց բարձողն կուսական ճննդեամբ զանհարսնացեալ մայրն՝ Միածինն իջեալ փառօք փոխադրեաց յիմանալի եւ յանպատում գերագոյն բնութիւնս, վասն որոյ սրովբէական ձայնիւ քեզ երգեմք սրբութեանց սուրբ զմիշտ փառաբանութիւն :

== Որ կուսական ճննդեամբդ 'ի փրկութիւն յայտնեալ, եւ առաքեցեր զերիվարս քո քարոզս՝ աւետարանել զկենսաբեր յարութիւնդ :

Ծնունդ : == Անկիզբն Աստուած անճառելի ամբաւ զօրութիւն՝ որ յիսկզբանց յաւիտենից խնամարկեցեր զորդիս Ազամայ, գերագոյն այսօր շնորհիւ փայլեալ ցուցեր ճննդեամբ զմայր Միածնիդ քո ընտրելոյ, աղաչանօք սոցա խնայեա 'ի մեզ : — Որ յանէից բանիւ գոյացուցեր զաշխարհս ամենայն, այսօր մարդասիրեալ տնօրինաբար 'ի յԱննայէ արկեր ճիմունս նորոյ աշխարհի, աղաչանօք սոցա խնայեա 'ի մեզ :

== Որ բարձրացոյց զանկեալ բնութիւնս 'ի քէն ճննդեամբ Որդին յերկինս, զկարօտեալքս ելից հացիւ եւ զմեծատունն եւ լոյծ ունայն, երանեն ազգ եւ ազինք այսօր զծնեալդ 'ի յԱննայէ :

== Այսօր յայտնեցաւ մեզ բարձրեալն բազմեալ Բանն յանբանից մուր, գառն եւ երկնաւոր հաց : — Այսօր ցնծան զբարթունք երկնից տեսանելով զահաւոր զահագին եւ զհրաշալի ճնունդ՝ որ լոյս աշխարհի ցուցաւ : Ընդ իջանել զուարթնոյն 'ի փառաբանութիւն, տեսանէին ամպ լուսոյ սիւն գործեալ 'ի հրալից վիմին, դասք երջանիկ հովուացն :

Ծնունդ : == Անկզբնական տեսիլ փառաց քոց սուող որ 'ի մեզ հրաշագործեցաւ՝ երեւելով անճառաբար ճնունդ, այսօր ցնծութիւն յայտնեցաւ տիեզերաց : — Անմարմնական հոգեղինացն երգակցելով՝ բոցեղէն փայլմամբ թափանցիկ հրածին ամպոյն սիւն գործեալ յայրին, այսօր դասակից եղեն հովիւքն հանդիսի վերնոցն : — Ընդհանուր ծաւալեցաւ ծաղումն լուսոյ, մոզուցն հետեւելով աստեղբն գուշակեալ զճնունդ յայրին, անդ մատուցանէին զընծայս աստուածային ծննդեանն :

Կ

Կաթին: == Բանին շօր մարմնարան եւ առաջատու բնակութեան, որ կամեամբ կուսական կերակրեցեր զէակն Բան, բարեխօսեա Միածնին՝ Աստուածածին մայր Բանին:

== Կերակրողին տիեզերաց արբուցեր զքո սուրբ զկամն, որ զննչեցեալսն մեր վերջստին նորոգէ, զքեզ մեծացուցանեմք որ օրհնեալք ես 'ի կանայս:

== Յորմէ զարհուրեալ գողային դասք վերին զուարթնոցն, տղայապէս առնկալեալ բարձեր 'ի գիրկս, եւ արբուցեր որպէս մայր ստացողին զքեզ զկուսական քո սուրբ զկամն, զքեզ մեծացուցանեմք արժանապէս երգով աստուածամայր եւ կոյս:

== Յորմէ զարհուրեալ գողան սրովբէագունդ ջոկք աթոռոցն, թեւաքօղելով ծածկեն զերեսս իւրեանց, այսօր տղայաբար 'ի կուսական 'ի ստեանցն կերակրեցար մարդասիրապէս, զքեզ ընդ զօրս անմարմնոցն անդադար օրհնաբանեմք:

Տես եւ կոյս անապական:

Կատարումն մարգարէից: == Զքեզ կատարումն մարգարէից՝ կուսական քո ծնընդեամբ որով բնութեանս քակտեցան օրէնք, հրաբուն սեռիցն փոխադրեալ 'ի լուսաճեմ խորանսն, անդադար ձայնիւ զքեզ բարեբանեմք, եւ հոգեւոր երգով մեծացուցանեմք:

Կենարար Բանին բնակարան: Տես Բնակարան:

Կենդանի տապանակ կտակարանաց նորոյ ուխտիս, որով ելք յերկիր աւետեաց հորդեալ Հոգւով 'ի քեզ տպաւորեալ Բանին, վասն որոյ ամենեքեան զքեզ միշտ մեծացուցանեմք:

Կոյս: == Անկիզբն Բանն յանակզբնական 'ի Հօրէ, եւ սկզբնաւորեալ 'ի կուսէն մարմնոյ զգեցմամբ՝ բովանդակելով յորովայնի եւ ընդ Հօր գողով, եւ սահմանեալ ժամանակաւ ծնեալ լինի Աստուած եւ մարդ:

== Որ զնախագրեալսն յառաջագոյն գուշակութեամբ մարգարէիցն կատարեցեր Հայր երկնաւոր տալով զկոյսն 'ի յԱննայէ, զքեզ բարեբանեմք Աստուած հարցն մերոց:

== Քեզ միայնոյ մօր եւ կուսի մաղթեմք

Հայցելով 'ի քէն՝ բարեխօսեա անդադար առ Որդիդ քո եւ Աստուած մեր՝ փրկել զմեզ 'ի փորձութենէ եւ յամենայն վըտանգից մերոց :

Կոյս : = Այսօր անտեսն յեութեան Հայր 'ի բարձանց երեւելով՝ զծնեալդ 'ի սրբոյ կուսէն դաւանեաց Որդի իւր սիրելի , օրհնեալ Տէր Աստուած Հարցն մերոց :

= Այսօր դնելով զսուրբ կոյսն առ դրանն գերեզմանին՝ սպասէին եւ ակն ունէին Տեառն իսկ ինքնին գոյով , գեր 'ի վերոյ տեսեալ՝ զարարիչն եկեալ բազում հրեշտակօք , եւ նոցա միաձայնեալ ասէին՝ օրհնեալ ես ամէնօրհնեալդ 'ի կանայս :

= Այսօր տեսեալ զսուրբ կոյսն թուուցեալ յօդս , եւ ամպեղէն կառօքն 'ի վեր համբարձեալ յերկինս , մտանելով լերկնային խորանսն ընդ իմաստուն կուսանսն , եւ նոցա միաձայնեալ ասէին , օրհնեալ ես ամէնօրհնեալդ 'ի կանայս :

= Այսօր որ յաթոռ փառաց ընդ Հօր ծընանի 'ի սրբոյ կուսէն մարմնացեալ Բանն , ծնանելով զօրեզերս յորդեգրութեան շընորհս :

= Անեզանելի բնութիւն որ յէութեանդ ես ընդ Հօր՝ ծնար 'ի սրբոյ կուսէն , զքեզ բարեբանեմք արարչակից Հօր :

= Ծնար 'ի կուսէ անձառ միութիւն , անբաժանելի եւ միշտ գոյով՝ ոչ մեկնեցար 'ի հայրական ծոցոյ , զքեզ օրհնեմք Աստուած Հարցն մերոց :

= Զծնեալն 'ի սրբոյ կուսէն օրհնեցէք եւ բարձր արարէք զնա յաւիտեան :

= Թագ հիւսեալ երկնային յեռեալ յականց անմարմին , բերեալ պսակ սուրբ կուսին յորժամ փոխէր յաշխարհ վերին , բարեխօսեա Միածնին՝ Աստուածածին մայր Բանին :

= Զծնեալն 'ի սրբոյ կուսէն ընկալցուք 'ի սիրտս մեր հաւատով , որպէս երբեմն 'ի գիրկսն Սիմէոն :

= Ի գիրկս մարմնով բարձեալ եղեր 'ի ծերունւոյն , որ բանիւ զարարածս բարձեալ ունիս Քրիստոս՝ որ վասն մեր մարմնացար 'ի սրբոյ կուսէն :

= Որ 'ի կուսէ անապական թագաւոր ծնաւ Քրիստոս , եւ 'ի հրեշտակաց անդադար փառաբանի Աստուած , քահանայք օրհնեցէք , բարձր արարէք զնա յաւիտեան :

= Հրաշափառ ծնունդ քո 'ի սուրբ կուսէն այսօր ցուցաւ ալգի մարդկան , անսկզբնակից Բանդ Էակից Հօր :

= Նոր սքանչելիք եղեն այսօր 'ի Բեթ-

ղեհէմ 'ի յայրին, կուսի ծնանել Աստուած եւ մարդ՝ անապական մնալով կուսական որովայնին, զի տեսին մարմնով ծնեալ զԲանն Աստուած :

== Սա է Բանն Աստուած, որ յառաջ քան զյաւիտեանս անճառելի գալստեամբն իւրով յայտնեցաւ տիեզերաց ծնեալն 'ի կուսէն :

Կոյս աղախին եւ մայր : == Այսօր յուսապատար խնդութեամբ եւ յաւժաբար հնչմամբ նուագեմք քեզ հողեղէնքս ընդ հրաբուն սեւիցն, տօնախմբելով գլխատակ կուսի աղախնոյ եւ մօր քո, վասն որոյ հրճուողական ձայնիւ քեզ երգէ եկեղեցի սուրբ զոր հնարանութիւն :

Կոյս անապական : == Ուրախ լեր Մարիամ՝ կոյս անապական, զի 'ի հայրական ծոցոյ անմեկնելի Որդին 'ի քո յանձն առնուբնակիլ յորովայնի :

== Այսօր զանապական կոյսն որ զքեզ մաքուր կաթամբ կերակրեաց, 'ի զգայական փոխեալ բնութեանց յիմանալեացն խորանս :

== Որ զանէծս երկանց ծննդեան նախամօրն ելոյժ՝ անսերմնապէս ծնանելով յանապական կուսէն, երգով զՏէր օրհ-

նեցէք, բարձր արարէք զնա յաւիտեան : Տես եւ Հարսն երկնային :

Կոյս անարատ : == Դուռն փակեալ՝ զքեզ եկեկիէլ յառաջագոյն ծանոյց կոյս անարատ՝ ընդ որ եմուտ անտեսն յէից, Բանն անմարմին որ 'ի Հօրէ, եւ ել մարմնով՝ անխախտելի մնալով կուսութեանդ, հողեւոր երգով զքեզ միշտ մեծացուցանեմք :

== Զթագաւորն անմահ Քրիստոս զէակից Հօր եւ Հողոյ՝ որ տղայացաւն այսօր յանարատ 'ի սուրբ կուսէն՝ փրկելով զմեզ, ժողովուրդք օրհնեցէք եւ բարձր արարէք զնա յաւիտեան :

Կոյս անբիծ : Տես Մաքուր եւ անբիծ կոյս :

Կոյս անհարսնացեալ, մայր անարատ Էմմանուէլի : == Զքեզ ունիմք բարեխօս կոյս անհարսնացեալ, մայր անարատ Էմմանուէլի, տաճար Բանին Հօրն երկնաւորի, օրհնութեամբ զքեզ մեծացուցանեմք :

Կոյս՝ Աստուածորդւոյ մայր : == Տօնելով գլխատակ կուսի՝ աստուածորդւոյ մօր, հրճուն հրեշտակք 'ի յերկինս եւ ցնծան դասք առաքելոց եւ մարգարէից ընդ կուսական տօնս. ողորմեա մեզ Աստուած :

Կոյս բերկրեալ : == Ուրախութիւն տրամեցելոյ բնութեանս բերկրեալ կոյս Մա-

րիամ, զոր ողջունաբեր աւետեօք կրեցեր
 զտուողն 'ի քեզ զօրէնս ողջունի, առ նա
 միշտ բարեխօսեա վասն անձանց մերոց:
Կոյս երջանիկ: == Որ 'ի լուսն անձառից
 'ի քէն յայտնեալ ծածկեալ խորհրդոյ՝ 'ի
 քէն մաքրելոյ երջանիկ կուսին Հօր զօ-
 րութիւն հովանաւորեալ, զոր առ քեզ
 ունիմք բարեխօս վասն անձանց մերոց:
Կոյս եւ աղախին Քրիստոսի: == Որ զթա-
 զաւորն ամենեցուն յորովայնի քում կրե-
 ցեր՝ Սրբուհի մայր եւ կոյս եւ աղախին
 Քրիստոսի, բարեխօսեա առ Տէր վասն
 մերոյ փրկութեան:
Կոյս եւ մայր: Տես Բնակարան աստուածային:
Կոյս, միշտ կոյս: == Անձառ անօրէնութեամբ
 'ի միշտ կուսէն՝ զանիծիցն բարձեր զգա-
 տապարտութիւն, եւ կամաւոր խաչելու-
 թեամբ քո Տէր կեանս շնորհեցեր՝ անոխա-
 կալ փրկիչ, առաւել վերօրհնեմք եւ երկըր-
 պագեմք՝ որ ուրախութիւնդ ես երկնի եւ
 երկրի Քրիստոս թագաւոր:
 == Աստուած է որ ծնաւ 'ի միշտ կուսէն
 'ի փրկութիւն ազգի մարդկան, լուսաւո-
 րելով զտիեզերս 'ի գիտութիւն ճշմար-
 տութեան, եւ բարեբանեմք զնորա բա-
 րեգթութիւնն:

== Բղխեսցէ երկիր զողորմութիւն, եւ
 նորացուցէ զօրհնութիւն, քանզի Աս-
 տուած ծննդեամբ 'ի միշտ կուսէն 'ի
 փրկութիւն մեզ յայտնեցաւ, աւերեաց
 զբժոխս:
Կոյս յետ ծննդեան: == Միայնոյ քեզ 'ի կա-
 նայս կոյս յետ ծննդեան երգեմք զօր-
 հնութիւն, զի լոյս 'ի լուսոյ քեւ յայտնե-
 ցաւ աշխարհի եւ զնախամօրն եբարձ զա-
 նէծս անձառ ծննդեամբն 'ի քէն:
Կոյս սուրբ: == Այսօր Գաբրիէլ ցնծութեամբ
 երգեաց սրբոյ կուսին աւետիս՝ բերկրեաց
 ասելով, որ ծնաւ զփրկիչ անձանց մերոց:
 == Այսօր Գաբրիէլ հրեշտակն ցնծու-
 թեամբ երգեաց առ կոյսն սուրբ, ասէ՝
 ուրախ լեր բերկրեալդ, Տէր ընդ քեզ: —
 Այսօր աւետիք հրեշտակապետին ցնծու-
 թեամբ լցին զկոյսն սուրբ, քանզի էջ
 Միածինն յարգանդ կուսին: — Այսօր
 տիեզերք պայծառացան աւետեօք սրբոյ
 կուսին, քանզի Բանն մարմին եղեւ եւ
 բնակեաց 'ի մեզ:
 == Այսօր լցաւ խոստումն Աստուծոյ առ
 նաՀապետան՝ 'ի զաւակի նոցին օրհնիլ
 ամենայն ազանց, զի յարմատոյ նոցին
 բղխեաց կոյսն սուրբ՝ որ ծնաւ զԲանն

բարձող մեղաց նախաձորն . փառս տա-
ցուք տուողին մեզ զօրհնեալն 'ի կանայս :
= Զծնեալն 'ի սրբոյ կուսէն զխոստո-
վանեալ թագաւորն , զերկրպագեալն 'ի
մոգուցն , օրհնեցէք եւ բարձր արարէք :
= Զծնեալն 'ի սրբոյ կուսէն եւ յան-
բանից մուր եղեալ զհաց կենաց՝ միա-
բանութեամբ օրհնեցէք եւ առաւել բարձր
արարէք զնա յաւիտեան :

= Զծնեալն 'ի սուրբ 'ի կուսէն , զեղեալն
յանբանից մուր , եւ զմկրտեալն 'ի սուրբ
Յորդանան , օրհնեցէք զովեցէք եւ բարձր
արարէք զնա յաւիտեան : Տես եւ Կոյս :

Կոյս սրբուհի : = Այսօր տիրամայր Սրբուհի
կոյսն աւանդեալ զօրբասնեալ հոգին 'ի
ձեռն հրեշտակական դասուցն , որպէս գե-
րարփի փայլեալ՝ ահեղիցն նմանեալ հրե-
ղինաց դասուցն , վասն որոյ հրձուողական
ձայնիւ քեզ երգէ Եկեղեցի սուրբ զնոր
զօրհնաբանութիւն :

Կոյս օրհնաբանեալ : = Հոյք վերին զօրացն
իջեալ՝ շուրջ զկուսիւն պար առեալ , զերգս
օրհնութեան եղանակեալ՝ քաղցր ձայնիւ
ակումբ առեալ , զեռահիւսեակն նուագեալ՝
զմի տէրութիւնն երգաբանեալ : Զայնակից
նոցին եղեալ՝ դասք երջանիկ պետացն

ընտրեալ , 'ի Հոգւոյն վերաբերեալ՝ որք
յընդհանուր աշխարհ սփռեալ , անմար-
մնոցն համաձայնեալ զկոյսն սուրբ օր-
հնաբանեալ :

Կոչեցեալ 'ի ծնողութիւն Որդւոյն Աստուծոյ :

= Տապանակ ապրեցուցիչ եւ տաղաւար
արբազամեան աստուած ընկալ , այսօր Մա-
րիամ՝ լուսապայծառ միածին ծնունդ
յայանեալ ծնողաց՝ 'ի ծնողութիւն քո կու-
չեցեալ Միածին Որդի Աստուծոյ , անդա-
դար երգով սոքօք զքեզ միշտ մեծացու-
ցանեմք :

Կուսական ծնունդ : = Որ 'ի հրեղէն աթոռ
ընդ Հօր ես բնակեալ եւ 'ի հրեշտակաց
սպասաւորեալ , այսօր կամաւ Հօր 'ի յեր-
կրի երեւեցար մարմնով կուսական ծնըն-
դեամբ , զքեզ ընդ զօրս անմարմնոցն ան-
գադար օրհնաբանեմք :

Կուսական որովայն : = Այսօր Բանն 'ի Հօրէ
անմեկնելի եւ անճառելի խորհրդով 'ի
ձեռն կուսական որովայնի տնօրինաբար
յերկրի երեւեալ : — Մանուկ անժամա-
նակ 'ի Հօրէ՝ անսերմն 'ի կուսէ 'ի գերկս
մօր զգուեցաւ այսօր արարիչն երկնի եւ
երկրի : — Որ մաքրեաց զՅորդանան եւ
լուաց զմեզս աշխարհի , զոր օրհնեն ան-

դադար արարածք ամենայն ղէակիցն Հօր
եւ Հոգւոյն :

Կուսին նախնոյ մօրն Եւայի յորմէ Ադամն
հին պարտի, բարձան անէծքն տրտմական՝
քո սուրբ ծննդեամբ կոյս Մարիամ, ա-
ղաչեա զքո Միածինն թողուլ զմեղս որ-
դուց նոցին, յոր օրհնեցայք ազգ երկրա-
ծինք՝ տուք օրհնութիւն պտղոյ կուսին :

Կուսութեանց մայր : = Այսօր զազատիչն
յանցանաց նախամօրն զկուսութեանց
մայրն փոխադրեաց Բանն Աստուած, յեր-
կնայինսն դասելով յաստուածակերտ խո-
րանսն եւ յանպատում 'ի կեանս, վասն
որոյ հրճուողական ձայնիւ քեզ երգէ Ե-
կեղեցի սուրբ զնոր գօրհնաբանութիւն :

= Որ անապական մարմնով ծնար 'ի սուրբ
կուսէն եւ 'ի խանձարուրս պատեցար ար-
կողզ զլոյս եւ 'ի մսուր հանդեար, այսօր
զկուսութեանց զմայրն հանգուցեր 'ի լու-
սեղէն խորանս, աղաչանօք մօր քո ողոր-
մեա մեզ Որդի Աստուծոյ :

Կուսութեանց պարծանք : = Ուրախացիր
Աստուածածին որ կուսութեանց ես պար-
ծանք եւ մայր հաստատութեան մարդկան,
օգնական եւ շնորհ աշխարհի, Մարիամ
մայր եւ աղախին փրկչին մերոյ :

Կուսութիւն անարատ եւ անխախտելի : =

Անկէզ մորենի եւ տաճար ընդհանուր լու-
սոյն, անարատ եւ անխախտելի կուսու-
թիւն, մայր եւ աղախին մեծացուցանեմք :

**Կուսութիւն յետ ծննդեան մնալով անապա-
կան :** Տես Երիս խորհուրդս :

Կրել : = Զանշէջ հուր աստուածութեանն 'ի
քեզ տարեալ կրեցեր, որով բնութեանս
կեղեալ շիջաւ կրից բոց : Տես Անապական
տաճար :

= Որ զանհասանելի զՏէրն յորովայնի
քում կրեցեր : Տես Ամենագովելի :

= Կրեցեր անսերմնապէս յանապակա-
նումն 'ի յարգանդի քում որպէս աղա-
խին զՏէր : Տես Աստուածածինն զքեզ խոս-
տովանեալ :

= Զանճառելի զլոյս աստուածութեանն
տնօրինաբար կրեցեր 'ի քում յորովայնի
Մարիամ մայր եւ կոյս, օրհնութեամբ
զքեզ մեծացուցանեմք :

= Ի մասնաւոր լուսոյն զարհուրեցան
դասք առաքելոցն, այլ 'ի քեզ բովանդակ
կրեցեր զհուր աստուածութեանն Մա-
րիամ մայր եւ կոյս, օրհնութեամբ զքեզ
մեծացուցանեմք :

= Որ զԲանն Աստուած անսերմն յլու-

թեամբ յարգանդի կրեցեր : Տես Աստուածածինն եւ Սրբուհի :

== Որ զմարմնացեալն տիրաբար 'ի յուրովայնի քում կրեցեր, ուրախ լեր անհարսնացեալ մայր :

== Որ զանտանելին յէից 'ի յարգանդի անապականաբար կրեցեր, ուրախ լեր անհարսնացեալ մայր :

== Որ զարարչակիցն Հօր զիսկզբանէ Բանն Աստուած յորովայնի քում կրեցեր, օրհնեալ ես յաւիտեան :

Հ

Համբարձեալ : == Այսօր տեսեալ զսուրբ կոյսն թուօցեալ յօգս, եւ ամպեղէն կառօքն 'ի վեր համբարձեալ յերկինս, մտանելով յերկնային խորանան ընդ իմաստուն կուսանսն, եւ նոցա միաձայնեալ ասէին՝ օրհնեալ ես ամենօրհնեալդ 'ի կանայս :

Համեղաճաշակ պտղոյն բանաւոր բարունակ, յորմէ կթեցաւ մեզ ողկոյզն անսպառ՝ յուրախութիւն տրամեցելոցն 'ի ճաշակմանէ ծառոյն գիտութեան, Սրբուհի անարատ՝ ամենեքեան զքեզ մեծացուցանեմք :

Հանգիստ աշխատելոց : Տես Աղբիւր եւ ծառուեաց :

Հանգիսարան մարգարէից : Տես Գրաւական կենաց :

Հարսն : == Ի Լիբանանէ դիմեալ հարսն զգեցեալ այսօր, զարեգակն արկեալ զքեւ եւ ընդ ոտիւք զլուսինն ստուերատեսակ : Տես Ի բարձրութիւնս :

Հարսն անհորձ : Տես Երկնային դուռն :

Հարսն երկնային : == Ուրախ լեր հարսն երկնային կոյս անապական, քանզի երկնայնոցն զքեզ այսօր ընկալեալ՝ տօնէին ուրախութեամբ, ընդ որս եւ մեք երգեսցուք քեզ օրհնութիւն մայր Տեսուն :

Հարսն երկնաւոր : == Հարսն երկնաւոր, մայր եւ յեա ծննդեան մնալով կոյս : Տես Ի լեռնէ :

Հարսն երկնից : == Մաքուր աղաւնի եւ հարսն երկնից Մարիամ, տաճար եւ աթոռ Աստուծոյ Բանին, քեզ երանեն ամենայն ազինք :

== Յերկրէ երկնից հարսն ընծայեալ : Տես Աստուածածինն ամհարսնացեալ :

== Յնծա եւ զուարճացիր հարսն 'ի յերկրէ երկնից, քանզի այսօր երկնայնոցն իջեալ տային քեզ զաւետիս յարութեան

Միածնի Որդւոյ քո, զքեզ բարեբանեալ մեծացուցանեմք: Տես եւ Սալաւիմիմք 'ի քո բարեխօսութիւնդ:

Հարսն ընծայեալ յերկրէ յերկիրն՝ յոր համբառնամք առ քեզ զհոգիս, յոր լսելոյ քո զաւետիս՝ խնդրեա լինել մեզ լսելիս ըզձայն աւետեաց քո Միածնին՝ եթէ եկայք օրհնեալք Հօր իմ, յոր օրհնեցայք ազգերկրածինք՝ տուք օրհնութիւն պտղոյ կուսին:

Հեղեր զցօղն կենաց յերկիր բանաւոր: Տես Աստուածածին ամպ լուսաւոր:

Հիմն Եկեղեցւոյ: Տես Յօղ քաղցրածաւալ:

Հիմն եղեր Եկեղեցւոյ, խորան եղեր Հոգւոյն սրբոյ, 'ի հրեշտակաց սպասաւորեալ՝ Գաբրիէլ քեզ աւետեաց, ազգ եւ ազինք զքեզ մեծացուցանեմք:

Հոգին սուրբ եկեացէ 'ի քեզ եւ զօրութիւն բարձրելոյն հովանի լիցի 'ի վերայ քո:

Հոգւոյն զքեւ հովանացեալ միայն Սրբուհի, ծնար զԲանն Աստուած զանճառելոյ Հօր ծնունդ, եւ յայտնեցաւ միութիւն Երրորդութեանն:

Հոգւոյն սրբոյ տուն եւ տաճար: Տես Մարգարիտ:

Հոգւով պայծառ: = Ծնորհագարդ փառօք

փայլեալ՝ որպէս զմայր քո միշտ գովեալ, 'ի մարդկանէ ով քատակեալ հոգւով պայծառ արփւոյ նմանեալ, որպէս փայլակն բորբօքեալ՝ յերկնաւորաց վերաբերեալ:

Հողանիւթեայ տաճար: = Որ 'ի կառս քերովբէից բազմեալ լոյս քան զարեւ յառաջ, 'ի հողանիւթեայ հաճեցար այսօր տաճարի բազմիլ փառաց մաքրազարդեալ որովայնի, աղաչանօք սորա ողորմեա մեզ Աստուած:

Հովանացեալ սուրբ Հոգւոյն 'ի վերայ քո սուրբ կոյս Մարիամ, որ ծնար մարմնով զԲանն Աստուած:

= Հոգւոյն սրբոյ հովանացեալ զքեւ Աստուածածին, մարմնացեալ Հօր հաճութեամբ զՈրդին Միածին մեզ 'ի փրկութիւն:

= Որ 'ի ստուեր ճշմարտութեան խօսեալ յօրէնս տեսանողօք, այսօր 'ի գլուխ զբերոց նոցին հովանացեալ սրբոյ կուսին 'ի բնակութեան քում էակցին, աղաչանօք սորա ողորմեա մեզ Աստուած:

Հովանաւորեալ: = Աղաչեմք զքեզ սուրբ կոյս Մարիամ Աստուածածին, բարձրելոյն զօրութեամբն հովանաւորեալ, եւ սուրբ Հոգւոյն եկաւորութեամբն լուսա-

ւորեալ . որ զամենայն գոյութեանց զըստեղծիչն յղացեալ ծնար անճառապէս , մարմնացելոյն առ 'ի քէն բարեխօսեալ կեցուցանել զանձինս մեր :

== Որ 'ի լրումն անճառից 'ի քէն յայտնեալ ծածկեալ խորհրդոյ 'ի քէն մաքրելոյ երջանիկ կուսին Հօր զօրութիւն հովանաւորեալ , զոր առ քեզ ունիմք բարեխօս վասն անճանց մերոց :

Հոտ անմահութեան ծննդոցս եւայի : Տես Գերահրաշ ծաղիկ :

Հուրն կենդանի որ 'ի մորենին վառեցաւ՝ զոր անվասս յարգանդի քում կրեցեր եւ ծնար Աստուած եւ մարդ , զքեզ օրհնեմք միշտ որ արժանիդ ես՝ մեծացուցանեմք :

Հրաշագեղ ծնեալ 'ի յԱննայէ : == Գրախտ աստուածային եւ արեւելք իմանալի , այսօր Մարիամ հրաշագեղ ծնեալ 'ի յԱննայէ՝ 'ի մայրութիւն քօ հրաւիրեալ Քրիստոս Որդի Աստուծոյ , անդադար երգով սոքօք զքեզ միշտ մեծացուցանեմք :

Հրաշալի եւ Հրաշագործ : == Ծագումն հրաշալի որ անյայտ էր 'ի մէնջ եւ Բանն Հայրական անըմբռնելի , հուր փայլակնացեալ եւ 'ի մարմնի բնակեցաւ՝ անվասս պահելով զարարածս ամենայն : — Ծագումն

հրաշագործ որ 'ի կուսէն ծագեցաւ , ճառագայթելով զարարածս ամենայն , երկինք ցնծային եւ երկիրս ուրախանայր եւ Քրիստոս Աստուած ընդ մարդկան շքրջեցաւ : Տես եւ Աղբիւր ես ծարաւեաց :

Հրաշափառագոյն կոյս : == Մարգարտատեսիլ եւ ծիրանագգեաց հրաշափառագոյն կոյս , զոր առեալ Որդւոյ վերափոխեալ դասեաց յանպատում 'ի կեանս , վասն որոյ գովելով ասեմք՝ օրհնեալ ես Որդիդ Միածին Աստուած :

Հրաւիրեալ : Տես հրաշագեղ :

Զ

Չայնիւ առ քեզ Տէր պաղատիմք եւ առջի քօ անկանիմք , աղաչանօք Աստուածածնին շիջո՛ 'ի մէնջ զբոց հնոցին , տուր արտասուօք զմեզս ջնջել եւ վերստին զմեզ նորոգել , յոր օրհնեցայք ազգ երկրածինք՝ տուք օրհնութիւն պաղոյ կուսին :

Չոյլ ոսկի : Տես Աշտամակ :

Ճ

Ճանապարհ արքայութեան: = Զքեզ զուսն երկնից եւ ճանապարհ արքայութեան, բարձօղ անիծից եւ սրովբէ հողեղէն՝ մեծացուցանեմք:

Ճեմարան Բանին Աստուծոյ: Տես Աշտանակ: Ճշմարիտ արեւելք արեգականն արդարութեան: = Դու ճշմարիտ արեւելք արեգականն արդարութեան, յորմէ ծագեաց փրկութիւն աիեղերաց, միաբանական ձայնիւ երգով մեծացուցանեմք:

Մ

Մայր: = Զանճառելի լուսոյ մայր, եւ զբնակարան անսկզբնակից Որդւոյն՝ օրհնութեամբ մեծացուցանեմք: Զանհաս անօրէնութեան մայր, եւ զանճնաւոր տաճար Աստուծոյ Բանին օրհնութեամբ մեծացուցանեմք: Զբողորից փրկութեան մայր,

որ զանտանելին յէից 'ի յարգանդի եւ բարձ՝ զնա ամենեքեան օրհնութեամբ մեծացուցանեմք:

= Զքեզ ոչ միայն որդիք մարդկան, այլ եւ վերին զօրութիւնք, դասք անմարմնոց հոգեղինաց հրեղինաց զուարթնոց եւ հրեշտակաց զոհաբանեն եւ վերօրհնեն եւ փառաւորեն զմայր եւ զաղախին փրկչին մերոյ:

= Ուրախ լեր Աստուածածին՝ յոյս եւ փրկութեան մայր, զքեզ ընդունող լուսոյ՝ մեծացուցանեմք: — Զքեզ լուսոյ մայր եւ կոյս, զքեզ զանճդ կենաց աստուածային ձայնիւ ցնծութեամբ մեծացուցանեմք: —

Մայր սուրբ անարատ լուսոյն, հրեշտակային օրհնութեամբ պատուեալ զքեզ մեծացուցանեմք:

= Որ զթագաւորն ամենեցուն յորովայնի քում կրեցեր՝ Սրբուհի մայր եւ կոյս եւ աղախին Քրիստոսի, բարեխօսեա առ Տէր վասն մերոյ փրկութեան:

= Որ 'ի լուսն անճառ ծննդեանն ըստ նսայեայ քո 'ի կուսէն, այսօր հրաշիւք Հօր Միածին յամուլ մօրէ զմայրն քո պարգեւեցեր, զքեզ բարեբանեմք Աստուած հարցն մերոյ:

Տես եւ Մարիամ. — Կոյս:

Մայր ամենօրհնեալ: == ՁՏէր ընդ Որդւոյն Միածնի զմայրն ամենօրհնեալ Մարիամ՝ գովելով բարձր արարէք զնա յաւիտեան:

Մայր անարատ:

Մայր անարատ անհայր ծննդեան: == Յառաջ քան զարուսեակ անմայր ծնունդ Հօր 'ի յերկինս, այսօր ընտրեցեր իմաստութեամբ մայր անարատ աննայր ծննդեան քո 'ի յերկրի, ազօթիւք սորա ողորմեա մեզ Աստուած:

Մայր անարատ Էմմանուէլի: == Ձքեզ ունիմք բարեխօս կոյս անհարսնացեալ, մայր անարատ Էմմանուէլի, տաճար Բանին Հօրն երկնաւորի. օրհնութեամբ զքեզ մեծացունցանեմք:

Մայր անհաս տնօրէնութեան:

Մայր անհարսնացեալ: == Որ զմարմնացեալն տիրաբար 'ի յորովայնի քում կրեցեր, ուրախ լեր անհարսնացեալ մայր:

== Ուրախ լեր կոյս անարատ՝ մայր անհարսնացեալ, քանզի որ 'ի քէն ծնաւ Որդին Միածին, վայր իջեալ յերկնից այսօր, վերածեաց զքեզ սքանչելի փառօք:

Մայր անճառ լուսոյ: == Ուրախ լեր մայր անճառ լուսոյ Մարիամ սուրբ Աստուածածին, քանզի 'ի քեզ կրեցեր զհօր աս-

տուածութեանն՝ լուսեղէն տաճար Աստուծոյ Բանին, առ նա միշտ բարեխօսեա վասն անճանց մերոց:

== Ուրախ լեր մայր անճառ լուսոյ սուրբ Աստուածածին, քանզի առ 'ի քէն ծագեաց մեզ լոյս 'ի լուսոյ եւ զխաւարն անգիտութեան փարատեաց անստուեր լուսոյն իւրով:

Մայր անճառելի լուսոյ:

Մայր անտանելոյն: == Արեամբ գառինն անարատի փրկեալ ժողովուրդք, յաուր ծննդեան մօր անտանելոյն գովեցէք զՄիածինն որ հաճեցաւ առնուլ մարմին անսերմն 'ի նմանէ, յոր օրհնեցայք յանիծից նախնոյն:

Մայր Աստուածորդւոյ: == Տօնելով զյիշատակ կուսի Աստուածորդւոյ մօր՝ հրճուին հրեշտակք 'ի յերկինս եւ ցնծան դասք առաքելոց եւ մարգարէից ընդ կուսական տօնս, ողորմեա մեզ Աստուած:

Մայր Աստուծոյ: == Որ յիմանալի խորանոց բարձրացոյց զքեզ մայր Աստուծոյ անճառելի փառօք միածին Որդին, առ նա միշտ բարեխօսեա վասն անճանց մերոց:

Մայր Բանին: == Այսօր գունդք առաքելոցն եւ պարք նախատեսացն յաուր

ծննդեան մօր Բանին երգեն զփառս 'ի բարձունս :

Մայր Բանին Աստուծոյ : = Այսօր զուարճացան հրեշտակք 'ի յերկինս՝ ընդունելով յերկրէ զմայր Բանին Աստուծոյ յիմանալի խորանս անմահից :

Մայր Բանին ծնօղ : = Յառատարուղիս շնորհաց Հոգւոյն լուսազարդեալ ազգք հեթանոսաց, յաւուր ծննդեան մօր Բանին ծնօղի՝ զփառակից Որդւոյ զՀոգին բարեբանեցէք Հոգեւոր երգով, որ մաքրազարդեաց զմարմնարան Որդւոյն :

Մայր Բանին տնտեսութեան : = Ուրախացան զօրք երկնից 'ի վերուստ, քանզի ցօղն անապական 'ի քէն հեղեալ միշտ կոյս եւ մայր Բանին տնտեսութեան լուսածին ամպ՝ ծագելով 'ի մեզ զարդարութեան արեգակն :

Մայր եւ աղախին փրկչին :

Մայր եւ բնակարան աստուածութեանն :

Մայր եւ կոյս :

Մայր եւ կոյս՝ աղախին Քրիստոսի, որ բարեխօսք ես միշտ աշխարհի, քեզ երանեն ամենայն ազինք :

Մայր եւ կոյս եւ աղախին Քրիստոսի :

Մայր եւ յետ ծննդեան մնալով կոյս :

Մայր Էմմանուէլի : = Չքեզ մայր Էմմանուէլի, մարգարէին յառաջ գուշակեալ, ազգ մարդկան կենդանեաց մեծացուցանեմք :

Մայր լուսոյ : = Այսօր աստեղք եւ լուսին ընդ արեւու հրճուելով՝ գովեն զլոյսն 'ի Հօրէ յաւուր ծննդեան լուսոյ մօրն :
= Աստուածածին մայր լուսոյ, արեգականն արդարութեան արեւեքք : Տես Աստուածածին :

= Մայր լուսոյ Մարիամ սուրբ կոյս, որ զլոյսն առ 'ի Հօրէ ծնար մարմնով, եւ եղեր արեւեքք արեգականն արդարութեան, Հոգեւոր երգով զքեզ Սրբուհի մեծացուցանեմք :

Մայր լուսոյ եւ առազաստ Աստուծոյ Բանին :
= Չքեզ ամենօրհնեալ Աստուածածին, մայրդ լուսոյ եւ առազաստ Աստուծոյ Բանին՝ մեծացուցանեմք :

Մայր լուսոյն՝ Մարիամ անհարսնացեալ՝ օրհնեալդ 'ի կանայս :

Մայր խաչեցելոյն՝ զի՞ լաս յուսահատեալ, քանզի Քրիստոս փառօք մեծաւ յարեալ :

Մայր կենաց : = Որ 'ի դատուց մարգարէից եւ յերջանիկ առաքելոցն օրհնաբանեալ Տիրուհին, զլուծիչ երկանցն Եւայի,

զմայրն կենաց ծնեալն այսօր 'ի յԱննայէ, բարձր արարէք զծնեալն այսօր զմայր մաքուր Բանին զմիշտ կոյսն:

Մայր կենդանութեան: == Խորհուրդ կենաց եւ մայր կենդանութեան եւ առագաստ հրափայլ ծաղմամբ, մայր եւ աղախին մեծացուցանեմք:

Մայր կուսութեամբ: == Տեսին դասք իմանալի զօրութեանց զԱստուած մարմնով առ 'ի քէն ծնեալ, իսկ եկեղեցի Որդւոյ քո Աստուածածին զքեզ խոստովանի, սր միայն կուսութեամբ ես մայր:

Մայր կուսութեան: == Զքեզ մայր կուսութեան եւ յղութեան լուսոյ, եւ առագաստ անճառելոյ բնակողին 'ի քեզ փեսայացեալ Բանին, անդադար երգով մեծացուցանեմք:

Մայր կուսութեանց: == Որ յամենայնի ես լցուցիչ բարեխնամ սուրբ Հօգի, այսօր պարգեւօք հանգուցեր յանպատում 'ի կեանս զկուսութեանց զմայրն, զոր միշտ ունիմք բարեխօս առ քեզ Տէր Աստուած հարցն մերոց:

== Այսօր զազատիչն յանցանաց նախամօրն զկուսութեանց մայրն փոխադրեաց Բանն Աստուած, յերկնայինն դասելով

յաստուածակերտ խորաննն եւ յանպատում 'ի կեանս, վասն որոյ հրճուողական ձայնիւ քեզ երգէ եկեղեցի սուրբ զնոր զօրհնաբանութիւն:

== Որ անապական մարմնով ծնար 'ի սուրբ կուսէն եւ 'ի խանձարուրս պատեցար արկողք զլոյս եւ 'ի մուր հանգեար, այսօր զկուսութեանց զմայրն հանգուցեր 'ի լուսեղէն խորանս, աղաչանօք մօր քո ողորմեա մեզ Որդի Աստուծոյ:

Մայր հաստատութեան մարդկան: == Ուրախացիր Աստուածածին որ կուսութեանց ես պարծանք եւ մայր հաստատութեան մարդկան, օգնական եւ շնորհ աշխարհի Մարիամ մայր եւ աղախին փրկչին մերոյ:

Մայր մաքուր Բանին: == ԶՏէր օրհնեցէք, բարձր արարէք զծնեալն այսօր զմայր մաքուր Բանին զմիշտ կոյսն:

Մայր Միածնին: == Անսկիզբն Աստուած անճառելի անբաւ զօրութիւն՝ որ յիսկըբանց յաւիտենից խնամարկեցեր զորդիս Ադամայ, գերագոյն այսօր շնորհիւ փայլեալ ցուցեր ծննդեամբ զմայր Միածնիդ քո ընտրելոյ, աղաչանօք սոցա խնայեա 'ի մեզ:

Մայր սուրբ անարատ լուսոյն, հրեշտակային

օրհնութեամբ պատուեալ զքեզ մեծացուցանեմք :

Մայր սուրբ սքանչելի լուսոյն, որ զԱստուածն ամենայն յաւիտեանց յորովայնի քում կրեցեր, եւ ցնծութիւն աշխարհի ծնար զԲանն Աստուած, աղաչեմք : **Մայր սուրբ բարեխօսեա :**

Մայր ստեղծողին : = Ստեղծողին մայր եւ հնութեան կերպի նորոգողին՝ քեզ երանիցեն ազգ եւ ազինք ամենայն :

Մայր սրբութեան՝ բարձրագոյն սերովբէից, զանտեսն ինքեանց 'ի քեզ կրելով ծագեցեր լոյս աշխարհի, բարեխօսեա առ Տէր վասն մերոյ փրկութեան :

Մայր վերածողին : = Ուրախացիր Աստուածածին վերօրհնեալդ 'ի սրովբէից, ծագելով 'ի քէն մեզ լոյս՝ մայր եղեր վերածողին, ազգ եւ ազինք զքեզ մեծացուցանեմք :

Մայր Տեառն : = Ուրախ ըր հարսն երկնային՝ կոյս անապական, քանզի երկնայնոցն զքեզ այսօր ընկալեալ տօնէին ուրախութեամբ, ընդ որս եւ մեք երգեսցուք քեզ օրհնութիւն մայր Տեառն :

Մայր անօրէնութեան : Տես Մայր :

Մայր փրկութեան : = Ուրախ ըր Աստուա-

ծածին յոյս եւ փրկութեան մայր, զքեզ ընդունող լուսոյ մեծացուցանեմք :

Մայր փրկչին : = Չքեզ կոյս եւ մայր եւ բնակարան աստուածային ներմարդութեան՝ գոհաբանեմք եւ վերօրհնեմք զեղեալ փրկիչ կենդանութեան ազգի մարդկան, վասն որոյ զքեզ Աստուածածին եւ կոյս բարբառնեմք զմայր եւ զաղախին փրկչին մերոյ :

Մայր Քրիստոսի : = Անարատ կոյս Աստուածածին Մարիամ, սրբուհի եւ մայր Քրիստոսի, յարգանքի տարար զանտանելին ամենեցուն, օրհնութեամբ զքեզ Աստուածածին մեծացուցանեմք :

Մայր Քրիստոսի եւ բնակարան Բանին Աստուծոյ, անհասութեան խորհրդոյն սպասաւորեցեր, միջնորդ եղեր Աստուծոյ եւ մարդկան, առ նա միշտ բարեխօսեա վասն անձանց մերոց :

Մարգարէից հանդիսարան եւ զրուական կենաց մարդկան Մարիամ Աստուածամայր, ընդունարան եօթնարիին շնորհացն, խարիսխ յուսոյ հաստատութեան՝ զուզաթիւ աւուրց դարուց անցաւորաց, օրհնութեամբ երգով եկեղեցիք տիեզերաց այսօր տօնեն զյիշատակ ծննդեան քո 'ի մօրէ :

Մարգարիտ լուսափայլ՝ Հոգւոյն սրբոյ տունն եւ տաճար, մարգարէից բանք նախաճառ այսօր լցան 'ի քեզ գումար, Մովսէս դաւ սուքն իւրովք իսպառ 'ի պատիւ քո անդ սլանայր :

Մարգարտատեսիլ եւ ծիրանազգեաց հրաշափառագոյն կոյս :

Մարգարտափայլ սուրբ կոյս : == Իսկ եկեալ բազմութիւն աշակերտաց նորոյ կտակին, 'ի փոխումն Աստուածածնին մարգարտափայլ սրբոյ կուսին . բարեխօսեա Միածնին Աստուածածին մայր Բանին :

Մարիամ անհարսնացեալ : == Որ դաւեախի Հոգւոյն 'ի հրեղէն 'ի հրեշտակէն ընկալար, ուրախ լեր բերկրեալդ Տէր ընդ քեզ՝ Մարիամ անհարսնացեալ :

Մարիամ Աստուածամայր : == Տես Մարգարէից հանդիսարամ :

Մարիամ լուսապայծառ : == Տես Տապանակ ապրեցուցիլ :

Մարիամ կոյս անարատ, զանապական փեսայդ աղաչեա՝ զի հաշտեսցի ընդ այրի եղեալ Հոգիս, եւ միաւորեսցի դարձեալ սիրով ընդ հեռացեալս 'ի նմանէ :

Մարիամ սուրբ կոյս : == Անարատ տաճար բնակարան անբաւ Բանին Աստուծոյ Մաւ-

րիամ սուրբ կոյս, զքեզ եւ զծնեալն 'ի քէն մեծացուցանեմք :

Մարիամ : == Մայր լուսոյն՝ Մարիամ անհարսնացեալ՝ օրհնեալդ 'ի կանայս :

== Որ եկիր 'ի փրկութիւն մարդկան ծննդեամբ կուսին Մարիամու եւ կենդանարար քո յարութեամբդ հրաւիրեցեր զմահացեալքս 'ի յարութիւն անմահութեան, վասն որոյ աղաչանօք մօր քո կեցո զմեզ փրկիչ :

== Որ 'ի վեր քան զքերովքէսն երեւեցար Աստուածածին Մարիամ, տանելով յորովայնի զանիմանալի զբնութիւնն, բարեխօսեա առ Տէր վասն մերոյ փրկութեան :

== Որ ցօղեցեր 'ի մեզ յամպոյ օրինաց Որդիդ այսօր զկոյսն Մարիամ, յորմէ ծընար մարմնով եւ բարձեր նովաւ զմեզս նախաստեղծին Ադամայ, մաղթանօք սորա Տէր մեզ ողորմեա :

== Վասն որոյ աղաչեա մայր Աստուծոյ Մարիամ զմիածին քո զՈրդին՝ զի շնորհեսցէ ըստ աւագակին ժառանգել վերստին մեզ զգրախտին վայելչութիւն :

Մարմին մաքուր : == Բաբունեացն խմբից աշակերտացն դասուց բարձեալ զմարմինն

մարուր աստուածարեալ սուրբ բազկօք՝ եղին 'ի դիր հանգստեան քաղցրաձայնեալ սաղմոսիւք :

Մարմնանալ : = Անեղանելի արարող որ վասն մեր մարմնացար, եւ ցնծութիւն աշխարհի յայտնեցար, գքեզ բարեբանեմք արարչակից Հօր :

= Լոյսդ որ 'ի Հօրէ առաքեցար յորժամ իջեր 'ի յերկնից, եւ մարմնացար 'ի սրբբոյ կուսէն, դու ես գառն Աստուծոյ եւ Որդի Հօր :

= Անսկիզբն Աստուած Բանդ որ 'ի Հօրէ առաքեցար՝ ընդ ժամանակաւ լինել հաճեցար եւ մարմնացար 'ի սուրբ կուսէն վասն մերոյ փրկութեան, այսօր մկրտիլ 'ի Յորդանան 'ի Յովհաննէ բառնալով զյանցանս առաջին նախաստեղծ մարդոյն : — Անեղանելիդ Աստուած Բանդ անմեկնելիդ 'ի Հօրէ ընդ ժամանակաւ լինել հաճեցար եւ մարմնացար 'ի սուրբ կուսէն՝ Աստուած եւ մարդ յայտնեալ, այսօր մկրտիլ :

= Զթագաւորն փառաց Քրիստոս որ վասն մեր մարմնացաւ 'ի սրբոյ կուսէն՝ խաչի համբերելով, միաբանութեամբ երգով բարեբանեսցուք :

= Զփառաւորեալն յամենայն արարածոց, եւ 'ի ծագաց մինչ 'ի ծագս երկրի զերկրրադագեալն, զմարմնացեալ Բանն 'ի կուսէն ձայնիւ երգով օրհնեսցուք :

= Ի սկզբանէ Բանն Աստուած մարմնացաւ 'ի կուսէն, այսօր գգուեցաւ 'ի տաճարին :

= Լոյս 'ի լուսոյ 'ի Հօրէ առաքեցար եւ մարմնացար 'ի սուրբ կուսէն, զի վերջստին նորոգեսցես զապականեալն Ագամ :

= Խոնարհեցար 'ի բարձանց եւ մարմնացար 'ի կուսէն՝ որ նստէիրդ 'ի քրովբէս արարիչդ արարածոց :

= Եւ մեք երգեսցուք որ 'ի կուսէն մարմնացար, արդարութեան արեգակն Տէր փառք քեզ :

= Որ առաքեցեր զՄիածինդ 'ի փրկութիւն տիեզերաց՝ անեղ էութեամբ եղանիլ մարմին 'ի սուրբ կուսէն Հայր երկնաւոր, զոր առ քեզ ունիմք բարեխօս վասն անձանց մերոց :

= Որ զնախազրեալսն առ 'ի քէն մարգարէիւք եկիր կատարել, անմայր 'ի Հօրէ անսկզբնաբար՝ լինել անհայր 'ի սրբբոյ կուսէն, զոր առ քեզ ունիմք բարեխօս վասն անձանց մերոց :

== Որ միացար 'ի մարմնի անճառապէս ճշմարիտդ Աստուած, զքեզ բարեբանեմք ասելով փառք 'ի բարձունս Աստուծոյ :

== Մարմնացեալը 'ի կուսէն նախայաւ լիտեան Բանդ՝ այսօր 'ի տաճարն եկիր կատարել զօրէնս վասն փրկութեան հեթանոսաց :

== Մեծացուցանեմք զքեզ որ 'ի Հօրէ Բանդ եւ անճառելի ծնունդ, որ 'ի կուսէն մարմնացար ցուցար մեզ :

== Քեզ միայնոյ մարմնացելոյդ 'ի սուրբ կուսէն օրհնութիւն 'ի բարձունս վերերգեմք ասելով՝ փառք քեզ Քրիստոս որ եկիր կամաւ Հօր կեցուցանել զմեզ :

== Յանճառ փառաց խոնարհեցար 'ի մեր բնութիւնս Բանդ Աստուած եւ մարմնացար 'ի սրբոյ կուսէն : Էւ ծնար 'ի սուրբ կուսէ անապական մարմնով, զքեզ անդադար բարեբանեալ մեծացուցանեմք : Այսօր զեկեալդ 'ի փրկութիւն ազգի մարդկան, միաբանութեամբ ամենեքեան մեծացուցանեմք :

== Որ անիմանալիդ ես յեութեան Հայր անսկիզբն եւ անպատճառ, 'ի փրկութեան մերոյ սկզբան առաքեցեր զՄիածինդ մարմնամալ 'ի սրբոյ կուսէն, օրհնեալ Տէր Աստուած հարցն մերոց :

== Որ բազմաչեայ քրովբէից անտեսանելի, կերպացեալ զվերս 'ի սրբոյ կուսէն տնօրինաբար, օրհնեալ Տէր Աստուած հարցն մերոց :

== Որ այսօր մարմնացաւ 'ի սրբոյ կուսէն յաղագս անիծիցն, եւ երարձ ըզպատուհաս նախաստեղծին, ժողովուրդք առաւել բարձր արարէք զնա յաւիտեան :

== Որ խոնարհեցար յերկնից անմեկնելիդ 'ի Հօրէ Որդի Աստուծոյ եւ աւեր մարմն 'ի սրբոյ կուսէն, հայցմամբ ծագողին լուսոյդ եւ մեզ ողորմեա :

== Որ խոնարհեցար յերկնից Բանդ Աստուած եւ աւեր մարմն 'ի սրբոյ կուսէն, յիշեա զննջեցեալսն մեր յորժամ գայցես անճառ փառօք, զի դու ես Տէր ամենայն երկրի :

== Որ կերպարան Հօր եւ արարչակից Բանդ, վասն փրկութեան ազգի մարդկան այսօր 'ի կուսէ զկերպարանս ճառապի զգեցար մարդասիրապէս քո ամենակեցոյց գալստեամբդ ողորմեա մեզ Աստուած :

== Որ խոնարհեցար յերկնից փրկել զարարածս անյեղապէս մարմնացար 'ի կուսէն էակից Բանդ Հօր, զքեզ ընդ հրեշտակս բարեբանեմք Աստուած հարցն մերոց :

== Զառաքեալն 'ի Հօրէ զԲանն եւ զմարմնացեալն 'ի կուսէն զանքննելին, միաբանութեամբ օրհնեցէք, եւ առաւել բարձր արարէք զնա յաւիտեան :

== Որ յէութեանդ ես ընդ Հօր եւ սուրբ Հոգւոյն անսկիզբն Որդի՝ խոնարհեցար 'ի հայրական ծոցոյ, մարդ եղեալ մարմնացար 'ի կուսէն բառնալով զյաղթումն մահու յանցանաց նախահօրն, քեզ երգեմք ընդ զօրս հրեշտակացն 'ի մէջ հովուացն, օրհնեալ ես Քրիստոս նախայաւիտեան Բանդ :

== Որ էն փառօք 'ի յերկինս անսկզբնակից Որդին, եւ իջեալ 'ի յերկնից մարմնացաւ 'ի կուսէն, օրհնեցէք զովեցէք եւ բարձր արարէք զնա յաւիտեան :

== Գովեմք զքեզ միածին Որդի եւ Բանդ Աստուած որ 'ի կուսէն մարմնացար, խընայեա 'ի քո արարածս :

== Օրհնեմք զքեզ որ առաքեցար 'ի Հօրէ անճառելի Բանդ Աստուած, յանձն առեր մարմնանալ 'ի սրբոյ կուսէն, Աստուած հարցն մերոց :

== Որ առաքեցեր զերիվարս քո սուրբ զմարգարէսն՝ աւետարանել զկենսաբեր սնօրէնութիւնդ քո 'ի սրբոյ կուսէն, եւ երեւեցար մարդ ճշմարտապէս :

== Որ եկիր 'ի կատարումն կանխասաց մարգարէիցն, յանձն առեր մարմնանալ 'ի սրբոյ կուսէն մարդ ճշմարտապէս, վասն զի լոյս են հրամանք քո 'ի վերայ երկրի :

== Որ իջեր 'ի յերկնից եւ մարմնացար 'ի սուրբ կուսէն անճառելի քոյին ծնընդեամբդ, եւ զիս մի՛ անտես առներ, այլ պահեա պատուական եւ սուրբ խաչիւ քո :

Մարմնարան Բանին Հօր : Տես Առազաստ բնակութեամ :

Մարմնացերոյն առ 'ի քէն բարեխօսեա կեցուցանել զանձինս մեր :

Մաքուր աղաւնի : Տես Յօղ քաղցրածաւալ :

Մաքուր աղաւնի եւ հարսն երկնից Մարիամ, տաճար եւ աթոռ Աստուծոյ Բանին, քեզ երանեն ամենայն ազիւք :

Մաքուր եւ անբիծ կոյս յեա ծննդեան, որ մարմնով ծնար զարձակողն 'ի կապից մահու, բարեխօս լեր վասն անճանց մերոց փրկել 'ի սպառնալեաց գեհէնոյն :

Մաքուր ծնօղ փեսայի : == Ուրախացիր եկեղեցի դուստր վերինն Սիովիւի, քանզի ծնաւ 'ի յԱննայէ մաքուր ծնօղ քոյն փեսայի, բարձր արարէք զնա յաւիտեան :

Միածնի Որդւոյ բնակարան : == Որ զՄիածնի Որդւոյ քո զբնակարան՝ զնախամօրն

երկանց բարձողն այսօր դարձուցեր 'ի փառս առաջին, զքեզ բարեբանեմք Աստուած հարցն մերոց:

Միամայրն Մարիամ: == Ի յամուլ երկրէ այսօր բուսաւ մեզ բարեբեր բոյսն բարի, շուշան հովտաց ծաղիկն դաշտաց միամայրն Մարիամ՝ արմատ տնկոյն անմահութեան, աղաչանօք սոցա խնայեա 'ի մեզ:

Միայնդ 'ի կանայս օրհնեալ: == Զքեզ անհարսնացեալ որ միայնդ 'ի կանայս օրհնեալ, կրելով 'ի քեզ զանտանելի զբնութիւնն, օրհնութեամբ մեծացուցանեմք:

Միայնոյ քեզ 'ի կանայս կոյս յետ ծննդեան երգեմք զօրհնութիւնն, զի լոյս 'ի լուսոյ քեւ յայտնեցաւ աշխարհի եւ զնախամօրն եբարձ զանէծս՝ անճառ ծննդեամբն 'ի քէն:

Միայն օրհնեալդ 'ի կանայս՝ մայր եւ միշտ կոյս եւ իմանայի լոյս, ծնող արարչին մերոյ՝ անդադար բարեբանեսցուք:

Միայն օրհնեալ սրբուհիդ 'ի կանայս, բնակարան եւ առագաստ արարչին, բարեխօսեա առ Տէր վասն անձանց մերոց, զի փրկեսցէ զմեզ 'ի սպառնալեաց զեհնոյն:

Մի՛ դադարեր վասն մեր բարեխօսել՝ օրհնեալդ 'ի կանայս:

Միշտ կոյս: Տես Թարգման աստուածութեան.

— Միայն օրհնեալդ:

Միջնորդ եղեր Աստուծոյ եւ մարդկան: Տես Մայր Քրիստոսի:

Միջնորդ օրինաց եւ շնորհաց: == Ուրախ լեր աթոռ փրկութեան, յոյս հաստատութեան մարդկան, միջնորդ օրինաց եւ շնորհաց, օրհնութեամբ անդադար գոհութեամբ մեծացուցանեմք:

Մորենի անբոցակէզ: == Որ զհուրն Աստուած յորովայնի քում կրեցեր անբոցակէզ մորենի, դառնաճաշակ պողոյն քաղցրացուցիչ, զքեզ ունիմք բարեխօս առ Տէր վասն անձանց մերոց:

Մորենի անկէզ: == Զքեզ մորենի անկէզ, լեառն վիմածին, դուռն փակեալ եւ աղբիւր կնքեալ, նախատեսացն գուշակեալ մայր եւ կոյս, հոգեւոր երգով զքեզ բարեբանեմք եւ փառաւորեմք զմիածին քո զՈրդին:

Մորենի անկիղելի: == Անապական տաճար եւ մորենի անկիղելի՝ որ զանշէջ հուր աստուածութեանն 'ի քեզ տարեալ կրեցեր, որով բնութեանս կիղեալ շիջաւ կրից բոց, վասն որոյ ամենքեան զքեզ միշտ մեծացուցանեմք:

== Զքեզ պայծառ երկինք եւ ամպ լուսեղէն, ծնող արարչին եւ մորենի անկիւզելի մեծացուցանեմք:

Մորենի Մարիամ: == Այսօր բուսաւ յԱննայէ մորենին Մարիամ յոր վառեցաւ հուրն աստուածային՝ զոր ետես Մովսէս զօրինակ կուսին 'ի Սինա՝ լցեալ լուսովն անմատոյց, փառս տացուք տուողին մեզ զօրհնեալն 'ի կանայս:

* **Մորենի վառեալ որ ոչ այրէր:** == Երանելի աստուածասէր սուրբ գշխոյն եկեալ 'ի քաղաքն Երուսաղէմ՝ խնդրէր զփրկական ծագումն մեծի փայլման, եւ քարոզէր նոցա զմորենին վառեալ որ ոչ այրէր, մեծացուցանելով զծնեալն 'ի կուսէն:

Մտեալ 'ի վերինն Երուսաղէմ: Տես Բնակարանն Հոգւոյն սրբոյ:

3

Յարգանդի կրեցեր որ յառաջ քան պաւիտեանս 'ի Հօրէ զԲանն եւ ծնար մարմնով, զքեզ եւ զծնեալն 'ի քէն մեծացուցանեմք:

Յարուցելոյն 'ի մեռելոց բնակարան մայր եւ կոյս, որ զննջեցեալն յԱզամայ կենսագործէ անապական, զքեզ մեծացուցանեմք որ օրհնեալք ես 'ի կանայս:

Յարիւոյն լուսոյ ծագումն 'ի քեզ վառեաց ըզհրագ մարմնոյն լոյս աշխարհի, որով գտեալ զպատկերն իւրական՝ զոր վերստին նորուգեաց յառաջին կերպարանն, վասն որոյ բարեխօսեա նորոգել զմեզ 'ի հնութենէ մեղաց:

Յառուր վրիժուց հատուցման ամպարչտաց վերածիցես զմեզ ընդ հողեղինաց դասն 'ի տեղի անկելոց հրեշտակաց՝ բարեխօսութեամբ Սրբուհւոյ Աստուածածնին:

Յերկրէ երկնից հարսն ընծայեալ: Տես Աստուածածինն անհարսնացեալ:

Յերկրէ յերկինս հարսն ընծայեալ: Տես հարսն ընծայեալ:

Յիմանալի վտակաց տանն Աստուծոյ հոսմանց, վիճակեալք տեսանողացն ձայնի՝ արբամբ զմայլեցար, այսօր զանթառամն ծաղկեցար զծաղիկ՝ 'ի ժամու տալով զպտուղն, առ որ մաղթեմք բարեխօսել վասն մեր անլուելի ձայնիւ:

Յղանալ: == ԶԲանն անսկիզբն յղացար: == Յղացար անարատաբար, եւ զԱստուած

վայելչապէս ծնար, ուրախ լեր Աստուածածին, տաճար անխախտելի, զքեզ մեծացուցանեմք:

Յղութիւն: == Երբ խորհուրդս սոսկալիս 'ի քեզ տեսանի Աստուածածին, յլուծիւն անսերմնական, ծնունդ անարատ, կուսութիւն յետ ծննդեան մնալով անապական, օրհնութեամբ զքեզ Աստուածածին մեծացուցանեմք:

Յոյս: Տես Աստուածածին ապաւեն մեր:

Յոյս եւ ապաւեն խոստովանողացս զքեզ:

Յոյս եւ փրկութեան մայր: == Ուրախ լեր Աստուածածին յոյս եւ փրկութեան մայր, զքեզ ընդունօղ լուսոյ մեծացուցանեմք:

Յոյս Հաստատութեան մարդկան: == Ուրախ լեր աթոռ փրկութեան, յոյս հաստատութեան մարդկան, միջնորդ օրինաց եւ շնորհաց, օրհնութեամբ անդադար գոհութեամբ մեծացուցանեմք:

Յոյս մեր եւ ապաւեն մայր Տեառն եւ կոյս սուրբ, որ հուր աստուածութեանն ոչ բոցակիզեաց զքո սուրբ զօրովայն, բարեխօսեա առ Տէր վասն մերոյ փրկութեան:

Յօդ հանդարտ: Տես Տեղի իջման:

Ն

Նախամօր երկանց բարձող: == Այսօր զնախամօրն երկանց բարձողն կուսական ծննդեամբ զանհարսնացեալ մայրն Միածինն իջեալ փառօք փոխադրեաց յիմանալի եւ յանպատում գերագոյն բնութիւնս, վասն որոյ սրբութեական ձայնիւ քեզ երգեմք սրբութեանց սուրբ զմիշտ փառաբանութիւն:

Նախաստեղծին ծնունդ: == Որ զնախամօրն զյանցանս երկանց եբարձ, եւ զՈրդիդ քո միածին մարմնով ծնաւ, այսօր առ 'ի մէնջ 'ի վերին զօրսն փոխեցեր զնախաստեղծին ծնունդն, զոր միշտ ունիմք բարեխօս առ քեզ Տէր Աստուած Հարցն մերոց:

Նախատեսացն զուշակեալ մայր եւ կոյս: == Զքեզ մորենի անկէզ, լեառն վիմածին, զուռն փակեալ եւ աղբիւր կնքեալ, նախատեսացն զուշակեալ մայր եւ կոյս, հոգեւոր երգով զքեզ բարեբանեմք եւ փառաւորեմք զմիածին քո զՈրդին:

Նահապետացն Աբրահամու Իսահակայ եւ Յակովբայ, պարգեւեցար 'ի յԱստուծոյ կոյս Մարիամ դուստր նոցին, երանեն ազգ եւ ազինք այսօր զծնեալք 'ի յԱննայէ:

Նիւթեղէն սրովբէ: Տես Յօղ քաղցրածաւալ:

Նմանող երկնից: Տես Բանալի:

Ննջումն կուսին: = Կատարեալ տնօրէնութեան քո 'ի յերկրի ներմարդկութեան, զոր 'ի վերջին դարուս վախճան կատարեցեր վասն մարդկան, այսօր յերկնից իջեր Հօր Բան 'ի յօր կուսի մօր քո ննջման:

Նորատունկ բուրաստան: Տես Աշտանակ:

Նոր խառնարան հրաշալի նոր խառնման: Տես Նոր խորան:

Նոր խորան արեգականն արդարութեան: =

Նոր խորանիդ արեգականն արդարութեան նոր օրհնութիւնս տացուք եւ անդադար բարեբանեացուք: Նոր տաճարիդ անճառ լուսոյն որ 'ի Հօրէ՛ նոր երգս երգեսցուք եւ անդադար բարեբանեացուք: Զնոր խառնարանդ հրաշալի նոր խառնումն Բանին եւ մարմնոյ հոգեւոր երգով բարեբանեացուք:

Նոր ծաղիկ բղխէ այսօր յարմատոյն Յեսեայ, եւ որդի Դաւթի ծնանի զՈրդին Աստուծոյ:

Նոր Սիոն ծնեալ մանկունք սուրբ աւագանան, շնորհազարդեալք Հոգւոյն Աստուծոյ, օրհնեցէք զՀայրն երկնաւոր յաւուր ծննդեան Սրբուհւոյ կուսին, յոր օրհնեցայք յանիծից նախնոյն:

Նոր տաճար անճառ լուսոյն: Տես Նոր խորան:

Նոր սքանչելիք եղեն այսօր 'ի Բեթղեհէմ 'ի յայրին՝ կուսի ծնանիլ Աստուած եւ մարդ՝ անապական մնալով կուսական որովայնին, զի տեսին մարմնով ծնեալ զԲանն Աստուած:

Նստեղոցս 'ի խաւարի լոյս ծագեցեր, վասն որոյ ամենեքեան գքեզ միշտ մեծացուցանեմք: Տես Աստուածածին խորան լուսոյ:

Շ

Շառաւիղ անդատապարտ: Տես Անթառամ ծաղիկ:

Շառաւիղ օրհնութեան: Տես Ծաղիկ անթառամ:

Շիջուցանել: = Աստուածածին ամպ լուսաւոր՝ որ զցօղն կենաց հեղեր յերկիր բաւ:

նաւոր, եւ զնախամօրն շիջուցեր պարտեացն զհուր, անդադար ձայնիւ զքեզ բարեբանեմք եւ հոգեւոր երգով մեծացուցանեմք:

Շնորհ աշխարհի: = Ուրախացիր Աստուածածին որ կուսութեանց ես պարծանք եւ մայր հաստատութեան մարդկան, օգնական եւ շնորհ աշխարհի, Մարիամ մայր եւ աղախին փրկչին մերոյ:

Շուշան հովտաց: = Ի յամուլ երկրէ այսօր բուսաւ մեզ բարեբեր բոյսն բարի, շուշան հովտաց ծաղիկն դաշտաց՝ միամայրն Մարիամ արմատ անկոյն անմահութեան, աղաչանօք սոցա խնայեա 'ի մեզ:

Ո

Ողջոյն ընդ քեզ Մարիամ, 'ի քեզ սուրբ Հոգին եկեացէ, եւ զօրութիւն բարձրելոյն 'ի վերայ քո հովանասցի:

Որ անապական ծննդեամբդ քո լուծեր զերկունս նախամօրն, Մարիամ մայր Աստուծոյ, բարեխօսեա առ միածին Որդին լուծանել զկապանս մեզաց մերոց, եւ ա-

ղաչեա փրկել զանձինս մեր 'ի փորձութենէ:

Որ առ 'ի քէն երկրորդ Ադամ վասն առաջնոյն յանցանաց բնութեամբ մերով պահելով՝ զմահաբեր պտղոյն լուծեալ զպատրանս, առ նա միշտ բարեխօսեա կեցուցանել զմեզ:

Որ զանճառելին ծնար սուրբ Աստուածածին կոյս, օրհնեալ ես յաւիտեան:

Որ զանշօշափելին յէից 'ի զիրկս քո բարձեալ գիեցուցեր կաթնասուն, բարեխօսեա վասն մեր, մեք օրհնաբանեմք զօրհնեալդ 'ի կանայս:

Որ զանտանելին յէից 'ի յարգանդի անապականաբար կրեցեր, ուրախ լեր անհարսնացեալ մայր:

Որ զարարչակից Բանն գոյացեալ ստուգապէս աշխարհի ծնար, ուրախ լեր անհարսնացեալ մայր:

Որ զարարչակիցն Հօր զիսկզբանէ Բանն Աստուած յորովայնի բուժ կրեցեր՝ օրհնեալ ես յաւիտեան:

Որ զաւետիս Հոգւոյն 'ի հրեղէն 'ի հրեշտակէն ընկալար, ուրախ լեր բերկրեալդ Տէր ընդ քեզ՝ Մարիամ անհարսնացեալ:

Որ զԲանն անեղական զէակն էից գոյացու-

Թեանց անճառաբար ծնար մարմին եղեալ
'ի փրկութիւն եղականացս, առ նա միշտ
բարեխօսեա վասն անճանց մերոց :

Որ զԲանն Աստուած բաւական եղեր ընդու-
նել յորովայնի միշտ կոյս, զքեզ մեծա-
ցուցանեմք որ օրհնեալդ ես 'ի կանայս :

Որ զԲանն Աստուած յանգանդի կրեցեր սըր-
բուհի անարատ, եւ անճառապէս ծնար
զվերածգողն երկնից, զքեզ օրհնութեամբ
մեծացուցանեմք :

Որ զԹագաւորն ամենեցուն յորովայնի քում
կրեցեր՝ սրբուհի մայր եւ կոյս եւ աղա-
խին Քրիստոսի, բարեխօսեա առ Տէր վասն
մերոյ փրկութեան :

Որ զկեանքն անմահարար մահկանացու բնու-
թեամբս 'ի քեզ կրեցեր սուրբ կոյս Մա-
րիամ, որով մեռեալքս որ յԱդամայ՝ կեն-
դանացաք յուսով յարութեան, առ նա
միշտ բարեխօսեա վասն անճանց մերոց :

Որ զհուրն Աստուած 'ի քեզ կրեցեր մորենի
անկիզբելի, դառնաճաշակ պտղոյն քաղ-
ցրացուցիչ անճառելի քոյին ծննդեամբդ՝
'ի քէն հայցեմք՝ մաղթեա փրկել զմեզ 'ի
հրոյն յաւիտենից :

Որ զհուրն Աստուած յորովայնի քում կրե-
ցեր անբոցակէզ մորենի, դառնաճաշակ

պտղոյն քաղցրացուցիչ, զքեզ ունիմք բա-
րեխօս առ Տէր վասն անճանց մերոց :

Որ զհուրն Աստուած յորովայնի քում կրե-
ցեր անկիզբելի մորենի, բարեխօսեա վասն
մեր, մեք օրհնաբանեմք զօրհնեալդ 'ի
կանայս :

Որ զհրեշտակին զձայնն լուեալ հիացեալ
բերկրեցար, բարեխօսեա վասն մեր, մեք
օրհնաբանեմք զօրհնեալդ 'ի կանայս :

Որ զմարմնացեալն տիրաբար 'ի յորովայնի
քում կրեցեր, ուրախ լէր անհարսնացեալ
մայր :

Որ զնախամօրն անիծից երկանց լուծեր զդա-
տակնիք, որ զտրամական սահմանեաց
ծնունդ անախտաբար ծնանելով 'ի քէն,
առ նա միշտ բարեխօսեա վասն անճանց
մերոց :

Որ զնախամօրն զյանցանս լուծեր ծննդեամբ
քո սուրբ կոյս, բարեխօսեա անդադար
վասն մերոյ փրկութեան :

Որ զպտուղն 'ի քէն կենաց ընծայեցեր մե-
ռեայն Ադամայ, զորոյ պահօք քառաս-
նօրեայ քաւեաց զպտղոյն ճաշակումն եւ
յանվախճան զնոյն վերածեաց 'ի կեանս՝
առ նա միշտ բարեխօսեա վասն անճանց
մերոց :

- Որ էից լուսոյն արժանի եղեր բառնալոյ 'ի գիրկս քո մարմնով, զքեզ մեծացուցանեմք որ օրհնեալդ ես 'ի կանայս :
- Որ էից լուսոյն արժանի եղեր բառնալոյ 'ի քո գիրկս, եւ արեգականն արդարութեան եղեր արեւեքք, զքեզ օրհնութեամբ մեծացուցանեմք :
- Որ ընտրեցար 'ի սկզբանէ անապական կոյս Մարիամ լինել տաճար սրբութեան անձառ լուսոյն որ 'ի Հօրէ, առ նա միշտ բարեխօսեա կեցուցանել զմեզ :
- Որ 'ի բարձրութիւնս երկնից բարձր բանիւք բարեբանիս Սրբուհի, 'ի Լիբանանէ դիմեալ հարսն զգեցեալ այսօր, զարեգակն արկեալ զքեւ եւ ընդ ոտիւք զլուսինն ստուերատեսակ, օրհնութեամբ երգով եկեղեցիք տիեզերաց այսօր տօնեն զյիշատակ ծննդեան քո 'ի մօրէ :
- Որ 'ի կուսական դասակցութեանց եւ 'ի սրբոց ճգնաւորաց փառաբանիս Սրբուհի, ուստի եւ մեք հաւատացեալքս վերապատուեմք զփոխումն քո 'ի յերկինս, որ առաւել բարձրացեալդ ես յաւիտեան :
- Որ 'ի վեր քան զքերովբէսն երեւեցար Աստուածածին Մարիամ, տանելով յորովայնի զանխմանալի զընութիւնն, բարեխօսեա առ Տէր վասն մերոյ փրկութեան :

- Որ 'ի վեցթեւեան սրովբէից եւ 'ի բազմաչեայ քրովբէից փառաբանիս երգով Աստուածածին, ընդ որս եւ մեք համաձայնեալ՝ բարեբանեմք զծագող իմանալի լուսոյն զմիշտ կոյսն :
- Որ ծնանելոցն է 'ի քէն՝ Իսրայելի առաջնորդ, եւ ընդհանուր քարոզի Աստուած հզօր անմահ Բանն :
- Որ կերպարան եւ կնիք Հօր առեալ վասն մեր ծառայի կերպ 'ի կուսէն, որ էն 'ի յաթուփառաց անտես վերնոցն, 'ի յայրին իջեվանի եւ 'ի մուր յանբանից բազմեալ :
- Որ յամենայն ազգաց երանեցար սրբուհի եւ կոյս Մարիամ, աղաչեա զառ 'ի քէն զմարմնացեալն Աստուած՝ սպրեցուցանել զմեզ 'ի սպառնալեաց գեհէնոյն :
- Որ յանմարմնոց զինուորութեանց եւ 'ի դասուց հոգեղինաց վերհամբարձար այսօր Աստուածամայր, ուստի եւ դասք հողեղինացս փառաբանեմք զծագող իմանալի լուսոյն զմիշտ կոյսն :
- Որ յիմանալի խորանոց բարձրացոյց զքեզ մայր Աստուծոյ անճառելի փառօք Միածին Որդին, առ նա միշտ բարեխօսեա վասն անձանց մերոց :
- Որովայն : = Մնունդն Հօր եւ հինաւուրց,

անժամանակն յաւիտենից՝ ժամանակաւ յորովայնի քում բնակեցաւ եւ 'ի Հօրէ ոչ մեկնեցաւ, վասն որոյ զքեզ Աստուածածին եւ կոյս՝ բարեբանեմք զմայր եւ զաղախին փրկչին մերոյ :

== Անսահմանն յեութեան սահմանելեացս էացուցիչ՝ 'ի վեր քան զբան սահմանի այսօր յորովայնի սրբուհոյ կուսին, զոր առ Տէր ունիմք բարեխօս վասն անձանց մերոց :

== Զծնեալն յամենասուրբ յորովայնէ՝ յանարատ 'ի կուսէն՝ օրհնեցէք եւ բարձր արարէք զնա յաւիտեան :

== Առաքեցեր զքո Միածինդ մարմնանալ 'ի սուրբ կուսէն, եւ անարատ ծնանիլ յորովայնէ անապական, բառնալով զմեր նեղութիւնս, Աստուած աստուծոց եւ Տէր տերանց փրկիչ գոլով :

== Ի կուսական որովայնէ ծնեալ մարմնով՝ որ յառաջ քան զյաւիտեանս Բանդ 'ի Հօրէ, երգեսցուք՝ Տէր Աստուած փառաւորեալ է անուն քո :

== Նոր սքանչելիք եղեն այսօր 'ի Բեթղեհէմ 'ի յայրին՝ կուսի ծնանել Աստուած եւ մարդ՝ անապական մնալով կուսական որովայնին, զի տեսին մարմնով ծնեալ զԲանն Աստուած :

== Որում ոչն հանդուրժէին բոցանշոյլ սերովբէքն՝ նա բնակեցաւ ի քում յորովայնի, զքեզ բարեբանեմք Աստուածածին կոյս :

== Այսօր Բանն 'ի Հօրէ անմեկնելի եւ անճառելի խորհրդով 'ի ձեռն կուսական որովայնի տնօրինաբար յերկրի երեւեալ :

== Անժամանակ ծոցոյ ծնունդ Հօր էական, այսօր սրբեցեր յորովայնէ ժամանակաւ մայր 'ի մօրէ անճառ մարդեղութեամբ, աղօթիւք սորա ողորմեա մեզ Աստուած :

Տես եւ Պարագրել. — Տամել :

Որում երկինք եւ երկիր ոչ բաւէին տանել լուսոյն, բնակարան բնութեան Բանին սպասաւորեցար, աղաչեա վասն մեր զմիաձին քո զՈրդիդ :

Որպէս գերարփի փայլեալ : = Այսօր տիրաւ մայր սրբուհի կոյսն աւանդեալ զսրբասնեալ հոգին 'ի ձեռն հրեշտակական դասուցն, որպէս գերարփի փայլեալ, ահեղիցն նմանեալ հրեղինաց դասուցն, վասն որոյ հրճուողական ձայնիւ քեզ երգէ եկեղեցի սուրբ զնոր զօրհնաբանութիւն :

Որ վառեցար 'ի յարփւոյն եւ ոչ կիզար ըստ մօրենւոյն, այլ ետուր զհացն կենաց կե-

բակուր բանաւորաց, բարեխօսեա առ Քրիստոս ջնջել զգիր մեղաց մերոց:

Որ տարար զԲանն Աստուած յարգանդի քում եւ ծնար զնա մարմնով ապրեցուցիչ Աստուածածին, բարեխօսեա կեցուցանել զմեզ:

Որ տարար յորովայնի զանտանելին ամենեցուն եւ ծնար անճառապէս զՔրիստոս յոյս ազգի մարդկան, առ նա միշտ բարեխօսեա կեցուցանել զմեզ:

Ուրախացան զօրք երկնից 'ի վերուստ, քանզի ցօղն անապական 'ի քէն հեղեալ, միշտ կոյս եւ մայր Բանին տնտեսութեան, լուսածին ամպ՝ ծագելով 'ի մեզ զարդարութեան արեգակն:

Ուրախացիր Աստուածածին որ կուսութեանց ես պարծանք եւ մայր հաստատութեան մարդկան, օգնական եւ շնորհ աշխարհի, Մարիամ մայր եւ աղախին փրկչին մերոյ:

Ուրախացիր Աստուածածին վերօրհնեալը 'ի սրովբէից, ծագելով 'ի քէն մեզ լոյս՝ մայր եղեր վերածգողին, ազգ եւ ազինք զքեզ մեծացուցանեմք:

Ուրախացիր բարձրելոյն հովանացեալ զօրութեամբ եւ բնակարան սուրբ Հոգւոյն որով

ծնար զԲանն Աստուած, բարեխօսեա վասն մեր Աստուածածին Մարիամ:

Ուրախացիր պսակ կուսից Տիրամայր՝ այսօր Որդին քօ զհայրենին փայլեաց զփառս, նմա յաւէժ յանձն արա զանձինս մեր: — Նմա Մովսէս եւ Հեղիաս սպասեն, յանուն նորա ցնծան Թաբոր եւ Հերմոն, նմա յաւէժ յանձն արա զանձինս մեր: — Եսայիաս զքեզ թեթեւ ամպ ետես եւ Հայր յամպոյն զքօ զՈրդին իւր դաւանեաց, նմա յաւէժ յանձն արա զանձինս մեր:

Ուրախացիր Սրբուհի Գաբրիէլի աւետեօքն՝ որ քարոզեացն զգալուստ արքային Տեառն 'ի յերկնից:

Ուրախացիր Սրբուհի եւ միշտ կոյս, քանզի որ 'ի քէն մարմնացաւ՝ զդժոխս աւերեաց, սուրբ եւ անհամեմատը 'ի կանայս՝ բարեխօսեա առ Տէր վասն անձանց մերոց:

Ուրախ լեր աթոռ փրկութեան, յոյս հաստատութեան մարդկան, միջնորդ օրինաց եւ շնորհաց, օրհնութեամբ անդադար գուհութեամբ մեծացուցանեմք:

Ուրախ լեր աղբիւր կնքեալ ջրոյն կենդանութեան՝ զոր ծարաւելոյ բնութեանն ետուր 'ի յարբումն, զքեզ օրհնութեամբ մեծացուցանեմք:

Ուրախ լեր ամպ թեթեւ՝ գեղմն իմանալի, որ
 'ի բանական երկիր հեղեր զանձրեւ կենաց՝
 արդիւնս ընդ գործոյ հաւատոյ պողաբե-
 րեալ:

Ուրախ լեր անհարսնացեալ մայր:

Ուրախ լեր Աստուածածին՝ յոյս եւ փրկու-
 թեան մայր, զքեզ ընդունող լուսոյ մե-
 ծացուցանեմք:

Ուրախ լեր Աստուածածին՝ տաճար անխախ-
 տելի, զքեզ մեծացուցանեմք:

Ուրախ լեր բերկրեալ ամենասուրբ կոյս, որ
 ծնար աշխարհի զարդարութեան արեգակն՝
 որ լուսաւորեաց զազգս որդւոց մարդկան:

Ուրախ լեր բերկրեալ՝ դուռն կնքեալ, որ ծնար
 աշխարհի զթագաւորն Քրիստոս, որ նստի
 'ի վերայ անարուեստ աթոռոյ:

Ուրախ լեր բերկրեալդ Տէր ընդ քեզ՝ Մա-
 րիամ անհարսնացեալ:

Ուրախ լեր բերկրեալդ Տէր ընդ քեզ՝ օրհնեալ
 ես դու 'ի կանայս եւ օրհնեալ է պտուղ
 որովայնի քո:

Ուրախ լեր բերկրեալդ՝ քանզի Տէր տերանց
 է ընդ քեզ:

Ուրախ լեր դուռն փակեալ, ընդ որ ոչ ոք
 մտեալ՝ բայց Տէր Աստուած Իսրայելի,
 զքեզ օրհնութեամբ մեծացուցանեմք:

Ուրախ լեր դուստր լուսոյ՝ մայր անհարսնա-
 ցեալ, քանզի յղացելոյն 'ի քէն՝ համա-
 խմբեալ վերնոցն որդիք Սիովլե՛ր՝ երգեն
 զփառս 'ի բարձունս:

Ուրախ լեր երկին վեհագոյն՝ քրովբէ հողեղէն,
 որ զանտանելին երկնից եւ հրեղինաց դա-
 սուցն 'ի քո ընկալար մաքրական որո-
 վայնի:

Ուրախ լեր եւ բերկրեա մայր եւ կոյս, քան-
 զի ծնեալն 'ի կուսէգ այսօր վերստին
 յարութեամբ ծնաւ 'ի կոյս գերեզմանէն,
 զքեզ բարեբանեալ մեծացուցանեմք:

Ուրախ լեր կոյս անարատ՝ մայր անհարսնա-
 ցեալ, քանզի որ 'ի քէն ծնաւ Որդին
 միածին, վայրիջեալ յերկնից այսօր՝ վե-
 րածեաց զքեզ սքանչելի փառօք:

Ուրախ լեր հարսն երկնային՝ կոյս անապա-
 կան, քանզի երկնայնոցն զքեզ այսօր ըն-
 կալեալ՝ տօնէին ուրախութեամբ, ընդ որս
 եւ մեք երգեսցուք քեզ օրհնութիւն մայր
 Տեառն:

Ուրախ լեր մայր անճառ լուսոյ՝ Մարիամ
 սուրբ Աստուածածին, քանզի 'ի քեզ կրե-
 ցեր զհուր աստուածութեանն՝ լուսեղէն
 տաճար Աստուծոյ Բանին, առ նա միշտ
 բարեխօսեա վասն անճանց մերոց:

Ուրախ լեր մայր անձառ լուսոյ սուրբ Աստուածածին, քանզի առ 'ի քէն ծագեաց մեզ լոյս 'ի լուսոյ եւ զխաւարն անգիտութեան փարատեաց անստուեր լուսով իւրով:

Ուրախ լեր մայր լուսոյ Մարիամ, երկիր բանաւոր՝ արեգականն օթարան, լեր բարեխօս վասն անձանց մերոց:

Ուրախ լեր Մարիամ կոյս անապական, զի 'ի Հայրական ծոցոյ անմեկնելի Որդին 'ի քո յանձն առնու բնակել յորովայնի:

Ուրախ լեր Մարիամ՝ նորատունկ բուրաստան, երկնաբերձ աշտանակ, ձոյլ ոսկի եւ ճեմարան Բանին Աստուծոյ:

Ուրախ լեր Մարիամ սուրբ Աստուածածին, զի 'ի տաճարիդ մաքրեցելոյ յանկարծակի եկն Տէր, զքեզ օրհնութեամբ մեծացուցանեմք:

Ուրախ լեր սափօր ոսկի երկնային Հացին, որ զառ 'ի վերուստ իջեալ զմանանայն կենաց՝ նորոյս պարգեւեալ կերակուր Խաչելի:

Ուրախ լեր սիւն հրեղէն՝ լուսոյն աշտանակ, որ զարարչականն եղականաց լուսոյ 'ի քեզ տանելով՝ ծագեցեր խաւարելոց:

Ուրախութիւն աշխարհի ծնաւ զՄարիամ ա-

մուչն Աննա աւետօք զուարթնոյն, որ զտուղն օրինաց Հնոյն ծնաւ մարմնով պարգեւիչ նորոյս կտակի, տուք օրհնութիւն տուղին մեզ զմայրն լուսոյ:

Ուրախութիւն երկնի եւ երկրի: = Որ անմարմին բնութեամբ աստուածութեան քո Տէր միացար մարմնով յարգանդի կուսին՝ անյեղապէս գոլով, այսօր փոխեցեր զուրախութիւնդ երկնի եւ երկրի յանաբարտում 'ի կեանս, աղաչանօք մօր քո ուղորմեա մեզ Որդի Աստուծոյ:

Ուրախութիւն երկնի եւ երկրի՝ ամպ թեթեւ ցօղեալ 'ի մեզ զարդարութիւն, բարեբանեմք զբղխեալն 'ի քէն մարմնով յարմատոյն Յեստեայ դաւաղան ծաղկեալ:

Ուրախութիւն հրեշտակաց: = Դու պարծանք կուտութեան մարդկան, դու ուրախութիւն հրեշտակաց, դու բարձոց անիծիցն, վասն որոյ զքեզ Աստուածածին մեծացուցանեմք:

Ուրախութիւն տրամեցելոյ բնութեանս՝ բերկրեալ կոյս Մարիամ, զոր ողջունաբեր աւետօք կրեցեր զտուղն 'ի քեզ զօրէնս ողջունի, առ նա միշտ բարեխօսեա վասն անձանց մերոց:

Պ

- Պայծառ երկիրնք:** = Զքեզ պայծառ երկիրնք եւ ամպ լուսեղէն, ծնող արարչին եւ մորենի անկիզկէի մեծացուցանեմք:
- Պայծառ քան զարփի:** = Նորառքանչ անդ հրաշից ներակերտեալ 'ի յերկրի, քանզի պայծառ քան զարփի փայլեալ սրբոյ կուսին հոգի, զոր զարհուրեալ Պետրոսի զՏէր հարցանէր զխորհուրդն յայտնի:
- Պայծառ քան զերկինս:** = Աստուածածին պայծառ քան զերկինս՝ որ 'ի մեզ ծագեցեր զլոյսն մեծ եւ զերազանց՝ որով խաւարն անզիտութեան հալածեցաւ, սրովբէական ձայնիւ զքեզ բարեբանեմք եւ հոգեւոր երզով մեծացուցանեմք:
- Պայծառագոյն քան զարեգակն:** = Որ քան զարեգակն պայծառագոյն Մարիամ՝ մի դադարեր բարեխօսել վասն մեր, Քրիստոսի մայր Աստուծոյ մերոյ:
- Պարագրիլ:** = Անտանելին 'ի համայնից բովանդակիչ բնութեանց բոլորից՝ պարազրի այսօր մարդասիրապէս յորովայնի

- անարատ կուսին, զոր առ Տէր ունիմք բարեխօս վասն անձանց մերոց:
- = Էիցս էակ Բանն Հօր պարագրեցաւ 'ի մարմնի, լոյսն ծնունդ ծոցածին էառ զբնութիւն նախաստեղծին, բարեխօսեա Միածնին Աստուածածին մայր Բանին:
- = Աստուածածին՝ զերագոյն երկնից ցուցար խորան եւ առագաստ, քանզի ծագեալ լոյսն 'ի Հօրէ՝ բնութեանց էից անտանելին պարագրեցաւ 'ի քում յորովայնի, հոգեւոր երզով զքեզ միշտ մեծացուցանեմք:
- Պարգեւ բնութեանս:** = Որ ողորմեցար 'ի մեզս ծնեալ մարդկան Հայր երկնաւոր ըստ մարգարէին, եւ ետուր բնութեանս այսօր պարգեւ զկոյսն սուրբ զծնող Որդւոյդ միածնի, մաղթանօք սորա Տէր մեզ ողորմեա:
- Պարծանք ազգի մարդկան:** = Սուրբ եւ Աստուածածին Մարիամ, ցանկալի կուսից եւ պարծանք ազգի մարդկան, մայր եւ աղախին մեծացուցանեմք:
- Պարծանք եկեղեցւոյ:** = Որ քան զերկինս բարձրագոյն Մարիամ, պարծանք եկեղեցւոյ, Քրիստոսի մայր Աստուծոյ մերոյ:
- Պարծանք կուսութեան:** = Դու պարծանք

կուսուծեան մարդկան, դու ուրախու-
թիւն հրեշտակաց, դու բարձօղ անիծիցն,
վասն որոյ զքեզ Աստուածածին մեծա-
ցուցանեմք:

Պարծանք կուսուծեանց: == Ուրախացիր
Աստուածածին որ կուսուծեանց ես պար-
ծանք եւ մայր հաստատութեան մարդ-
կան, օգնական եւ շնորհ աշխարհի, Մա-
րիամ մայր եւ աղախին փրկչին մերոյ:

Պարտէզ փակեալ աստուածատունկ Եղեմ,
որ եւ ծառն կենաց 'ի մէջ զրախտի քո
'ի Հոգւոյն անկեալ՝ անմահական պտղովն
ելից զտիեզերս, սրովբէական ձայնիւ
զքեզ բարեբանեմք եւ հոգեւոր երգով
մեծացուցանեմք:

Պսակ կուսից: == Ուրախացիր պսակ կուսից
Տիրամայր, այսօր Որդին քո զհայրենին
փայլեաց զփառս, նմա յաւէժ յանձն արա
զանձինս մեր:

Ս

Սափոր ոսկեղէն լի մանանայիւ: Տես Փափու
կուծեամ զրախտին:

Սափոր ոսկի: == Վեհագոյն սերովբէից եւ
բազմաչեայ քերովբէից տիրամայր Աս-
տուածածին, տապանակ կտակի, սափոր
ոսկի, խորհրդաւոր խորան Բանին Հօր
բարձրելոյ, օրհնութեամբ երգով եկեղե-
ցիք տիեզերաց այսօր տօնեն զյիշատակ
ծննդեան քո 'ի մօրէ:

Սափոր ոսկի երկնային հացին: == Ուրախ
լեր սափոր ոսկի երկնային հացին, որ
զառ 'ի վերուստ իջեալ զմանանայն կե-
նաց՝ նորոյս պարգեւեալ կերակուր Խորա-
յելի:

Սափոր ոսկի երկնային մանանային: == Քե-
րովբէից զերագոյն՝ Եին աթոռ, եւ ծառ
կենաց անմահական պտղոյն, տապանակ
կտակի Բանին եւ սափոր ոսկի երկնային
մանանային, հոգեւոր երգով զքեզ Սրբու-
հի մեծացուցանեմք:

Սերովբէ հողեղէն: == Զքեզ երկնային դուռն

զոր ետես եզեկիէլ, եւ արն զոր ծանեաւ
Գեղէոյն, սերովբէ հողեղէն՝ վեհագոյն
քերովբէից, օրհնութեամբ զքեզ Աստուա-
ծածին մեծացուցանեմք:

== Առաքի հրեշտակապետն առ սերով-
բէն հողեղէն, ասէ՝ Տէրն եւ արարողն ա-
ռաքեալ ՚ի Հօրէ մարմնանայ ՚ի քէն Փլը-
կողն:

== Սերովբէ հողեղէն եւ մարմնաւոր քե-
րովբէ, որ զանտեսն ՚ի նոցունց յորո-
վայնի քում կրեցեր, օրհնութեամբ զքեզ
բարեբանեալ մեծացուցանեմք:

Սէր: == Սիրոյ անմահ փեսային եղեր դու
մայր Մարիամ, բարեխօսեա վասն մեր
՚ի յայնմ աւուր ահեղին:

Սիւն լուսոյ: == Աստուածածին սիւն լուսոյ
ամպ հովանաւոր, եւ բնակարան Բանին
որ բանիւ հովութի զԿարայէլ, բարեխօսեա
նմա վասն անձանց մերոց:

Սիւն լուսոյ եւ ամպ հովանի սուրբ կոյս՝ որ
ցողեցեր ՚ի մեզ զցօղն երկնային, զքեզ
բարեբանեմք Աստուածածին կոյս:

Սիւն հրեղէն՝ լուսոյն աշտանակ, որ զարար-
չականն եղականաց լուսոյ ՚ի քեզ տանե-
լով՝ ծագեցեր խաւարելոց:

Սուրբ եւ Աստուածածին Մարիամ, ցանկալի

կուսից եւ պարծանք ազգի մարդկան,
մայր եւ աղախին մեծացուցանեմք:

Սուրբ զԱստուածածինն օրհնութեամբ մե-
ծացուցանեմք: — Աւետաւոր հրեշտակն
աւետարանէր զծնեալ Փրկիչն ՚ի սրբոյ
կուսէն: — Ստէ՝ Ուրախ լեր բերկրեալք
քանզի Տէր տերանց է ընդ քեզ:

Սուրբ կոյս: == Աստուածածին սուրբ կոյս՝
անապական տաճար: Տես Աստուածածին:

== Աստուածածին սուրբ կոյս՝ անհարս-
նացեալ Մարիամ: Տես Աստուածածին:

* Սուրբ սրբոց: Ռահ լուսոյ սրբութեան հոր-
դեալ զօրաց անմարմնոց, եւ զունդք հրե-
ղէնք զուարթնոց յառաջընթաց յաշխարհ
վերնոց, հրճուողական ձայնիւ երգոց զու-
վեն զքեզ սուրբդ սրբոց:

Սպասաւոր խորհրդոյ անձառելի ծննդեան:
== Այսօր զանձառելի ծննդեան քո Տէր
սպասաւոր խորհրդոյ ՚ի հողանիւթ գոյա-
ցութեանց փոխադրեցեր ՚ի յերկինս:

Սպասաւորեալ ՚ի հրեշտակաց: == Հիմն եղեր
եկեղեցւոյ խորան եղեր Հոգւոյն սրբոյ.
՚ի հրեշտակաց սպասաւորեալ, Գաբրիէլ
քեզ աւետեաց, ազգ եւ ազինք զքեզ մե-
ծացուցանեմք:

Սպասաւորեալ ՚ի սերովբէից: == Տեղափո-

խեալ զքեզ 'ի վերնական 'ի կառս քե-
րովբէականս Աստուածամայր, սպասա-
ւորեալք 'ի սերովբէից եւ երկրպագեալք
յանմարմնական զօրաց, անդադար երգով
զքեզ միշտ մեծացուցանեմք:

Սպասաւորել անհասութեան խորհրդոյն: ==
Մայր Քրիստոսի եւ բնակարան Բանին Աս-
տուծոյ՝ անհասութեան խորհրդոյն սպա-
սաւորեցեր, միջնորդ եղեր Աստուծոյ եւ
մարդկան, առ նա միշտ բարեխօսեա վասն
անձանց մերոց:

**Ստեղծողին մայր եւ հնութեան կերպի նո-
րագողին, քեզ երանիցեն ազգ եւ ազինք
ամենայն:**

Սրբասնեալ հոգի: == Այսօր տիրամայր Սըր-
բուհի կոյսն աւանդեալ զսրբասնեալ հո-
գին 'ի ձեռն հրեշտակական դասուցն,
որպէս գերարփի փայլեալ՝ ահեղիցն նմա-
նեալ հրեղինաց դասուցն, վասն որոյ հըր-
ձուողական ձայնիւ քեզ երգէ եկեղեցի
սուրբ զնոր զօրհնաբանութիւն:

* **Սրբութեանց սուրբ:** == Այսօր զնախա-
մօրն երկանց բարձօղն կուսական ծնըն-
դեամբ՝ զանհարսնացեալ մայրն՝ Միածինն
իջեալ փառօք փոխադրեաց յիմանալի եւ
յանպատում գերագոյն բնութիւնս, վասն

որոյ սրովբէական ձայնիւ քեզ երգեմք
սրբութեանց սուրբ զմիշտ փառաբանու-
թիւն:

Սրբուհի: == Որ 'ի բարձրութիւնս երկնից
բարձր բանիւք բարեբանիս Սրբուհի, 'ի
Լիբանանէ զիմեալ հարսն զգեցեալ այսօր,
զարեգակն արկեալ զքեւ եւ ընդ ոտիւք
զլուսինն ստուերատեսակ, օրհնութեամբ
երգով եկեղեցիք տիեզերաց այսօր տօնեն
զմիշտտակ ծննդեան քո 'ի մօրէ:

== Այսօր ցնծան երկնայինք եւ սար
առեալ 'ի բարձունս՝ երգեն զերգս հոգե-
ւորս յաւուր ծննդեան Սրբուհւոյն: —
Այսօր վերինն Սիոնի զոչեն զերգս սրով-
բէիցն՝ զերեքսրբեանն ասելով յաւուր
ծննդեան Սրբուհւոյն:

Սրբուհի անբատ: Տես չամեղանցալ:

Սրբուհի եւ մայր Քրիստոսի: == Անբատ
կոյս Աստուածածին Մարիամ Սրբուհի
եւ մայր Քրիստոսի՝ յարգանդի տարար
զանտանելին ամենեցուն, օրհնութեամբ
զքեզ Աստուածածին մեծացուցանեմք:

Սրբուհի եւ միշտ կոյս: == Ուրախացիր Սըր-
բուհի եւ միշտ կոյս, քանզի որ 'ի քէն
մարմնացաւ զգժոխս աւերեաց. սուրբ եւ
անհամեմատդ 'ի կանայս, բարեխօսեա
առ Տէր վասն անձանց մերոց:

Սրբուհի մայր եւ կոյս: = Որ զթագաւորն
ամենեցուն յորովայնի քում կրեցեր Սըր-
բունի մայր եւ կոյս եւ աղախին Քրիս-
տոսի, բարեխօսեա առ Տէր վասն մերոյ
փրկութեան:

**Սրբուհի Մարիամ սափոր ոսկի եւ տապանակ
կտակարանաց՝ որ զի վերուստ զհացն կե-
նաց պարգեւեցեր քաղցեալ բնութեանս,
առ նա միշտ բարեխօսեա վասն քաւու-
թեան մեղաց մերոց:**

Սրովբէ հողեղէն: = Զքեզ գունն երկնից եւ
ճանապարհ արքայութեան, բարձող անի-
ծից եւ սրովբէ հողեղէն մեծացուցանեմք:
= Անկէզ մորենի եւ սրովբէ հողեղէն
սուրբ կոյս, քանզի պատւոյն կենաց 'ի
քէն տուաւ մեզ, զքեզ բարեբանեմք Աս-
տուածածին կոյս: Տես եւ Լեառն վլումա-
ծիմ:

Սրովբէ նիւթեղէն: Տես Յօղ քաղցրածաւալ:

Վ

Վայելչապէս ծնար զԱստուած: = Յղացար
անարատաբար, եւ զԱստուած վայելչա-
պէս ճնար, ուրախ լեր Աստուածածին՝
տաճար անխախտելի, զքեզ մեծացուցա-
նեմք:

Վառարան աստուածային բոցոյն: Տես Ամպ
թեթեւ յերկրայլիմ ցանկութիանց:

Վառիլ: = Որ վառեցար 'ի յարփոյն եւ ոչ
կիզար ըստ մորենոյն, այլ ետուր զհացն
կենաց կերակուր բանաւորաց, բարեխօ-
սեա առ Քրիստոս ջնջել զգիր մեղաց
մերոց:

**Վասն որոյ աղաչեա մայր Աստուծոյ Մարիամ
զՄիածին քո զՈրդին՝ զի շնորհեսցէ, ըստ
աւագակին ժառանգել վերստին մեզ ըզ-
դրախտին վայելչութիւն:**

**Վեհագոյն սերովբէից եւ բազմաչեայ քերով-
բէից տիրամայր Աստուածածին, տապա-
նակ կտակի, սափոր ոսկի, խորհրդաւոր
խորան Բանին շօր բարձրելոյ, օրհնու-
թեամբ երգով եկեղեցիք տիեզերաց այսօր
տօնեն զյիշատակ ծննդեան քո 'ի մօրէ:**

Վեհագոյն սերովբէիցն եւ բարձրագոյն քերովբէից վերամբարձար 'ի բարձունս յեղականացս անհպելին, փառաւորեալ ընդ Միածնին հրճուողական ձայնիւ երգոց:

Վեհագոյն քերովբէից: Տես Ջքեզ երկնայիմ դուռն:

Վերաբերեալ: = Որպէս փայլակն բորբոքեալ յերկնաւորաց վերաբերեալ:

= Այսօր զհողեղէն բնութիւնս տեսեալ հրեղինացն սոսկացեալ դասք, մարմին հրանիւթ կառօք յանմարմնոց վերաբերեալ 'ի յերկնային եւ յանմատոյց լուսեղէն խորանս, վասն որոյ սրովբէական ձայնիւ քեզ երգեմք սրբութեանց սուրբ զմիշտ փառաբանութիւն:

Վերաբուսեալ յարմատոյն Յեսուեայ: Տես Անթառամ ծաղիկ:

Վերածեալ սքանչելի փառօք: Տես Մայր անհարսնացեալ:

Վերամբարձար 'ի բարձունս: Տես Վեհագոյն սերովբէիցն:

Վերացուցեալ 'ի լոյսն անստուեր: = Բանն անմարմին որ 'ի քէն մարմնացաւ եւ 'ի գիրկս քո բարձեալ կրեցաւ Մարիամ, այսօր եկեալ բազմութեամբ զօրօք հրեշտակացն՝ վերացոյց զքեզ հրակերպ կառօք 'ի լոյսն անստուեր:

Վերափոխեալ զքեզ 'ի յերկնային խորանսն այսօր Որդիդ քո Միածին, ուստի եւ դասք առաքելոցն եւ իմաստուն սուրբ կուսանացն միաձայնելով զովէին զքեզ մայր անհարսնացեալ, հոգեւոր երգով զքեզ միշտ մեծացուցանեմք:

= Անհասանելի Հոգւոյն զօրութիւնն՝ որով փարեալ համատարած լոյսն զկուսական անձամբն, վերափոխելով յանպատմելի եւ յանհասանելի եւ յանանց լոյսն, վասն որոյ բարեբանելով ստեմք, օրհնեալ ես Հոգիդ ճշմարիտ Աստուած:

Տես եւ Քաղաքավարեալ. — Ծիրանագլեաց:

Վերընկալ աստուածային Բանին: = Առքեզ ապաւինիմք Ամենասրբուհի, գերագոյն եւ հրաշալի եւ բաշխող բարութեանց աղբիւր ես ծարաւեաց, եւ հանգիստ աշխատելոց, եւ եղեր վերընկալ աստուածային Բանին:

Վերհամբարձեալ: = Տես Քրովբէ հողեղէն: Որ յանմարմնոց զինուորութեանց եւ 'ի դասուց հոգեղինաց վերհամբարձար այսօր Աստուածամայր, ուստի եւ դասք հողեղինացս փառաբանեմք զձագող իմանալի լուսոյն զմիշտ կոյսն:

Վերորհնեալ 'ի զօրաց հրեշտակաց : = **Զքեզ**
Սատուածածին որ վերորհնեալս 'ի զօրաց
հրեշտակաց, ազգ մարդկան կենդանեաց
մեծացուցանեմք :

Վերորհնեալ 'ի սրովբէից : = **Ուրախացիր**
Սատուածածին վերորհնեալը 'ի սրովբէից,
ծագելով 'ի քէն մեզ լոյս՝ մայր եղեր վե-
րածգողին, ազգ եւ ազինք զքեզ մեծացու-
ցանեմք :

**Վերորհնեալ յամենայն առաքելական քա-
րոզութեանցն :** = **Քերովբէական թեօք**
պարածածկեցար՝ սրբուհի Սատուածածին
կոյս եւ մայր եւ բնակարան աստուա-
ծութեանն, վերորհնեալ յամենայն առա-
քելական քարոզութեանցն :

Վէմ : = **Ի լեռնէ վէմն առանց ձեռին հա-
տեալ՝** 'Կանիել գուշակեաց զանսերմն
ծնունդ քո հարան երկնաւոր, մայր եւ յեա
ծննդեան մնալով կոյս, վասն որոյ ամե-
նեքեան զքեզ միշտ մեծացուցանեմք :

Վ ի ձակեալդ ատեսնողացն ձայնի : = **Յիմա-**
նալի վտակաց տանն Սատուծոյ հոսմանց՝
վիճակեալք տեսանողացն ձայնի՝ արբ-
մամբ զմայլեցար, այսօր զանթառամն
ծաղկեցար զծաղիկ՝ 'ի ժամու տալով ըզ-
պտուղն, առ սր մաղթեմք բարեխօսել
վասն մեր անլուելի ձայնիւ :

S

Տախտակ : = **Իմանալի բանաւոր տախտակ**
անտրամադրելի տառիցն մովսիսական օ-
րինացն, որ զՍատուածն ամենեցուն իսկա-
պէս մարմնով 'ի գիրկս քո բարձեր Մա-
րիամ, ներբողական ձայնիւ եղանակեմք
քեզ զերգս օրհնութեան ամենօրհնեալդ
'ի կանայս :

Տաղաւար արբազամեան աստուածընկալ :
Տես Տապառնակ ապրեցուցիչ :

Տաղաւար անտանելոյն : **Տես Անտանելոյն :**

Տաղաւար Հոգւոյն : **Տես Ղեառն վիմածիմ :**

Տաճար անապական Բանին Հօր : = **Զտա-**
ճար անապական Բանին Հօր բարեբանեն
դասք հոգեղինացն, զովեմք եւ մեք ձայ-
նակցելով երկնայնոցն :

Տաճար անարատ : = **Անարատ տաճար բնա-**
կարան անբաւ Բանին Սատուծոյ Մարիամ
սուրբ կոյս, զքեզ եւ զծնեալն 'ի քէն
մեծացուցանեմք :

= **Անարատ տաճար անվայրափակ Բա-**
նին Սատուծոյ Մարիամ սուրբ կոյս, բա-

րելիսօսեա առ Տէր վասն մերոյ փրկու-
թեան :

== Մնարատ տաճար Աստուծոյ Բանին
որ զնախամօրն Եւայի զանէծսն բարձեր
անճառելի ծննդեամբն 'ի քէն, առ նա
միշտ բարեխօսեա վասն անձանց մերոց :

Տաճար անեղ Բանին : == Լոյս 'ի լուսոյ Հօր
ծոցածին իջեր յերկնից յաշխարհ ստորին,
դասք անմարմնոց ընդ քեզ իջին 'ի պա-
տիւ մօր քօ եւ կուսին, ներբողեալ զայս
ասէին՝ դու ես տաճար անեղ Բանին :

Տաճար անխախտելի : == Ուրախ լեր Աս-
տուածածին՝ տաճար անխախտելի, զքեզ
մեծացուցանեմք :

Տաճար անձնաւոր Աստուծոյ Բանին : == Զան-
չաս տնօրէնութեան մայր եւ զանձնա-
ւոր տաճար Աստուծոյ Բանին օրհնու-
թեամբ մեծացուցանեմք :

Տաճար Բանին Աստուծոյ : == Խնդա տաճար
Բանին Աստուծոյ, բարձող տրամութեան
նախամօրն Եւայի, լեր բարեխօս վասն
անձանց մերոց :

Տաճար Բանին Հօրն երկնաւորի : == Զքեզ
ունիմք բարեխօս կոյս անհորսնացեալ,
մայր անարատ Էմմանուէլի, տաճար Բա-
նին Հօրն երկնաւորի, օրհնութեամբ զքեզ
մեծացուցանեմք :

Տաճար երկնաւոր արքային : == Երկնաւոր
արքային եղեր տաճար ըստ երգողին,
յանկարծակի՛ փեսային 'ի յառազաստ
բազմեալ քոյին, բարեխօսեա Միածնին
Աստուածածին մայր Բանին :

Տաճար եւ աթոռ Աստուծոյ Բանին : == Մա-
քուր աղանի եւ Հարսն երկնից Մարիամ,
տաճար եւ աթոռ Աստուծոյ Բանին, քեզ
երսնեն ամենայն ազինք :

Տաճար եւ առազաստ արարողին երկնի եւ
երկրի : == Արարողին երկնի եւ երկրի
եղեր տաճար եւ առազաստ, որ զննջե-
ցեալն մեր հրեղէն նորոգէ, զքեզ մե-
ծացուցանեմք որ օրհնեալք ես 'ի կանայս :

Տաճար եւ առազաստ՝ տեղի անտանելի լու-
սոյն : == Անկգրնական Բանին Հօր բնա-
կարան, տաճար եւ առազաստ՝ տեղի
անտանելի լուսոյն, զքեզ մեծացուցանեմք
արժանապէս երգով աստուածամայր եւ
կոյս :

Տաճար եւ քաղաք : == Որ 'ի կանուխ ժա-
մանակաց ստորագրեցեր զտնօրէնութեան
քօ զաեզի տաճար եւ քաղաք շինեալ,
բարձող անուանդ քօւմ՝ բարձրելոյ, այսօր
ստուգապէս յայտնեալ ցուցաւ բնակա-
րան աստուածութեան քօ սուրբ կոյսն

Մարիամ, օրհնեալ Տէր Աստուած հարցն մերոց :

Տաճար ընդհանուր լուսոյն : = Անկէզ մուրենի եւ տաճար ընդհանուր լուսոյն, աւարատ եւ անխախտելի կուսութիւն, մայր եւ աղախին մեծացուցանեմք :

Տաճար լուսեղէն : = Աստուածածին մայր լուսոյ սուրբ կոյս, լուսեղէն տաճար, որում երկինք չէին բաւական առ 'ի բնակութիւն' 'ի քէն մարմնացաւ :

Տաճար լուսեղէն Աստուծոյ Բանին : = Ուրախ լեր մայր անճառ լուսոյ Մարիամ սուրբ Աստուածածին, քանզի 'ի քեզ կրեցեր զհօր աստուածութեանն՝ լուսեղէն տաճար Աստուծոյ Բանին, առ նա միշտ բաբխօսեա վասն անճանց մերոց :

Տաճար լուսոյ : = Աստուածածին տաճար լուսոյ՝ որ մարմնով պարագրեալ անճառաբար ծնար զԲանն Աստուած, զքեզ բարեբանեալ մեծացուցանեմք :

Տաճար լուսոյ անտուերին եւ առաքատ անճառ Բանին՝ որ զնախնոյ մօրն Եւայի բարձեր զանէծսն տրտմալի, հայցեա յՈրդւոյ քո միածնի Հօր հաշտութեանն միջնորդի, բառնալ 'ի մէնջ զխռովութիւն եւ տալ զօգուց խաղաղութիւն :

Տաճար լուսոյ մայր : Տես Փառիկութեան դրախտին :

Տաճար Հոգւոյն սրբոյ : Տես Տուն :

Տաճար մաքրեալ յորում ստեղծողն էից բազմեալ : = Տէրութիւնք եւ զօրութիւնք, իշխանութիւնք եւ պետութիւնք, հրեշտակապետք եւ հրեշտակք եղանակեն զերգս օրհնութեան, օրհնեալ ես կոյս տաճար մաքրեալ յորում ստեղծողն էից բազմեալ :

Տաճար սուրբ : Տես Տաճար սքանչելի :

Տաճար սրբութեան անճառ լուսոյն : = Որ ընտրեցար 'ի սկզբանէ անապական կոյս Մարիամ լինել տաճար սրբութեան անճառ լուսոյն որ 'ի Հօրէ, առ նա միշտ բարեխօսեա կեցուցանել զմեզ :

Տաճար սքանչելի արդարութեամբ : = Երգէ մարգարէն՝ սուրբ է տաճար քո սքանչելի արդարութեամբ եւ դուռն երկնային, ուրախ լեր Աստուածածին տաճար անխախտելի՝ զքեզ մեծացուցանեմք :

Տաճար տնօրէնութեան : Տես Անարատ տաճար :

Տաճար փառակցի Հօր Հոգւոյն : = Որ զփառակցի Հօր Հոգւոյն զտաճարն՝ զառ 'ի քէն հովանացեալն այսօր հանգուցեր 'ի

լոյսն անմատոյց, զքեզ բարեբանեմք՝ Աստուած հարցն մերոց:

Տանել: == Անարատ կոյս Աստուածածին Մարիամ սրբուհի եւ մայր Քրիստոսի՝ յարգանդի տարար զանտանելին ամենեցուն, օրհնութեամբ զքեզ Աստուածածին մեծացուցանեմք:

== Որ 'ի վեր քան զքերովբէսն երեւեցար Աստուածածին Մարիամ, տանելով յորովայնի զանիմանալի զբնութիւնն, բարեխօսեա առ Տէր վասն մերոյ փրկութեան:

== Յնծացէք որդիք մարդկան այսօր ծննդեամբ սրբուհւոյ կուսին, քանզի որ տարաւ զանտանելին յարգանդի անսերմնապէս՝ այսօր բղխեաց յարմատոյն Յեսսեայ. տուք օրհնութիւն տուողին մեզ զմայրն լուսոյ:

Տապանակ ապրեցուցիչ եւ տաղաւար արբազամեան աստուածընկալ, այսօր Մարիամ լուսապայծառ միածին ծնունդ յայտնեալ ծնողաց՝ 'ի ծնողութիւն քո կոչեցեալ միաձին Որդի Աստուծոյ, անդադար երգով սօքօք զքեզ միշտ մեծացուցանեմք:

Տապանակ աստուածային ուխտի կտակարանաց: == Որ զխորհուրդ անսպական տնօ-

րհնութեանդ քո 'ի սրբոյ կուսէն՝ տպաւորելով տապանակն աստուածային ուխտի կտակարանաց Բանիդ Աստուծոյ, փառաց անեղիք տեղի հանգստեան:

Տապանակ կտակարանաց նորոյ ուխտիս: == **Կենդանի** տապանակ կտակարանաց նորոյ ուխտիս, որով ելք յերկիր աւետեաց հորդեալ Հոգւով 'ի քեզ տպաւորեալ Բանին, վասն որոյ ամենքեան զքեզ միշտ մեծացուցանեմք:

Տապանակ կտակի: Տես Պեհագոյն սերովբէից: **Տապանակ կտակի Բանին:** == Քերովբէից գերագոյն Եին աթոռ, եւ ծառ կենաց անմահական պտղոյն, տապանակ կտակի Բանին եւ սափօր ոսկի երկնային մանանային, հոգեւոր երգով զքեզ Սրբուհի մեծացուցանեմք:

Տեղափոխեալ զքեզ 'ի վերնական 'ի կառքերովբէականս Աստուածամայր, տպաւորեալք 'ի սերովբէից եւ երկրպագեալք յանմարմնական զօրաց, անդադար երգով զքեզ միշտ մեծացուցանեմք:

Տեղի անտանելի Բանին, եւ երկիր վայրափակ յորում լոյսն ազանիցի եւ արեւելք արեգականն արդարութեան, անդադար ձայնիւ զքեզ բարեբանեմք եւ հոգեւոր երգով մեծացուցանեմք:

Տեղի անտանելի լուսոյն: Տես Տաճար եւ առազաստ:

Տեղի իջման: == Որ 'ի լերինն Քորեբայ փայլատակեալ հուրդ աստուածային՝ հոգմով եւ շարժմամբ յայտնեալ 'ի պակուցումն սուրբ մարգարէին, այսօր գլծութեամբ եւ ողորմութեամբ յարմարեցեր տեղի իջման անճառելի խոնարհութեամբ 'ի յօդ հանդարտ զօրինակեալն Մարիամ, օրհնեալ Տէր Աստուած հարցն մերոց:

Տեղի հանգստեան փառաց անեղին: Տես Տապանակ աստուածային:

Տեղի տնօրէնութեան: Տես Տաճար եւ քաղաք:

Տենչալի: == Յնծալից բերկրանօք եւ յորդահոս արտասուօք եղանակէին քաղցր երգօք երեքօրեայ խմբեալ պարօք, Բարդողիմէ յետոյ եկեալ եւ զտենչալին իւր ոչ տեսեալ:

Տեսանեմք զսոսկալի զհրաշալի խորհուրդ յայտնեալ, 'ի Հոգւոյն սրբոյ յղացեալ՝ զԲանն Աստուած մարմնով ծնար, ազգ եւ ազինք զքեզ մեծացուցանեմք:

Տեսին դասք իմանալի զօրութեանց զԱստուած մարմնով առ 'ի քէն ծնեալ, իսկ եկեղեցի որդւոյ քո Աստուածածին զքեզ խոստովանի, որ միայն կուսութեամբ ես մայր:

Տէրունի: == Այսօր ընդ բազմաչեայ քրովբէսն եւ ընդ վեցթեւեան սրովբէսն մըտանելով յեթնաստեղեան խորանան, տեսանելով զանազան աթոռան զոր պատրաստեալ է քեզ տէրունւոյդ, երգեմք եւ մեք ասելով, օրհնեալ ես ամենօրհնեալդ 'ի կանայս:

Տիրամայր Աստուածածին: Տես Վեհազոյն սելովբէից:

Տիրամայր սրբուհի կոյս: == Այսօր տիրամայր սրբուհի կոյսն աւանդեալ զսրբասնեալ հոգին 'ի ձեռն հրեշտակական դասուցն, որպէս գերարժի փայլեալ՝ ահեղիցն նմանեալ հրեղինաց դասուցն, վասն որոյ հրճուողական ձայնիւ քեզ երգէ եկեղեցի սուրբ վնոր զօրհնաբանութիւն:

Տիրուհի անարատ մայր Տեառն եւ կոյս Մարիամ, քրովբէական աթոռ զքեզ տեսաք 'ի յերկրի, բարեխօսեա առ Տէր վասն մերոյ փրկութեան:

Տիրուհի: == Այսօր ծերքն օրինականք մանկամբք նորոյ Սիրովի, երիտասարդք եւ կուսանք խնդան ծննդեամբ Տիրուհւոյն:

Տղայանալ: Տես Ծնանել:

Տղայապէս: Տես Կաթն:

Տուժար սնճառ անքնին: == Ընտրեալ յա-

ուսլ քան զհիմունս 'ի սկզբանէ աշխարհի, տունար անհառ անքնին եւ ամպ թեթեւ լուսածին, բարեխօսեա Միածնին Աստուածածին մայր Բանին:

Տուն եւ տաճար Հոգւոյն սրբոյ: == Մարգարիտ լուսափայլ, Հոգւոյն սրբոյ տուն եւ տաճար, մարգարէից բանք նախաճառ այսօր լցան 'ի քեզ գումար, Մովսէս դասուքն իւրովք իսպառ 'ի պատիւ քո անդ սլանայր:

Տուն անօրէնութեան: == Լեառն լիմածին, աղբիւր յորդառատ, բարունակ ծաղկեալ, այգի վայելուչ, սրովբէ հողեղէն, բաբունոյ Բանին տուն անօրէնութեան, տաղաւար Հոգւոյն, առ ծնեալն 'ի քէն միշտ բարեխօսեա անդադար հայցմամբ շնորհել զթողութիւն մեր ննջեցելոցն:

8

Յանկալի զուարթնոց: Տես Յօղ քաղցրածաւալ:

Յանկալի կուսից: == Սուրբ եւ Աստուածածին Մարիամ ցանկալի կուսից եւ պար-

ծանք աղգի մարդկան, մայր եւ աղախին մեծացուցանեմք:

Յաւագին մայր Տեառն:

Յնծա եւ զուարճացիր Հարսն 'ի յերկրէ երկնից, քանզի այսօր երկնայնոցն իջեալ տային քեզ զաւետիս յարութեան միածնի Որդւոյ քո. զքեզ բարեբանեալ մեծացուցանեմք:

Յնծա իմանալի արեւեք, քանզի քեւ ծագեաց մեզ լոյս երեսոց Քրիստոս, լեր բարեխօս վասն անձանց մերոց:

Յնծա Մարիամ արեգականն արդարութեան արեւեք, եւ աղաչեա զառ 'ի քէն ծընեալն Աստուած վասն մեր՝ զի դարձուցէ վերստին զմեզ 'ի դրախալին ժառանգութիւն:

Յօղ: == Աստուածածին ամպ լուսաւոր՝ որ զցօղն կենաց հեղեր յերկիր բանաւոր, եւ զնախամօրն շիջուցեր պարտեացն զհօւր, անդադար ձայնիւ զքեզ բարեբանեմք, եւ հոգեւոր երգով մեծացուցանեմք:

== Ամպ թեթեւ յերկրային ցանկութեանց սուրբ կոյս եւ վառարան աստուածային բոցոյն, որ զցօղն հայրաբուղիս անձրեւեցեր 'ի բանական երկիր՝ որով բնութեանս բուսան արդարութեան սուրբ

բոյսք, վասն որոյ օրհնաբանեմք զքեզ յաւուր քո ծննդեան:

== Սիւն լուսոյ եւ ամպ հովանի սուրբ կոյս՝ որ ցօղեցեր 'ի մեզ զցօլն երկնային, զքեզ բարեբանեմք Աստուածածին կոյս:

Յօղ քաղցրածաւալ ցանկալի զուարթնոցն, նիւթեղէն սրովբէ, գեղ մարգարտափայլ, հիմն եկեղեցւոյ, մաքուր աղաւնի, ամպ հովանաւոր, սուրբ կոյս Մարիամ, առ ծնեալն 'ի քէն միշտ բարեխօսեա անդադար հայցմամբ շնորհել զթողութիւն մեր ննջեցելոցն:

Յօղէր արտօսք ցաւազին մայր Տեառն որ կայր մերձ առ խաչին, յորժամ լ'էր զծարաւին բարբառելոյ իւր Միածնին. ետուն քացախ խառնեալ լեղի այնմ որ բղխեաց գետ յաղենի, եւ 'ի վիմէն վտակ բարի արբոյց տոհմին դառնացողի:

Փ

Փայլեալ: == Այսօր տիրամայր սրբուհի կոյսն աւանդեալ զսրբաանեալ հոգին 'ի ձեռն հրեշտակական դասուցն, որպէս գերարփի

փայլեալ՝ աշեղիցն նմանեալ հրեղինաց դասուցն, վասն որոյ հրճուողական ձայնիւ քեզ երգէ եկեղեցի սուրբ վնոր զօրհնաբանութիւն:

== Նորապահնչ անդ հրաշից ներակերտեալ 'ի յերկրի, քանզի պայծառ քան զարփի փայլեալ սրբոյ կուսին հոգի, զոր զարհուրեալ Պետրոսի զՏէր հարցանէր զխորհուրդն յայտնի: — Շնորհագարդ փառօք փայլեալ որպէս զմայր քո միշտ գովեալ, 'ի մարդկանէ ո՛վ քատակեալ՝ հոգեով պայծառ արփելոյ նմանեալ, որպէս փայլակն բորբոքեալ յերկնաւորաց վերաբերեալ:

Փառաբանեալ: == Որ 'ի վեցթեւեան սրովբէից եւ 'ի բազմաչեայ քրովբէից փառաբանիս երգով Աստուածածին, ընդ որս եւ մեք համաձայնեալ բարեբանեմք զծագող իմանալի լուսոյն զմիշտ կոյսն:

Փառաւորեալ եւ օրհնեալ միշտ սուրբ կոյս Աստուածածին Մարիամ մայր Քրիստոսի, մատո զաղաչանս մեր Որդւոյ քո եւ Աստուծոյ մերոյ:

Փառաւորեալ ընդ Միածնին: == Վեհագոյն սերովբէիցն եւ բարձրագոյն քերովբէից, վերամբարձար 'ի բարձունս յեղականացս

անհպելին, փառաւորեալ ընդ Միսճնին հրճուողական ձայնիւ երգոց:

Փոփկութեան զբախտին բացող բանալի, Գրխատոսի բարձող, նմանող երկնից, սափոր ոսկեղէն լի մանանայիւ, զաւազան ծաղկեալ յարմատոյն Յեսսեայ, տաճար լուսոյ մայր, առ ծնեալն 'ի քէն միշտ բարեխօսեա անդադար հայցմամբ շնորհել զթողութիւն մեր ննջեցելոցն:

Փոխադրեալ 'ի լոյսն անստուեր: = Լոյսն անքնին ծածկեալ 'ի ծոց Հօր որ ծագեցաւ 'ի քէն մայր եւ կոյս, այսօր իջեալ անմարմնական դասուք հրեղինացն՝ փոխադրեաց զքեզ լուսափայլ ամպովք 'ի լոյսն անստուեր:

Փոխադրեալ յերկնային խորանն: = Որ էակիցդ ես Հօր եւ սուրբ Հոգւոյն՝ մարմնանալ 'ի յանձն առեր 'ի սրբոյ կուսէն, այսօր փոխադրեալ դասեցեր յերկնային խորանն զքոյին ծնողն, զոր միշտ ունիմք բարեխօս առ քեզ Տէր Աստուած հարցն մերոց:

Փոխադրեալ յերկնայինն: = Այսօր զազատիչն յանցանաց նախամօրն զկուսութեանց մայրն փոխադրեաց Բանն Աստուած, յերկնայինն դասելով յաստուա-

ծակերտ խորանն եւ յանպատում 'ի կեանս, վասն որոյ հրճուողական ձայնիւ քեզ երգէ եկեղեցի սուրբ զնոր զօրհնաբանութիւն:

Փոխադրեալ յիմանալի եւ յանպատում գերագոյն բնութիւն: = Այսօր զնախամօրն երկանց բարձողն կուսական ծնընդեամբ զանհարսնացեալ մայրն՝ Միածինն իջեալ փառօք փոխադրեաց յիմանալի եւ յանպատում գերագոյն բնութիւնս, վասն որոյ սրովքական ձայնիւ քեզ երգեմք սրբութեանց սուրբ զմիշտ փառաբանութիւն:

Փոխուամ կուսին յերուսաղէմ քաղաքն վերին: = Այսօր եւ մանկունք եկեղեցւոյ ուրախութեամբ տօնեն յերկրի գիտլուսն կուսին յերուսաղէմ քաղաքն վերին:

Փոխուամ միշտ կուսին: = Ճառագայթ Հօր ծոցածին, յորժամ ելեր առ Հայր յերկինս, խոստանայիր բանիւ քոյին՝ 'ի կատարումն Աստուածածնին՝ քեզ միայնոյ զօրօք քոյին զալ 'ի փոխումն միշտ կուսին:

= Որ 'ի կուսական դասակցութեանց եւ 'ի սրբոց հգնաւորաց փառաբանիս Սըրբուհի, ուստի եւ մեք հաւատացեալքս վերապատուեմք զփոխումն քո 'ի յեր-

կինս, որ առաւել բարձրացեալդ ես յաւիտեան:

== Որ մահուամբ քով կեցուցեր զմեզ, եւ յարուցեալ համբարձար առ Հայր 'ի յերկինս, այսօր երկնաւոր զօրօք իջեր 'ի փոխումն մօր քո եւ կուսի, հայցմամբ ծագողին լուսոյդ եւ մեզ ողորմեա:

Փռթացիր յօգնութիւն սուրբ Աստուածածին, եւ աղաչեա զառ 'ի քէն զմարմնացեալ Բանն Աստուած՝ զի յահաւոր եւ 'ի միւսանգամ զալտեանն իւրոյ պարգեւեացէ մեզ զկեանան յաւիտենից:

Փրկող կենդանութեան ազգի մարդկան: == Զքեզ կոյս եւ մայր եւ բնակարան աստուածային ներմարդութեանն գոհարանեմք եւ վերօրհնեմք զեղեալ փրկող կենդանութեան ազգի մարդկան, վասն որոյ զքեզ Աստուածածին եւ կոյս բարեբանեմք զմայր եւ զաղախին փրկչին մերոյ:

բ

Քաղաք: Տես Տաճար եւ քաղաք:

Քաղաքավարեալ 'ի մարմնի անարատ վարուք: Տես Բարեխօս խոստովանողացս:

Քաղցրացուցիչ դառնաճաշակ պտղոյն: Տես Անբողակէզ մորեմի:

Քան զարեգակն պայծառագոյն Մարիամ: == Որ քան զարեգակն պայծառագոյն Մարիամ, մի՛ գաղաբեր բարեխօսել վասն մեր, Քրիստոսի մայր Աստուծոյ մերոյ:

Քան զերկինս բարձրագոյն: Տես Ամենագութիւն:

Քաւիչ մեղաց: == Անիծից լուծիչ եւ քաւիչ մեղաց սուրբ կոյս՝ որ զանտանելին յէից 'ի գիրկս քո բարձեր, զքեզ բարեբանեմք Աստուածածին կոյս:

Քեզ միայնոյ մարմնացելոյդ 'ի սուրբ կուսէն օրհնութիւն 'ի բարձունս վերերգեմք ասելով, փառք քեզ Քրիստոս որ եկիր կամաւ Հօր կեցուցանել զմեզ: — Խնդա Մարիամ որ եղեր մայր Քրիստոսի, եւ աղաչեա զառ 'ի քէն զմարմնացեալ Բանն Աստուած, զի փրկեսցէ զմեզ 'ի փորձութենէ:

Քեզ միայնոյ մօր եւ կուսի մաղթեմք հայցելով 'ի քէն, բարեխօսեա անդադար առ Որդիդ քո եւ Աստուած մեր՝ փրկել զմեզ 'ի փորձութենէ եւ յամենայն վտանգից մերոց:

Քերովբէական աթոռ արարչին մերոյ տնօ-

րէնութեան: == Ամէնօրհնեալ աստուածամայր Մարիամ, քերովբէական ամոռարարչին մերոյ տնօրէնութեան, զոր երանեն ամենայն ազինք հանապաղ:

Քերովբէական աթոռ ցուցար Աստուածածին՝ ՚ի գիրկս բառնալով զԱստուածն ամենեցուն որ նստին ՚ի քերովբէս, առ նա միշտ բարեխօսեա կեցուցանել զմեզ:

Քերովբէական թեւօք պարածածկեցար՝ սըրբուհի Աստուածածին կոյս եւ մայր եւ բնակարան աստուածութեանն, վերօրհնեալ յամենայն առաքելական քարոզութեանցն:

Քերովբէից գերագոյն էին աթոռ, եւ ծառ կենաց անմահական պաղոյն, տապանակ կտակի Բանին եւ սափոր օսկի երկնային մանանային, հոգեւոր երգով զքեզ Սըրբուհի մեծացուցանեմք:

Քերովբէ հողեղէն: == Այսօր զանտանելի Բանիք բարձողն զքերովբէն հողեղէն բարձրացուցեր ՚ի ստորնայնոցս զերակայիցն կայանս:

Քերովբէ մարմնաւոր: == Սերովբէ հողեղէն եւ մարմնաւոր քերովբէ, որ զանտեսն ՚ի նոցունց՝ յորովայնի քում կրեցեր, օրհնութեամբ զքեզ բարեբանեալ մեծացուցանեմք:

Քեւ բացաւ սրովբէափակ դուռն զրախտին: Տես Քեւ տուաւ:

Քեւ լուծան կնիք դատապարտութեան: Տես Քեւ կանգնեցաւ:

Քեւ կանգնեցաւ մեղուցեալ մայրն զլորեալ: == Քեւ լուծան կնիք դատապարտութեան, եւ քեւ կանգնեցաւ մեղուցեալ մայրն գլորեալ, վասն որոյ զքեզ Աստուածածին եւ կոյս, անդադար երգով մեծացուցանեմք:

Քեւ հաճեցան իմանալիքն ընդ հողեղէնքս: Տես Քեւ մերձեցար ՚ի փայտն կենաց:

Քեւ մերձեցաք ՚ի փայտն կենաց: == Քեւ հաճեցան իմանալիքն ընդ հողեղէնքս, եւ քեւ մերձեցար ՚ի փայտն կենաց, քեզ երանեն ամենայն ազինք:

Քեւ տուաւ մեզ փայտն անմահութեան: == Քեւ բացաւ սրովբէափակ դուռն զրախտին, եւ քեւ տուաւ մեզ փայտն անմահութեան, զոր ՚ի նմա զենեալն անմահ այսօր յերկնից լուսաւորեաց, հոգեւոր երգով զքեզ Սըրբուհի մեծացուցանեմք:

Քրիստոսի բարձող: Տես Փափկութեան զրախտին:

Քրիստոսի մայր Աստուծոյ մերոյ: == Ի քեզ եմք սպաւինեալ Քրիստոսի մայր Աստու-

ծոյ մերոյ: — Որ քան զերկինս բարձրա-
գոյն Մարիամ, պարծանք եկեղեցւոյ,
Քրիստոսի մայր Աստուծոյ մերոյ: — Որ
քան զարեգակն պայծառագոյն Մարիամ,
մի դադարեք բարեխօսել վասն մեր, Քրիս-
տոսի մայր Աստուծոյ մերոյ:

Քրովբէական աթոռ: == Տիրուհի անարատ
մայր Տեառն եւ կոյս Մարիամ, քրովբէա-
կան ամոռ զբեղ տեսաք 'ի յերկրի, բա-
րեխօսեա առ Տէր վասն մերոյ փրկու-
թեան:

Քրովբէ հողեղէն: == Այսօր ընդ հրեղէն
քերովբէիցն, որք զքրովբէն հողեղէն վեր-
համբարձին ձայնիւ փողոյ 'ի յերկինս,
բարեբանեցէք զՀոգին ճշմարիտ, բարձր
արարէք զնա յաւիտեան:

== Որ 'ի քրովբէական աթոռ նստիս ընդ
Հօր եւ սուրբ Հոգւոյն, հաճեցար բառնիլ
մարմնով 'ի գիրկս կուսին եւ կաթնասուն
եղեր. այսօր քրովբէիւք վերհամբարձեք
յաթոռ փառաց զհողեղէն քրովբէն. աղա-
չանօք մօր քո ողորմեա մեզ Որդի Աս-
տուծոյ:

O

Օգնական եւ շնորհ աշխարհի: == Ուրախա-
ցիր Աստուածածին՝ որ կուսութեանց ես
պարծանք եւ մայր հաստատութեան մարդ-
կան, օգնական եւ շնորհ աշխարհի,
Մարիամ մայր եւ աղախին փրկչին մերոյ:

Օթարան Արեգական: == Ուրախ լեր մայր
լուսոյ Մարիամ, երկիր բանաւոր՝ Արեգա-
կանն օթարան, լեր բարեխօս վասն ան-
ձանց մերոց:

Օթարան լուսածին: == Արեւելք գերարփին
եւ օթարան լուսածին, զանմայր ծնեալն
առաջին՝ ծնար անհայր յերկրորդին, բա-
րեխօսեա Միածնին Աստուածածին մայր
Բանին:

Օրհնաբանեալ կոյս: Տես Կոյս օրհնաբանեալ:
Օրհնաբանեալ Տիրուհի: == Որ 'ի դասուց
մարգարէից եւ յերջանիկ առաքելոցն օրհ-
նաբանեալ Տիրուհին, զուծիչ երկանցն
եւայի զմայրն կենաց ծնեալն այսօր 'ի
յԱննայէ, բարձր արարէք զծնեալն այսօր
զմայր մաքուր Բանին զմիշտ կոյսն:

Օրհնեալք 'ի կանայս : = Ի տեսիլ հրաշից
 փառաց Միածնին զուարճացան դասք ա-
 ոսքեղոցն, եւ ընդ վերին զուարթունն
 համաձայնեալ՝ նոր օրհնութիւն քեզ եւ
 զանակէին օրինեալք 'ի կանայս :

Օրհնեալ ես ամենօրհնեալք 'ի կանայս : Տես
 Ամենօրհնեալք 'ի կանայս :

Օրհնեալ ես կոյս տաճար մաքրեալ : = Տէ-
 րութիւնք եւ զօրութիւնք, իշխանութիւնք
 եւ պետութիւնք, հրեշտակապետք եւ
 հրեշտակք եղանակէն զերդս օրհնութեան,
 օրինեալ ես կոյս տաճար մաքրեալ յո-
 րում ստեղծողն էից բազմեալ :

Օրհնեալ ես սուրբ Աստուածածին : = Սե-
 րովբէից գունդք հիացեալ յորժամ տեսին
 զՏէրն իջեալ 'ի փոխումն Աստուածա-
 ծնին անապական եւ միշտ կուսին, զար-
 հուրեալ զայս ասէին, օրինեալ ես սուրբ
 Աստուածածին :

Օրհնեալ է պտուղ որովայնի քո : = Ուրախ
 լեր բերկրեալք Տէր ընդ քեզ, օրհնեալ ես
 դու 'ի կանայս, եւ օրինեալ է պտուղ
 որովայնի քո :

Օրհնեցէք : = Զծնեալն յամենասուրբ յորո-
 վայնէ՝ յանարատ 'ի կուսէն՝ օրինեցէք
 եւ բարձր արարէք զնա յաւիտեան :

Օրհնիչ եւայի : = Որ մաքրեցեր Հոգիդ սուրբ
 զսիրտ եւ զարգանդ մօր քո փառակցին,
 այսօր ամուլ ծնողաց նորին ետուր զմայր
 Բանին զօրհնիչն եւայի, մաղթանօք սորա
 Տէր մեզ ողորմեա :

Օրհնութիւն 'ի բարձունս անօրինեցելոյն 'ի
 կուսէն թաղաւորին մերոյ, ալէլուիա ա-
 լէլուիա : — Օրհնութիւն 'ի բարձունս ան-
 սասանելի եւ հաստատուն յուսոյն մերոյ,
 ալէլուիա ալէլուիա : — Օրհնութիւն 'ի
 բարձունս անբաժանելի եւ միասնական
 սուրբ Երրորդութեանն, ալէլուիա ալէ-
 լուիա :

Գոհութիւն եւ փառաբանութիւն մատու-
 ցանեմ քեզ, Տիրամայր, զի առաջնորդեցեր
 ինձ մինչեւ 'ի կատարումն գրութեան, եւ
 ուրախ եմ թէ աւարտեմ զայդ յԱլէլուիա :
 Սակայն զիմորդ ուրախութիւնն մեր լցեալ
 եղիցի՝ եթէ ոչ արժանի արասցես զմեզ եր-
 գել զայն յերկնից արքայութեան : Այդ լիցի
 պսակ ողորմութեան մայրագութ սրտիդ՝
 Ապրեցուցիչ Աստուածածին : Քանզի ըստ սի-
 րեցելոյդ Աւգոստինոսի՝ « Յայնժամ եղիցի

Այլելուիս արդեամբք, իսկ այժմ յուսով: Յոյսըն երգէ զայն, եւ սէրն այժմ զնոյն երգէ. սէրն երգեսցէ եւ յայնժամ. սակայն այժմ քաղցեալ, յայնժամ յագեալ»: (Ճառ. 255):

Զի որպէս նոյն երանելի Հայրապետն աւարտէ զգիրս յաղագս Քաղաքին Աստուծոյ.

« Անդ պարապիցիմք եւ տեսանիցեմք, տեսցուք առ 'ի սիրել, սիրեսցուք առ 'ի յօրհնել: Աւանիկ որ լինելոց է 'ի վախճանի անվախճանաբար. զի ո՞ր այլ է վախճան մեր՝ բայց ժամանել յարքայութիւն, որոյ չիք վախճան »:

Աւստի պաղատանօք հայցեմք 'ի մայրազուծ սրտէդ ընդ Հայաստանեայց Եկեղեցւոյ:

« Աստուածածին անհարսնացեալ՝
Յերկրէ երկնից հարսն ընծայեալ,
Յորժամ բազմիս լուսոյ նըման
Քո Միածնիդ յաջակողմեան,
Յայնժամ մաղթեա ընդ մեր ըզնոյն՝
Փըրկել ըզմեզ յահել բոցոյն.
Համագասիլ ընդ արդարոցն
Երգել ըզփառս ընդ երկնայնոց »:


Վ Ե Ր Զ Ա Ռ Ա Ն


Ն Ա Խ Ը Ն Թ Ա Յ Տ Պ Ա Գ Ր Ո Ւ Թ Ե Ա Ն Յ

Փ Ն Զ Ի Ս

Ի բաշխիչ փոքրիկ փնջի ծաղկանցս պաղատանօք հայցեմ 'ի մայրազուծ սրտէդ ընդ Հայաստանեայց Եկեղեցւոյ:

« Աստուածածին անարատ մայր Տեառն եւ կոյս սուրբ, բարեխօսեա առ Որդիդ քո Միածին, զի փրկեսցէ զմեզ 'ի սպառնալեաց զեհէնոյն, եւ պարգեւեսցէ մեզ զերկնից արքայութիւնն, եւ հանգուցէ զհոգիս մեր ննջեցելոցն: Օգնեա եւ ինձ Գրիստոս այսօր յառաջին ճանապարհին, եւ 'ի միւսանգամ զալստեանդ քո օգնեա ինձ »:







1723

« Ազգային գրադարան »



NL0028635

1723

1140